

ଅର୍ଚ୍ଚନା

‘ବନ୍ଦନା’ର କବି
ଶ୍ରୀକିରଣଚନ୍ଦ୍ର ଦତ୍ତ

ଲେକ୍ସନୀ-ନିବାସ
ବାଗବାଜାର, କଲିକାତା

প্রকাশক
শ্রীরামশঙ্কর দত্ত
লক্ষ্মী-নিবাস, ১, লক্ষ্মী দত্ত লেন,
বাগবাজার, কলিকাতা

আশ্বিন, ১৩৩৭

সেপ্টেম্বর, ১৯৩০

মূল্য এক টাকা

শ্রীগৌরানন্দ প্রেস,
প্রিন্টার—শ্রীহরেশচন্দ্র মজুমদার,
৭১।১নং মির্জাপুর ষ্ট্রীট, কলিকাতা।

৫৪৯।৩০

প্রকাশকের কথা

যতদূর জানা যায়, ‘বন্দনা’ ও ‘অর্চনা’র কবি কবিতা রচনা করিয়া, উহা প্রকাশার্থ কাহারও দ্বারস্থ হ’ন নাই। তিনি নিভৃতে অনাড়ম্বরে বাণী-সাধনায় চিরদিন ব্যাপৃত থাকিতেন। অনুরাগী বন্ধুগণ অনুগ্রহ করিয়া তাঁহার রচনা পাঠে আনন্দ প্রকাশ করিয়া নিজ নিজ পত্র বা পত্রিকায় কতকগুলিকে সম্মানিত করিয়াছেন বা কোন কোন সময়ে কবির নিজ সম্পাদিত পত্রিকায় কয়েকটি স্থান পাইয়াছে। তাঁহার রচনাগুলির মধ্যে আগাগোড়া এমন একটী সম্ভাবের পরিচয় পাওয়া যায়, বাহা সমান ভাবে অগ্ৰত কদাচ দৃষ্ট হয়। আজকাল ভূমিকারূপ তিলক না দিলে পুস্তক প্রকাশ ও প্রচার করা দুঃসাধ্য—বন্দনার প্রকাশক দুইখানি পত্র প্রকাশ করিয়া সে সাধ মিটাইয়াছিলেন—কিন্তু অর্চনায় প্রকাশের জন্ত সেইরূপ মনীষীর পরিচয়-পত্র দিতে কবি কুণ্ঠিত হওয়ায় আমরা এই পল্লীর উদীয়মান লেখক, কবি ও সম্পাদক শ্রীযুক্ত বৈদ্যনাথ বন্দ্যোপাধ্যায় মহাশয় কবির ‘বন্দনা’ পাঠে যে ‘কবি-প্রশস্তি’ রচনা করিয়া ‘কায়স্থ-পত্রিকায়’ প্রকাশ করিয়াছিলেন তাহাই এখানে অর্চনার প্রথম অধ্যাক্ষেপে উৎসর্গ করিলাম।

দেবীপক্ষ, ১৩৩৭

শ্রীরামশঙ্কর দত্ত

কবি-প্রশান্তি

(স্বকবি শ্রীযুক্ত কিরণচন্দ্র দত্ত মহাশয়ের ‘বন্দনা’ পাঠে)

‘সৌরভ’ যথার্থ আছে, তব কাব্য-ফুলে,
কবি-জ্যোতিস্মান !

হাসিমুখে লহ আজি অন্তর-নিহিত মোর
শ্রদ্ধা ও সম্মান !

‘রাধিকার উক্তি’ যাহা এঁকেছ সাহিত্যে, তাহা
নূতন নহেক, তবু আছে নব তান !
‘আয় শিশু’ প্রতিভার অপার্থিব দান !

হৃদয়ের অতি সত্য সুমধুর বাণী,—
‘সারদার প্রতি’—

সুনির্মল নিখর্রিণী বহে যথা অবিরাম,
সেই মত গতি !

‘পতিতার খেদ’ বলি’ যা’ দেছ সম্মুখে তুলি’,
হ’ক সে পতিতা—বহু উর্দ্ধে তার গতি !
চাহি না বিফল গর্ব, করি তা’য় নতি !

হায় রে সে ‘হারাধন’ গিয়াছে হারা’য়ে
এ বঙ্গ হইতে !

‘সুশীলের’ দুঃশীলতা প্রতি গৃহে গৃহে
হইছে সহিতে !

বেজেছে কোমল-প্রাণে, তাই কাঁদি’ আন্মনে,
গেয়েছ আকুল-সুরে সবারে দহিতে !
তুলনা তাহার আমি না পারি কহিতে !

স্তুতি নাহি করি কবি, নিবেদন শুধু
জানাই তোমায় ;—

তব স্মৃতি ‘গুরু-স্তব’ জাগায়েছে মনে
শেষের উপায় !

‘জীবমুক্ত’ তর্জ্জমায় যে শক্তি ক’রেছ ব্যয়,
নাহি ক তাহার মূল্য—অমূল্য ধরায় !
উচিত আছিল দিতে প্রথমে উহায় !

‘ললনা-মহিমা’ আর ‘গিরিশ-গৌরব’—
কাব্য-অলঙ্কার !

তুলনার নাহি প্রয়োজন, ধারে না ক
বিচারের ধার !

ভাষার ভাস্কর-রাগে ভাবের মুরতি জাগে,
জননীর প্রতি শ্রদ্ধা সংসারের সার !
কবির সম্মান কবি—উচিত বিচার !

‘চারু-স্মৃতি’ যজ্ঞ-কুণ্ডে আপনা আহুতি

দিয়েছ সাগ্নিক !

মানবের প্রাণে এ যে, চির-ব্যথা দিবে,

(সত্য কথা) নহে ত অলীক !

বজ্রবাণী-আঙিনায় এমনি করিয়া হায়,

আঁক হে নূতন চিত্র—কি কব অধিক !

দয়াল করিয়া দয়া দীর্ঘ-আয়ু দিক !

শ্রী বৈদ্যনাথ বন্দ্যোপাধ্যায়

কায়স্থ-পত্রিকা, ফাল্গুন, ১৩৩০

ভদ্র ধর্মকৃত্তিক



ভদ্র দাশব্রহ্ম কৌশল



অশেষ ভক্তিভাষ্য
অগ্রজ শ্রীযুক্ত হরিশচন্দ্র দত্ত মহাশয়ের অসীম মেহ-

ও

প্রাণাধিক প্রিয়তম পুত্র ৮ কালীকৃষ্ণেশ্বর
সভক্তি-সেবা-

ঋণ-স্মরণে উৎসর্গ

সব্ব-স্নেহের পাশে বাঁধিয়া আমার
যে রেখেছে মোরে আঙুলিয়া !
প্রাণভরা আশীর্ব্বাদ ধরিয়া মাথায়
আজো যাঁর আছি গো বাঁচিয়া !—

যাঁর ভক্তি-পূর্ণ সেবা ফুরা'য়ে অকালে
করিতেছে ক্ষীণ প্রতিক্ষণে !
পবিত্র-চরিত্র-টীকা যে পরিয়া ভালে
বেঁধে গেছে সবে মহাঋণে !—

* * * *

পিতৃতুল্য সে অগ্রজে শ্রদ্ধার চন্দনে
পূজি আজি এই 'অর্চনা'য় !
প্রাণাধিক প্রিয়পুত্র হৃদয়-রঞ্জনে
স্মরি' হেথা ভুলি যন্ত্রণায় !

সূচী-পত্র

বিষয়	পূর্ব-সম্পর্ক	পৃষ্ঠাঙ্ক
অবসাদে আকাজ্জা	(পূর্ব-রচনা)	১৬
অমর শিশিরকুমার	(কায়স্থ-পত্রিকা, সজ্জ)	১৩৪
অমরার পথ	(অনুবাদ—সজ্জ, বিশ্ববাণী)	১১৭
অমৃত অমৃতলোকে	(সজ্জ, মাসিক বসুমতী)	১২৬
অমৃত-চক্র	(সজ্জ)	১১৮
উদ্বোধন	(কায়স্থ-পত্রিকা)	২৪
উপদেশ-প্রকরণম্—শঙ্করাবুবা	(সজ্জ)	৭৯
একাত্তকানন	(মাসিক বসুমতী)	৩৩
খেলা মোর সাজ হ'ল	(অনুবাদ—সজ্জ, উদ্বোধন)	১২০
গিরিশ-গৌরব	(কায়স্থ-পত্রিকা)	৬৩
গিরিশচন্দ্র, নাট্যসম্রাট	(কায়স্থ-পত্রিকা)	৪১
গিরিশচন্দ্রের প্রতি	(নাট্যশালার সুবর্ণ-জুবিলী উপলক্ষ্যে)	২৩
গোলাপ-যুগল	(পূর্ব-অনুবাদ—সজ্জ)	৪
চিন্তাকণা		১৪৮, ১৪৯
তত্ত্বমসি	(কায়স্থ-পত্রিকা)	৪৬
দাতাকর্ণ মণীন্দ্রচন্দ্র	(সজ্জ, বিশ্ববাণী)	১৪৪
দেশবন্ধু-উদ্দেশে ছ' ফোঁটা অশ্রু	(কায়স্থ-পত্রিকা)	৬৮
নবম নন্দন	(অনুবাদ—সজ্জ, চক্র)	১৪৮
নাগ মহাশয়—দুর্গাচরণ	(কায়স্থ-পত্রিকা)	৭৪
পুরুষ-সিংহ আশুতোষ	(কায়স্থ-পত্রিকা)	৫৪

বিষয়	পূর্ব-সম্পর্ক	পৃষ্ঠাঙ্ক
প্রণয়-উন্মেষ	(পূর্ব-রচনা—সজ্ব)	৭
প্রার্থনা	(পূর্ব-রচনা)	৮
প্রার্থনা	(সংস্কৃত—অমুবাদ)	১০
প্রিয়দর্শন জিতেন্দ্রনাথ (জিতু দত্ত)	(সজ্ব)	৬১
বাক্সালী-কায়স্থ-মঙ্গল	(কায়স্থ-পত্রিকা, কায়স্থ-সমাজ)	৮৭
বিদায় ও আহ্বান	(কায়স্থ-পত্রিকা)	৯৯
বিশ্ববাণী	(বিশ্ববাণী)	১০৮
বুদ্ধদেব-চরিত—প্রস্তাবনা	(নাট্যমন্দির)	১৪
বোধন	(কায়স্থ-পত্রিকা)	৩০
ব্যোমকেশ ও বঙ্গীয় সাহিত্য-পরিষৎ (সজ্ব)		১১৬
ভারতপূজ্য সুরেন্দ্রনাথ	(কায়স্থ-পত্রিকা)	৭৩
ভূপেন্দ্র শ্রদ্ধাঞ্জলি	(কায়স্থ-পত্রিকা)	৫৩
মধুপুর-মধুকথা	(সজ্ব)	৫৫
মধু-স্ততি (সনেট)	(কায়স্থ-পত্রিকা)	৭০
মধু-স্ততি (অমিত্রাক্ষরে)	(কায়স্থ-পত্রিকা)	৭১
মনীষী বিহারীলাল সুর	(সজ্ব)	৯৫
মহাত্মা অখিনীকুমার	(সজ্ব, কায়স্থ-পত্রিকা)	১০৫
মহাত্মা শিশিরকুমার	(সজ্ব, কায়স্থ-পত্রিকা)	১২৫
মহাপূজা	(কায়স্থ-পত্রিকা, সজ্ব)	১০২
মহামনা মনোমোহন	(সজ্ব)	৮৩
মেঘনাদ-বধ—প্রস্তাবনা (পুস্তিকা)		১২
রাধানগর-সাহিত্য-সম্মেলন	(কায়স্থ-পত্রিকা)	৪৪
রায় যতীন্দ্রনাথ চৌধুরী	(কায়স্থ-পত্রিকা)	৭৬

বিষয়	পূর্ব-সম্পর্ক	পৃষ্ঠাঙ্ক
লর্ড সিংহ, কায়স্থকুল-ভাস্কর	(কায়স্থ-পত্রিকা)	১০৭
শাস্তিতে সে লভুক বিশ্রাম	(অনুবাদ—সজ্জ, বিশ্ববাণী)	১১৫
শ্রীমধুসূদন	(সজ্জ)	১১৯
শ্রীমধুসূদন, দত্তকুলোদ্ভব কবি	(কায়স্থ-পত্রিকা)	৪২
শ্রীশ্রীকালী	(অনুবাদ—সজ্জ, বিশ্ববাণী)	১৩৯
শ্রীশ্রীগোবিন্দ-ধ্যান	(অনুবাদ, পুস্তিকা)	২
শ্রীশ্রীচিত্রগুপ্ত	(কায়স্থ-পত্রিকা)	৭৫
শ্রীশ্রীচিত্রগুপ্তদেব	(কায়স্থ-পত্রিকা)	৮৫
শ্রীশ্রীরাধিকা-ধ্যান	(অনুবাদ, পুস্তিকা)	৩
শ্রীশ্রীসিংহবাহিনী-ধ্যান	(অনুবাদ, পুস্তিকা)	১
শ্রেষ্ঠ দান	(সজ্জ, চক্র)	১৪৯
সনাতন (গাথা)	(Teachers' Journal, সজ্জ)	১৫০
সজ্জ	(সজ্জ)	১১০
সমাধি-মন্দির ও গোলাপ	(পূর্ব-অনুবাদ, সজ্জ)	৬
সারদা-বন্দনা	—	১৮
সাহিত্য-পরিষৎ-পরিচয়	(সজ্জ, বিশ্ববাণী)	১৪৬
স্বাগতম্	(কায়স্থ-পত্রিকা)	৯৭
স্নান-পূর্ণিমা	(পূর্ব-রচনা)	২০
স্বাগতম্	(কায়স্থ-পত্রিকা)	৬৫
স্বাগত-সম্ভাষণ	(কায়স্থ-পত্রিকা)	২৭
স্বামী সারদানন্দ—শ্রীমৎ	(সজ্জ, বিশ্ববাণী)	১৪৫
Poets' Song		১৫৬

কবির অন্যান্য গ্রন্থ পরিচয়

- ১। বন্দনা—(কবিতাবলী ও গাথাবলী) মূল্য—১৥০
(২৮০ পৃষ্ঠা, ডবল ক্রাউন ১৭ই ফর্ম্যা, ভাল এটিকে ছাপা)
২। সাধনা—(শ্রীরামকৃষ্ণ-বিবেকানন্দ পরিচয়, তত্ত্ব ও
গীতাবলী) মূল্য—১৥০

(১১২ পৃষ্ঠা, ৭ ফর্ম্যা, ভাল আইভরি ফিনিসে ছাপা)

- ৩। Girish Chandra Ghosh—A Biographical
Sketch (In Antique 16 pages, Double
Crown) Price 1 anna.

- ৪। সুধীরা-শিবরাণী-স্মৃতি—(৪৮ পৃষ্ঠা, ডবল ক্রাউন,
৩ ফর্ম্যা) মূল্য—দু' কোঁটা অশ্রু

- ৫। সম্মাননা—(মহাত্মাগণের উদ্দেশে শ্রদ্ধাঞ্জলি)

- ৬। আরাধনা—(গীতাবলী)

- ৭। বঙ্গীয় নাট্যশালার প্রাথমিক ইতিহাস

৫১৬৭ শীত্রই পুস্তকাকারে প্রকাশিত হইবে

সম্ম কার্যালয় হইতে প্রকাশিত—কালীকৃষ্ণ-কথা

প্রাপ্তিস্থান—লক্ষ্মী-নিবাস—১, লক্ষ্মী দত্ত লেন,

বাগবাজার, কলিকাতা



ଶ୍ରୀକିରଗଚନ୍ଦ୍ର ନନ୍ଦ

অর্চনা

শ্রীশ্রীসিংহবাহিনী

সিংহাসনে উপবিষ্টা দুর্গাতিহারিণী,
অর্দ্ধেন্দুশেখরা দুর্গা, ত্রিনেত্রধারিণী !
মরকতপ্রভাময়ী, কণ্ঠে মুক্তাহার,
চারিহাতে শঙ্খ-চক্র-ধনু-শর আর !
বাহুতে কেয়ূর, রণে শ্রীকরে কঙ্কণ,
রত্নের কুণ্ডল কিবা শ্রবণে শোভন !
কটিদেশে ঝলে কাঞ্চি মরি কি মধুর !
কিনি কিনি বাজিতেছে চরণে নুপুর !

শ্রীশ্রীগোবিন্দ

স্মর রম্য পীঠস্থান বৃন্দাবন-ধাম,
গোবিন্দ, পুণ্ডরীকাক্ষ, বিহীন বিরাম
করেন বিহার যথা গোপীগণ-সনে,
বিমোহিতা ষাঁ'রা হেরে মদনমোহনে ।
ভ্রমর-চঞ্চল আঁখি কমল-বদনে,
ফুলশরে প্রপীড়িতা, উৎসুক মিলনে ।
পীন তুঙ্গ স্তন-ভারে তনু অবনত,
সমুজ্জ্বল মুক্তাহার তায় বিলম্বিত ।
শিথিল কবরী বাস, রসালসা বাণী,
দশনোজ্জ্বলবদন সহস্র গোপিনী,
নানাভাবে, নানারূপে প্রার্থয়ে ষাঁহারে,
ভজ সে পুরুষোত্তমে হৃদয়-আগারে ।
প্রফুল্ল কমল সম সে বিধুবদন,
শিরে শোভে শিখি-চূড়া নয়ন-রঞ্জন ।
উদার কোমল অঙ্গে পীতাম্বর-পরা,
নয়ন-উৎপলে ষাঁ'রে পূজেন গোপীরা ।
গোষ্ঠের গো-পাল আর গোপগণমাঝে
গোবিন্দ স্নন্দর তিনি, মুখে বেণু বাজে ।

শ্রীশ্রীরাধিকা

হেমাভ, দ্বিভুজা ভজ বরাভয়করা,
শ্যাম-ক্ৰোড়নিবাসিনী, রক্তাশ্বরপরা,
উজ্জ্বলা সিন্দূর-রাগে, লোলাক্ষী, চিন্ময়ী,
ভগবতী, শ্রীরাধিকা, নিত্যানন্দময়ী,
বিধুমুখী, বিশ্বাধরা, নবীনা রমণী,
দিব্যাজনা, সালঙ্কারা, শ্যাম-বিলাসিনী !

গোলাপ-মুগল

(৬তম দস্তের 'Two Roses'এর অনুবাদ)

শ্যামল নিকুঞ্জে অলি নাহি গুঞ্জে,
নীরব নিখর প্রকৃতি-কানন ।
গোলাপসুন্দরী, স্বভাব-বালিকা,
নীরবে কাঁদিছে, ঝরিছে নয়ন ॥
নিম্নে তার এক অফুটন্ত কলি
ছলিছে মৃদুল মৃদুল অনিলে ।
ফুটন্ত গোলাপ কাঁদিছে কেবল,
ভাসিছে বয়ান নয়ন-সলিলে ॥
এমন সময়ে কবি ধীরে ধীরে
জিজ্ঞাসিল তায়—‘কেন কাঁদ বালী’ ।
কহিল গোলাপ, নিম্নলা বালিকা,
‘শুন ব্যথিজন হৃদয়ের জ্বালা’ ॥

গোলাপ-যুগল

“নিশ্চয় মম ওই,
কর দরশন,—
র’য়েছে একটা মুকুল সুন্দর ।
থেকে থেকে কহে,— ‘উন্মুক্ত হইলে
মুদিত হয় না কাহার(ও) অন্তর’ ॥
খুলেছে আমার হৃদয়-কোরক,
ভয় হয় পাছে—ঝরে পড়ি যায় ।
শুকা’য় পাপড়ি, উড়ে যায় বাস,
শান্তিহীন হই আমি এ ধরায ॥”

অনুদিত—সন ১৩০৪, ইং ১৮৯৭

सङ्घ-कार्तिक, १७२९

সমাধি-মন্দির ও গোলাপ

(৬তম দত্তের ইংরাজি হইতে)

সমাধি-গহ্বর বলে,—

‘নিশির শিশির-জলে—

কি কর লইয়া তুমি—প্রভাতের ফুল’ ?

‘কি কর লইয়া তারে—

পড়ে যাহা তবোদরে,’

জিজ্ঞাসে গোলাপ—‘ওরে আবর্ত অকুল ?

ধীরে ধীরে কহে বালা—

‘ল’য়ে সেই অশ্রুমালা

বিলাই সৌরভ—যাহা কবির আদরে’ !

উত্তরে কহিল তায়—

‘প্রতি আত্মা যাহা পায়,

একটি স্বর্গীয় জীব তাহে সৃষ্টি করে !’

প্রণয়-উন্মেষ

চিত্রায়ুক্ত মধুময় সেই মধুমাসে,
বাসন্তী বসনপরা যৌবন-উন্মেষে,
তুলিতে তুলিতে ফুল দাঁড়াইল ধীরা,
আহিরিণী-বাঙ্গা সে যে প্রাণমনোহরা !
কে যেন কাণের কাছে স্থললিত স্বরে
কহিল কিসের কথা অতি ধীরে ধীরে !
কি যেন নূতন প্রীতি বাজিল মরমে,
আবেশে অবশ তনু হইল সরমে !
কোকিল কুজিল কুঞ্জে ললিত উচ্ছ্বাসে,
গুঞ্জিল ভ্রমরকুল কুসুম-সকাশে !
মলয়-অচলবাহী অনিল বহিল,
মরমের কথা মনে সকলি মিলিল !
শুনায়েছে দেবদূত কথা স্তমধুর—
প্রেম-ভালবাসা-মাথা প্রণয় প্রচুর !

প্রার্থনা

(মহামারীতে)

এক

বিশ্বনাথ কর রক্ষা এ বিশ্ব তোমার,
আর্তনাদে হাহাকারে পূর্ণ চারি ধার ।
দেখিতে পারি না প্রভু এ ভীষণ দৃশ্য,
ছারখার কেন কর এই মহাবিশ্ব ?
সহিতে পারি না, দেব, এ হেন যন্ত্রণা,
ক্ষুদ্রমতি নরগণে কর হে করুণা ।
সুতহারা জননীর রোদনের ধ্বনি,
মর্মভেদী আর সব বিলাপ-কাহিনী,
শ্রবণে না হয় সহ—কাতর কিস্কর,
ডাকিতেছি তাই তোমা' ওহে বিশ্বস্তর !
ভীষণ এ মহারোষ কর সম্বরণ,
কা'রে করিয়াছ লক্ষ্য—ক্ষুদ্র জীবগণ !
কটাক্ষে করিতে পার বিশ্বের বিনাশ,
তবে কেন মহামারী—প্রেতের উল্লাস !
তুমি দেব বিশ্বপতি জগতের পিতা,
দূর কর জগন্নাথ তনয়ের ব্যথা ।

দুই

তুমি ওগো জগন্মাতা দয়াময়ী কালী,
 বিপদ-সময়ে কোথা আছ রক্ষাকালি !
 এস মাতঃ কর রক্ষা সন্তানে তোমার,
 প্রেতের তাণ্ডব-লীলা নাহি সহ্য আর !
 তুমি ও কি যোগ দেছ বিশ্বনাথ-সনে !
 ক'রেছ ক্রোধের পাত্র পুত্রকন্যাগণে !
 কুপুত্র যদিও হয়, জননী কখন
 নিঠুরা নহেন—জানে ত্রিভুবন-জন ।
 তবে কেন বিশ্বনাশ হয় মা-আমার !
 তুমি না করিলে রক্ষা, কে রক্ষিবে আর !
 ওই শুন কাঁদে তব স্নাতস্নাতাগণ,
 কৃপাময়ি কৃপা-কণা কর বিতরণ !
 চারিদিকে হাহাকার রোল রোদনের,
 এ দৃশ্য কি লাগে ভাল নয়নে মায়ের !
 এস মাতঃ জগদশ্বে জীবে দয়া কর,
 বিশ্বের মঙ্গল মাগে কিরণ-কিঙ্কর ।

প্রার্থনা

(পণ্ডিতবর ৮বরদাকান্ত স্মৃতিভূষণ কৃত অমুবাদ)

এক

হাহাকারসমাকীর্ণমার্তনাদনিনাদিতং ।
সমস্তাদব ভো বিশ্বং বিশ্বনাথ দয়াময় ॥
হে দেব ভীষণং দৃশ্যং ন শরোম্যাবলোকিতুং ।
কথং বা ত্বং মহাবিশ্বং বিনাশয়সি সাম্প্রতং ॥
ভবেদল্লমতীনাশ্ত নরাণাং যন্ত্রণাহসহা ।
অতঃ পশুপতে দেব কৃপয়া করুণাং কুরু ॥
নষ্টপুত্রা চ জননী যদা বিলপতি প্রভো ।
মর্শ্মভেদী তদাসহঃ শ্রবণে রোদনধ্বনিঃ ॥
কিং বিলক্ষ্য মহান্ ক্রোধো জায়তে জগদম্বর ।
কুরু সম্বরগন্তস্ত যাচতে কিঙ্করঃ প্রভো ॥
ত্বমবশ্যং কটাক্ষেণ বিশ্বমর্হে বিনাশিতুং ।
কথং জীববিনাশায় মহামারীমুপাদিশঃ ॥
ত্বমেব ধাতা পাতাচ বিশ্বমূর্ত্তে দয়ানিধে ।
বিশ্বপাবন দেবেশ বিদুরয় স্তুতব্যথাং ॥

দুই

সমাগচ্ছ জগন্মাতঃ কালিকে করুণাময়ি ।
 বিপৎকালে মহামায়ে রক্ষ ত্বং নিজসন্ততীঃ ॥
 প্রেতানাং তাণ্ডবং ঘোরমসহং ভবভাবিনি ।
 রক্ষাকালি ধরাপালী ত্বমেব স্মৃতবৎসলে ॥
 বিশ্বনাথেন চ সমং ত্বং বিযুজ্য শবাসনে ।
 কিমকার্ষীম'হাক্রোধং দারুণং স্বস্মৃতেষু চ ॥
 যদি পুত্রঃ কুপুত্রঃ স্মাৎ জননী নিষ্ঠুরা কদা ।
 ন ভবেৎ কালিকে মাতর্বিবদিতেতি জগজ্জনে ॥
 কথং বিশ্ববিনাশঃ স্মাৎ তদ্বদস্ব দিগম্বরে ।
 যদি নো রক্ষসি ত্বং বৈ কোবা ত্রাতা ভবেদিহ ॥
 শৃণু প্রাজ্ঞে মহামায়ে ক্রন্দন্তি চ স্মৃতাস্তব ।
 কৃপাময়ি স্মৃতে দেবি বিতরস্ব কৃপাকণাং ॥
 হাহাকারশ্চতুর্দিক্শু ধ্বনির্ববা ক্রন্দনশ্চ চ ।
 ঈপ্সিতঃ কিং ভবেন্মাতর্নয়নৈরবলোকিতঃ ॥
 জীবশিবপ্রদে দেবি জগদম্বে দয়াং কুরু ।
 বিশ্বশ্চ মঙ্গলং যাচে কিস্করঃ কিরণঃ শ্রিয়া ॥

যেঘনাদ-বধ

জগতের আদি কবি,
কবিকুল-মহারবি,
ক্রোধ-দুঃখে হ'য়ে দুঃখী রচিল যে গান ।
তাহার (ই) আভাস ল'য়ে, বাণী-প্রেমে মত্ত হ'য়ে,
জগতের কবিকুল তুলিতেছে তান !
অপূর্ব শ্রীরাম-কথা, মহর্ষির মহাগাথা,
কি মাধুর্য্য, কি সৌন্দর্য্য ঢালিল ধরায় !
সৌন্দর্য্যতরঙ্গ-ভঙ্গ লাগে—ভাসে ক্ষুদ্র বঙ্গ,
'শ্রীমধুসূদন' জাগে তাহার প্রভায় !
শ্রেষ্ঠ কবি নব্য বঙ্গে, তুলনা কাহার সঙ্গে,
অতুল রচনা তব বঙ্গ-কাব্যোচ্চানে !
তোমার মহিমা গাই দীন মোরা—সাধ্য নাই,
চিরাক্ষিত তব যশ বাঙ্গালীর প্রাণে !

মেঘনাদ-বধ

সার্থক রচনা তব, মধুচক্র অভিনব,
নিরবধি পিয়ে স্নুখা ষাহে গোড়জন !
আজি অভিনয়ে তা'র অমৃত কি উঠে ক্ষার—
দূর হ'তে দেখ কবি শ্রীমধুসূদন !
যদি হয় পরাজয়, লভিব তব অভয়,
এই আশে, কবি তোমা' করি আবাহন !
সকলে হ'লেও রুষ্ট, থাকিবে হে তুমি তুষ্ট,
দোষ ফেলে, গুণ তুমি করিবে গ্রহণ !
যে বেশে সাজাক স্নুতে, অবিধি বা বিধি-মতে,
পিতা সদা হৃষ্ট হৃদে তনয়ে নেহারে !
যদি অশিক্ষিত মুঢ়ে মহাদেবে দৈত্য গড়ে,
‘মধু’-পাশে পাবে মধু—এই আশা করে ॥

বুদ্ধদেব-চারিত

(প্রস্তাবনা)

যখন যখন হয় ধরম কালিমাময়,
অধর্ম জাগিয়া উঠে ধরনী-মাঝারে ।
জগৎ-ব্রহ্মাণ্ডপতি ভাবিয়া জীবের গতি,
অবতীর্ণ হ'ন আসি' অবনী উপরে ॥
নব নব মূর্তি ধরি' নব কার্যে অবতরি,
দেখান জগৎ-জনে লীলা অগণন ।
সাধিতে বিশ্বের হিত সত্ত্ব গুণ ত্রিগুণাতীত,
জীবোদ্ধার মহাত্মত করেন ধারণ ॥
প্রচারিতে নীতি-মর্ম্ম, অহিংসা পরম ধর্ম্ম,
অবতীর্ণ একদিন 'বুদ্ধ-তথাগত' ।
যাঁর পূত মহিমা মানব নির্ব্বাণ পায়,
তাঁরি কথা আজি নাট্যে হবে আলোচিত ॥
প্রতীচ্য পণ্ডিত কবি আঁকিল সুন্দর ছবি,
'এসিয়া-আলোক' নামে মহাকাব্য তাঁর ।
হেরি' সে অপূর্ব্ব চিত্র, চিত্রিলেন এ চরিত্র
বঙ্গের গিরিশচন্দ্র শ্রেষ্ঠ নাট্যকার ॥

বুদ্ধদেব-চরিত

মহাকবি তুলিকায় সে চিত্র যা' শোভা পায়—

ক্ষীণা এ লেখনী তাহা প্রকাশিতে নারে ।

নাটকের প্রতি পত্রে, বেজে উঠে ছত্রে ছত্রে

স্বর্গীয় সঙ্গীত-ধ্বনি প্রাণ-মন হরে ॥

বঙ্গ-রঙ্গমঞ্চোপরি যার অভিনয় হেরি,'

বুঝিল অহিংসা ধর্ম্য শ্রেষ্ঠ সনাতন ।

তুলে দেয় 'বলিদান,' বাঁচে তায় পশু-প্রাণ,

'হিংসায় কি কভু হয় ধর্ম্য-উপার্জন' ॥

আজি সেই নাট্যকারে ভক্তিভরে পূজিবারে,

করিয়াছি মোরা এই শুভ আয়োজন ।

জানি বহু দোষ হবে, নির্দোষ কে আছে ভবে,

শিক্ষাদানে তৃপ্ত কর ওহে বুধগণ ॥

কিন্তু এই অভিনয়ে যদি কৃতকার্য্য হ'য়ে

সমিতির সভ্যগণ পায় বশ-কণা ।

বুঝিবেন সুধীজনে, নহে সে তাদের গুণে,

যশের কারণ—সিদ্ধ-কবির রচনা ॥

বাগবাজার সোসাইয়াল ইউনিয়ন—৪র্থ বাৎসরিক অধিবেশন, রবিবার ১৮ই
ফাল্গুন, ১৩১৯, ইং ২রা মার্চ, ১৯১৩

নাট্য-মন্দির—চৈত্র, ১৩১৯

অবসাদে-আকাঙ্ক্ষা

বহু দিন হ'তে হ'য়েছে নীরব,
সারস্বত-বীণা বাজে না আর !
সারদা-পূজার 'জয়-জয়'-রব
ওঠে না ঝঙ্কারি', ওঠে না তার !

অকালেতে জরা পশিয়াছে দেহে,
 ব্যাধির জ্বালায় পীড়িত প্রাণ !
 দানব ব'সেছে দেবতার গেহে,
 কে আর তথায় গাহিবে গান !

শোকে-তাপে শত জ্বলিয়াছে মন,
কাহারে কহিব সে সব কথা !
পিতা, মাতা, ভ্রাতা করিয়া হরণ,
নিষ্ঠুর শমন দিয়াছে ব্যথা !

অবসাদে-আকাঙ্ক্ষা

একমাত্র মোর জীবন-সম্বল
অগ্রজের স্নেহ এ পান্থ-বাসে !
প্রাণে দিয়া শান্তি, দেহে আনি' বল,
রেখেছে বাঁধিয়া মমতা-পাশে !

কাজ নাই আর সে সব কথায়,
কে আর শুনিবে মরম-গান !
স্বার্থ ল'য়ে সবে ভ্রমিছে হেথায়,
পর-তরে কা'র কাঁদিবে প্রাণ !

হেঁড়া তার জুড়ে এ দীনা বীণার
ঝঙ্কার কি আর উঠিবে কভু !
প্রেমরাগভরে বাজিবে কি আর,
গাইবে কি তব বন্দনা প্রভু !

সারদা-বন্দনা

(১)

এস মা সারদা, এস মা বরদা,
এস এ বিছা-মন্দিরে।
যতনে পালিয়া, প্রাণ নিবেদিয়া
গড়িল ‘সিফার’ ইহায়ে ॥

(২)

তব আগমনে, নব জাগরণে,
উঠি মোরা সবে জাগিয়া।
বিছা-আরাধনে মহাবিছা-ধনে
রাখি যেন হৃদে গাঁথিয়া ॥

(৩)

প্রভু রামকৃষ্ণ, জগতের ইফ,
জবা দিল তব চরণে।
কি বুঝিব মোরা জ্ঞানবুদ্ধিহারা,
পূজিব তোমায় কেমনে ॥

(৪)

তোমার প্রসাদে মোরা মনসাধে
নরহিত-ব্রত ধরিয়া ।
পদে রাখি ভক্তি, পাই যেন শক্তি,
থাকি যেন প্রাণ সঁপিয়া ॥

(৫)

জগতের লোকে মা বলিয়া ডাকে,
আজি গো তোমায় জননী ।
দাও প্রাণে শান্তি, যুচে যা'ক আন্তি,
প্রেমে ভেসে যা'ক ধরণী ॥

শ্রান-পূর্ণিমা

সেই মত চাঁদিনী যামিনী,
সেই মত পূর্ণিমা রজনী,
সুধাকর পূর্ণ মূর্তি ধরি'
সমুজ্জ্বল শোভে নভোপরি

সেই মত নীরব অবনী,
সেই মত শোভিতা ধরণী,
কিন্তু প্রতি পৌর্ণমাসী-রাতে,
খোঁজে আঁখি কি বা চারিভিতে !

হারাইলু যে রতন সেথা,
কোথা পা'ব তাহা আমি হেথা
মধুপুরে এবার আসিয়ে,
ষাবে তুমি প্রবাস যাপিয়ে ;—

জ্ঞান-পূর্ণিমা

ছিল সাধ ও কমল-মনে,
তাই খুঁজি কমল-আননে !
সেই হেথা ফুলের বিছানা,
হেথা কেন তোমায় দেখি না !

মধুপুরে এ ‘লক্ষ্মী-নিবাসে’
দেবী লক্ষ্মী কেন না নিবসে !
তব সাথে আসিয়াছি হেথা,
তাহে যদি দূর হয় ব্যথা !

বরষের কার্য্য-অবসানে,
শরীরের স্বাস্থ্যের বিধানে,
বরাবর সঙ্গে তুমি দেবী,
পেতে স্নাত্ত ভগ্ন-স্বাস্থ্যে সেবি’ !

পেয়ে তব আলম্বন-বল,
লয়ে তব প্রিয় শিশুদল,
বর্ষে বর্ষে যাই যথা তথা,
পাই নাই কভু কোন ব্যথা

অর্চনা

সকলি ত সেই মত আছে,
সব ফাঁকা কেন মোর কাছে !
তুমিময় ছিল সব ঠাঁই,
তোমাহারা এবে কিছু নাই !

এই মত মধুর ষামিনী,
তব সনে কত গো ভামিনি,
কাটায়েছি মধুপুর-বাসে,
এবে শুধু চোখে জল আসে !

মাঘী-পূর্ণিমার সেই রাতে,
ভাঙ্গিয়াছ শোক-শেলাঘাতে,
অধমের এ হৃদয়-মন—
আর না পূরিবে এ জীবন !

গিরিশচন্দ্রের প্রতি

প্রতিমা গড়িল যার শিল্পী ‘ধর্ম্যদাস’
প্রাণপাতী পরিশ্রমে—আয়োজনে যার
‘নগেন্দ্র’ প্রধান কর্ম্মী—করিল প্রকাশ
‘অর্ধেন্দু’ ‘মহেন্দ্র’ যারে ‘মতিলাল’ আর,—
‘শিশির’ ‘দেবেন্দ্র’ ‘বেণী’ পরামর্শ-দানে
সুপথে চালিত করি’ রাখিল বাহারে,—
‘যোগেন্দ্র’ ‘কিরণ’ ‘ক্ষেত্র’ ‘মাধব’ ‘ভুবনে’
নিজ নিজ শক্তি ঢালি’ হ্রস্ব সঞ্চারে,—
ত্রিধারা ‘অমৃত’ বহি’ পরে পরে যথা
নিত্য নব নাট্যরঙ্গ করিল লেপন ;—
হে আচার্য—তুমি যার প্রাণ-প্রতিষ্ঠাতা,—
পঞ্চাশৎ বর্ষ তার হইল পূরণ !
তুমি কবি, তুমি গুরু—বঙ্গ-রঙ্গাঙ্গণে,
‘থাকিবে ‘গিরিশ’ নাম জাতির স্মরণে’ !

রচিত ৭ই ডিসেম্বর ১৯২২—২১এ অগ্রহায়ণ ১৩২৭

বঙ্গীয় নাট্যশালায় জন্ম সুবর্ণ-জুবিলি উপলক্ষ্যে অনুষ্ঠিত মহতী সভায়
পঠিত ও বিতরিত ইং ৯-১২-১৯২২, বাং ২৩-৮-১৩২৩

উদ্বোধন

দিন আসে, দিন যায়, রেখে যায় স্মৃতিমাত্র তার ।
শোক, স্মৃতি, হর্ষ, ব্যথা, সুখামৃত, গরল-উদগার ॥

বর্ষে বর্ষে, দেশে দেশে কত আশা জাগে মনে মনে
আকুল আগ্রহে কত ছুটাছুটি নিত্য নিশি-দিনে ॥

নিজ-নাভি-গন্ধ-মোহে ছোটো জীব ভূমানন্দ-আশে ।
পায় যাহা লয় তুলে—হৃদে ধ'রে কত ভালবাসে ॥

কেটে যায় মোহ-স্বপ্ন, ছিঁড়ে যায় অনিত্যের জাল ।
ব্যথিত মানব-হৃদি নিত্য নব জুটায় জঞ্জাল ॥

সংসারের রূপ-মোহে ঝাঁপ দেয় মৃগ-তৃষিকায় ।
গঞ্জনা লাঞ্ছনা কত, তবু মোহ নাহি কাটে হায় ॥

দেহকে সর্বস্ব ভাবি' কত যত্নে তাহারে সাজায় ।
অন্তরীক্ষে কাল-ব্যাধ প্রাণ-পাখী হ'রে ল'য়ে যায় ॥

জীবন-যৌবন-ধন—সার যাহা নর-আকাঙ্ক্ষার ।
ক্ষণস্থায়ী মরীচিকা—আত্মহার্য্য মহাবর্তে তার ॥

উদ্বোধন

মিথ্যার সমাজ গড়ি' সম্বন্ধ পাতিল শত শত ।
বিজ্ঞ অজ্ঞ, সাধু হীন, বীর ভীরু, যোগী ভোগী কত ॥

রাজা প্রজা, উচ্চ নীচ, জাতিভেদ বৈষম্য অপার ।
ধর্ম্মাধর্ম্ম, মতামত, দ্বন্দ্ব-যুদ্ধ চলে অনিবার ॥

বিশিষ্টতা ল'য়ে নিজ মহাদস্তে করে আশ্ফালন ।
আমিত্বের ক্ষুদ্র গণ্ডী আনে সদা বিপ্লব ভীষণ ॥

চক্ষুস্থান কেহ কেহ সত্য-তত্ত্ব পাইয়া সন্ধান ।
আনন্দের ভাংশ ল'য়ে বিতরিতে হয় ধাবমান ॥

স্বার্থ-অন্ধ বন্ধ জীব চণ্ড-নীতি করিয়া আশ্রয় ।
সত্য নিত্যে দেয় বাধা, সুরে নাশি' অসুরের জয় ॥

নিবিড় তমসাচ্ছন্ন পরস্পরে করিছে আলাপ ।
কবে যাবে কেটে মোহ, বন্ধ হবে বিকার-প্রলাপ ॥

নিত্য-মুক্ত স্বভাবেরে কে পারে বাঁধিতে বিশ্বমাঝে ।
অণিয়ানে, মহীয়ানে, সৎ-চিৎ-আনন্দে যে রাজে ॥

দূর কর দুর্বলতা, সঙ্কীর্ণতা, বৈষম্য-বিদ্বেষ ।
স্বরূপ চিনিয়া লহ, তুমি নর অব্যয়, অশেষ ॥

সন্ধানিত কেন হ'বে—হেরি' নিজ প্রতিবিশ্ব-ছায়া ।
অমৃত-সন্তান তুমি, কার ভয়ে ভীত তব কায়া ॥

অর্চনা

জাগিয়ে জাগাও সবে, স্বরূপের দাও পরিচয় ।
তোমার দেবত্ব-পাশে পশুত্বের হবে পরাজয় ॥
দু'দিনের, ক্ষণিকের মোহ ফেলি' জাগ সচকিতে ।
শয়তান কভু নারে দেবতার সম্মুখে পশিতে ॥
অভীপ্সিত ইফ্ট-লাভে হও বীর, হও আগুয়ান ।
কেহ না রোধিবে পথ, চিরমুক্ত তুমি শক্তিমান ॥
আত্মার অমৃত-দীপ জ্বালি' এই আঁধারের পথে ।
নববর্ষে লক্ষ লক্ষ দাও দীক্ষা, আনি' নিজ-মতে ।

রচিত—ফুল-দোল, সোমবার, ১৭ই বৈশাখ, ১৩৩০—কায়স্থ-পত্রিকা,
বৈশাখ, ১৩৩০.

সাগত-সন্তোষন

স্বাগত বঙ্গের প্রথিত শৌর্য্য,
স্বাগত বঙ্গের অমিত বীর্য্য,
স্বাগত বঙ্গের বরেন্য, পূজ্য
বিরাট কায়স্থ-জাতি !

অমিত প্রতাপ প্রতাপাদিত্য,
সীতারাম রায়, ভূষণাদিত্য,
চাঁদ, কেদার, গণেশাদিত্য—
যাদের মহিমা ভাতি !

অক্ষয় পুরিল বাণীর ভাণ্ডার,
সঞ্চারিল মধু মধুচক্রে তার,
দীনবন্ধু দিল নাটক সস্তার,
গিরিশ গৌরব যার !

রমেশ রচিল চারু উপন্যাস,
(কালী) প্রসন্ন দানিল ‘চিন্তা’র রাশ,
সত্যেন্দ্র ছড়া’ল ছন্দের সুবাস—
সারস্বত অলঙ্কার !

অর্চনা

মিত্র রাজেন্দ্র, হরিনাথ আর
বহুভাষাবিৎ জ্ঞানের আধার,
শব্দ ও প্রত্যের বহু অধিকার,
স্বজাতি-মহিমোজ্জ্বল !

বসু জগবন্ধু, সূর্য্য, সুরেশ,
দত্ত রাজেন্দ্র, দ্বারিকা, রমেশ,
চন্দ্র, সারদা কীর্ত্তি অশেষ,
জাতির গৌরবস্থল !

শোভিছে তারক দান-মহিমায়,
সে রাসবিহারী উজ্জ্বল আভায়,
এ যুগে তাদের তুলনা কোথায়,
দানবীর মহাতেজা

প্রাচ্য ও প্রতীচ্যে দেবতা উজ্জ্বল,
বিবেকানন্দ জ্ঞান-প্রেমোজ্জ্বল,
ভক্তি ও কর্ম্মে দিগন্ত প্রোজ্জ্বল,
সে যে গো রাজার রাজা !

দেশ-সাধনায় শিশিরকুমার,
সে রামগোপাল, মতিলাল আর,
লালমোহনের বাকপটুতার—
তুলনা কি কভু হয় !

মনবিমোহন সে মনোমোহন,
ঘোষ নগেন্দ্র প্রতিভারঞ্জন,
আনন্দোজ্জ্বল আনন্দমোহন—
চির-কীর্তিমান্ রয় !

ক'ব কত নাম বীর-মনীষীর,
ছিল অলঙ্কার এ মহাজাতির,
ক্ষাত্র মহিমায় উন্নত শির—
বঙ্গের স্নসন্ধান !

এই সে জাতির মহা-সম্মেলন,
এস কায়স্থ-ধুরন্ধরগণ,
প্রীতি ও অর্ঘ্যে করি আবাহন—
স্বাগত জাতির প্রাণ

বোধন

ব'সেছে বোধন, হ'বে আবাহন,
জগত-জননী আসিবে ঘরে !
বরষে বরষে দেবী-আরাধন
করে গো বাঙ্গালী প্রেমের ভরে !

কি জানি কি হয়, উঠে দেশময়
পূর্ণ আনন্দের তরঙ্গ-খেলা !
মরুভূমি-মাঝে ফুটে ফুলচয়,
ব'সে যায় যেন প্রেমের মেলা !

কি আছে, কি দিব, ও মা দশভুজা,
দীন-হীন মোরা জগত-মাঝে !
কি দিয়া করিব তব মহাপূজা,
কি দিব চরণ-রাজীবরাজে !

নাই মণি-মুক্তা, নাই আভরণ,
 কি দিয়া সাজা'ব সোণার গায় !
 হীরক-খচিত মুকুট-ভূষণ—
 ভিখারী তনয় কোথায় পায় !

রোগ-শোক-তাপে সদা জর্জরিত,
 কাহার(ও) মতির স্থিরতা নাই ;—
 মোহগ্রস্ত হ'য়ে বিপথে চালিত,
 ভায়েরে হানিছে আপন ভাই !

কি জানি কি মোহে মোহিত সকলে,
 আত্মশক্তি 'পরে বিশ্বাসহীন !
 ভাবিত যাহারা সিংহ-শিশু ব'লে,—
 আজ কেন তা'রা এতই দীন !

একমাত্র আছ—অন্য কেহ নাই,
 তোমার (ই) এ কথা পুথিতে গায় ;
 তবে কেন আজ পৃথক্ সবাই,
 চিনিতে স্বরূপ কেহ না চায় !

অর্চনা

কবে মা, তোমার কৃপায় নরের
অন্তরের দ্বার খুলিয়া যাবে !
ভেদ-বুদ্ধি কবে ঘুচিবে জীবের,
কবে আত্মতত্ত্ব স্বরূপ পাব্বে !

এস মা, দীনের দুর্গতিহারিণী,
অম্বরদলনী, অশুভহরা !
ত্রিবিধ তাপেতে তাপিত তারিণি,
এস বৈরিহন্ত্রী চণ্ডিকে, তারা !

তব আগমনে যেন দেশময়
আত্মশক্তি আজ জাগিয়া উঠে ;
অমৃত-সন্তান হইয়া নির্ভয়—
জাতীয় মুক্তির সাধনে ছোটে !

একাত্মকানন

পুরাণ-কীর্তিত কথা, পুণ্যময়ী সে বারতা,
যুগান্তের ইতিহাস অতীব উজ্জ্বল !
স্বরম্য-কানন-শোভা, দেবতার মনোলোভা,
রসালের রস-গন্ধ বহে অবিরল !
সুবিস্তৃত চূত-তরু, অতি উচ্চ যেন মেরু,
প্রসারি' সহস্র শাখা ছিল বিরাজিত !
ছিল পাদমূলে তা'র, বিরাট বিগ্রহাকার,
স্থানু, অচঞ্চল শিব, বিশ্ব-বিমোহিত !

২

এ কি অপরূপ দৃশ্য, কে বুঝিবে এ রহস্য,
দশ শত পয়স্বিনী ঢালে ক্ষীর-ধারা !
প্রতিদিন মিলে তথা, ঈশ্বর অব্যক্ত যথা,
নিত্য অভিনব ভাবে প্রেম-মাতোয়ারা !
হেন কালে এল কে সে চারু গোপালিনী-বেশে
দিকু-আলো-করা রূপে মাতায়ে ভুবন !
অপূর্ব এ লীলা হেরি, ফিরে ধেনু সঙ্গে করি,
বারাণসী ফিরে যেতে চলে না চরণ !

৩৩

অর্চনা

৩

বুঝিলেন শ্রীপার্বতী, দক্ষকন্যা, সাধবী, সতী,
এই সেই শিব-উক্ত গুপ্ত-বারাণসী !
ত্রিভুবন-মহেশ্বর, অপ্রকট লীলাধর,
গুপ্তভাবে গুপ্তলীলা করিছেন আসি' !
সুবেশা গোপের নারী, মহারাজরাজেশ্বরী,
গুপ্তভাবে হইলেন লীলার সহায় !
ত্রিলোকের অগোচর, দেবতা-গন্ধর্ব-নর
শিবশক্তি-প্রেমলীলা সন্ধান না পায় !

৪

দৈত্য দুই 'কীর্তি' 'বাস', নরলোক-মহাত্মা,
অকস্মাৎ আসি' তথা আক্রমে দেবীরে !
অম্বরে ছলিয়া মাতা স্কন্ধোপরি অধিষ্ঠিতা,
পদে চাপি' পাঠা'লেন যমের মন্দিরে !
ধীরে ধীরে তন্তুজন, করি' লীলা দরশন,
প্রচারিল লীলা-কথা ললিত ভাষায় !
প্রাস্তরে নগর উঠে, জয়গীতি-রব ফুটে,
গুপ্ত-লীলা কিছু ব্যক্ত ঈশ্বর-ইচ্ছায় !

৫

কেশরীবংশের রাজা 'ললাটেন্দু' মহাতেজা
 রচিল দেউল রম্য ভাস্কর্য্য-কলায়—
 শত শত পরিপাটী, কঠিন প্রস্তর কাটি,
 কালহত সে সৌন্দর্য্য আজো শোভা পায় !
 ঘেরি' ত্রিভুবনেশ্বরে অপূর্ব্ব দেউল ধরে,
 শত শত দেব দেবী স্থাপি' সারি সারি !
 প্রকটিল তীর্থ-স্থান, অলোকসামান্য দান,
 মন্দির হাজার সাতে দেশ গেল ভরি' !

৬

কোথা সেই শোভা আজ, এ যে বজ্রাহত সাজ,
 গুপ্ত-কাশী লুপ্ত পুনঃ বিধির বিধানে !
 স্তূপচিহ্ন-অবশেষ, স্থিতমাত্র কীর্তিলেশ,
 আঁখি-জল ঝরে হেরি' দেব-প্রতিষ্ঠানে !
 প্রাণ-চিন্ত-বিমোহন, কোথা কীর্তি অগণন,
 সুবর্ণাদি আলোকরা সূচারু-ভাস্কর্য্য !
 একাত্মকানন কোথা, কোটি লিঙ্গ ছিল যথা,—
 কোথা গেল মন্দিরের সে মহাসৌন্দর্য্য !

অর্চনা

৭

শিব শবে পরিণত, নন্দন শ্মশানে নীত,
কত না করিল পাপ হতভাগ্য দেশ !
বিধর্মীর অত্যাচারে সেই পাপ ধ্বংস করে,
দেবতা-মন্দির শত স্তূপে অবশেষ !
পূর্ব-স্মৃতি-চিহ্ন যত বিচূর্ণিত আছে শত,
ভগ্ন অঙ্গ, বিদলিত বিগ্রহ অশেষ !
তাহারি দর্শন-আশে কোটী ভক্ত আজো আসে,
আঁখি-জলে ঈশ্বরের পূজা করে শেষ !

৮

‘রামেশ্বর’ ‘মেঘেশ্বর’ ‘ত্রৈলোক্যেশ্বর’ ‘সূর্যেশ্বর’
‘সিদ্ধেশ্বর’ ‘মুক্তেশ্বর’—নানা দেবালয় !
পঞ্চকুণ্ড-প্রতিষ্ঠান, ‘গৌরী-কেদারে’র স্থান,
আশেপাশে আরো কত আছে শিবালয় !
কোটিতীর্থ-কুণ্ডতীরে, দেউল ভাঙ্গিয়া পড়ে,
কত না বিগ্রহ আজ যায় গড়াগড়ি !
মন্দির-অঙ্গন যত শস্য-ক্ষেত্রে পরিণত,
ভগ্ন দেউলের অংশ প’ড়ে ছড়াছড়ি !

৩৬

৯

বিপুল বিশালকায় বিন্দুসর শোভা পায়,
 গঙ্গা-আদি পুণ্যতোয় বিন্দু বিন্দু ধরি' !
 নষ্ট হ'ত পাপরাশি যে করিত স্নান আসি
 পবিত্র এ তীর্থোদকে শ্রদ্ধা ভক্তি করি' !
 আবর্জনা পূর্ণ বারি, ভগ্ন সোপানের সারি
 পরিচ্ছন্ন নাহি করে, ঢালে মলারাশি !
 ধর্মপ্রাণ হিন্দুগণ আজো করে নিমজ্জন
 মহাতীর্থ গণি' সরে দূর হ'তে আসি' !

১০

বাঙ্গালীর কীর্তি গায়, তীরে তা'র শোভা পায়
 বিরাট দেউল এক সুন্দর দর্শন !
 স্থাপিলা সে 'ভবদেব' এ 'অনন্ত-বাসুদেব',
 'রাম-কৃষ্ণ' দুই ভাই নয়ন-শোভন !
 যত ষাও, দেখ তত, প'ড়ে আছে শিব শত,
 নাম নাহি জানে তার অজ্ঞ দেশবাসী !
 দেবদেবী-মূর্তিভেদ, নাহি জানে ভেদাভেদ,
 শিব-শক্তি-বিষ্ণু-রবি এক হেথা আসি' !

অর্চনা

১১

সম্মুখেতে উর্দ্ধ-চূড়া, অপূর্ব দেউল-বেড়া,
ভুবন-ঈশ্বর রাজে ত্রিভুবন-শোভা !
নয়নে চমক লাগে, পলক পড়ে না আগে,
বিরাট সৌন্দর্য্য-ভরা প্রাণমনোলোভা !
পঞ্চদশ-শত-বর্ষ ব্যাপিয়া উথলে হর্ষ—
এ মহতী চারু-শোভা প্রস্তুত-রচিত !
গম্ভীর বিরাটকায়, বর্তমান লজ্জা পায়
অতীতের স্মৃতি হেরি' ভাস্কর্য্য-খচিত !

১২

দ্বারে শোভে 'প্রজাপতি,' তার আগে 'গণপতি,'
র'য়েছে 'বৃষভ-স্তুভ' নয়নের আগে !
পরে তার 'ভোগালয়,' সঙ্গে গাথা 'নাট্যালয়,'
অপূর্ব 'জগমোহন' তা'র পুরোভাগে !
শেষ শোভে 'শ্রীমন্দির,' অপরূপ সে প্রাচীর,
স্থাপত্যের, ভাস্কর্য্যের অপূর্ব গঠন !
আজো শ্রেষ্ঠ শিল্পিগণ, হ'য়ে বিমোহিত মন,
শতমুখে করে তার প্রশংসা কীর্তন !

১৩

‘কালাপাহাড়ে’র কীর্তি এখানে উজ্জ্বল অতি,
 যবন কোথায় লাগে ধর্ম্মভ্রষ্ট-পাশে !
 ভগ্ন-হস্ত, ভগ্ন-পদ, চূর্ণিত শোভা-সম্পদ,
 কস্মিনাশা, কীর্তিনাশা কীর্তি দেব-বাসে ।
 হতশ্রী সুরসুন্দরী ‘সাবিত্রী’ ‘ভুবনেশ্বরী,’
 ‘অন্নপূর্ণা’ ‘শ্রীপার্বতী’ চারু মনোহরা !
 বিশাল মন্দির-কায় ‘গুহ’ ‘গণপতি’ ভায়,
 ভগ্ন-দেহা ‘উমা’ সতী পীন-পয়োধরা !

১৪

বিমর্দিত আরো কত দেবদেবী শত শত
 বিরাজিত চারিধারে ‘নর-সিংহ’ আদি !
 ‘লক্ষ্মী-নারায়ণ’ রাজে, বৃষরূপী ‘নন্দী’ সাজে,
 ‘গঙ্গা’ ও ‘যমুনা’-কূপ—অমৃতের নদী !
 সুবিশাল পাকশালা, সু-উচ্চ প্রাচীরমালা,
 গম্ভীর তোরণ তিন—তিন দিকে তা’র !
 পশ্চিমেতে কুণ্ডে ধৃত শিবস্নান-পঞ্চামৃত,
 অমৃতের প্রস্রবণ ছিল গর্ভে যার !

অর্চনা

১৫

দক্ষিণ প্রান্তরমাঝে, কাল-ভৈরবের সাজে,
‘কপিলেশ্বর-কালিকা’ বিরাজে শোভায় !
প্রাচীন কালের স্মৃতি র’য়েছে উজ্জ্বল অতি,
কুণ্ড-কুপ-সুদেউল—অপূর্ব আভায় !
উত্তর প্রান্তরে নব, অপরূপ সমুদ্ভব,
‘ব্রহ্মানন্দ’-প্রতিষ্ঠিত ‘রামকৃষ্ণ-ধাম’ !
বিস্তৃত প্রাচীরে ঘেরা, মঠশোভা মনোহরা,
তপস্বী-সাধনালয় নয়নাভিরাম !

১৬

ধ্যান-যোগে জানি’ সত্য, গুপ্তকাশী মহাতত্ত্ব,
প্রচারিল যোগিরাজ ভক্তের সকাশে !
তাই আজ হেথা সেথা মঠাশ্রম হয় গাথা,
আসিতেছে বহু ভক্ত সাধনার আশে !
জ্ঞান হয়—অল্পদিনে, পূর্বকথা ল’য়ে জেনে,
হরগৌরী-হরিহর-মিলনের স্থানে—
সাধন-ভজন-আশে, পবিত্র এ শিববাসে,
আসিবে অযুত ভক্ত নানা প্রতিষ্ঠানে !

রচিত—১১/১২-৩-১৩৩০ ইং ২৫/২৬-৬-১৯২৩

মাসিক বহুমতী—কার্তিক, ১৩৩০

নাট্য-সভাটি মহাকবি গিরিশচন্দ্র

‘হরচন্দ্র’ ‘তারাচাঁদ’ নাটুকে ‘নারা’ণ,’
‘লক্ষ্মীনারায়ণ’ সুধী ‘হরলাল’ আর
মধুকর ‘মধু’ আনি’ বিদেশীর দান
করিল যে বিগ্রহের গঠন-সঞ্চার ;—
‘দীনবন্ধু’ নব রঙ্গে করিয়া চিত্রণ
সাজাইল সুকৌশলে বর অঙ্গ বার ;—
তুমি গো পূজারি-রূপে পাইয়া বরণ,
প্রতিষ্ঠিলে প্রাণ সেই নাট্য-প্রতিমার !
পাইয়া তোমার পূজা নানা উপচারে,
বঙ্গ-নাট্য-বাণী আজ দেবতা নির্ম্মল !
প্রাণময়ী সে প্রতিমা রত্ন-অলঙ্কারে
নাট্যপীঠ আলো করি’ করে ঝল্‌মল্ !
বঙ্গের গিরিশরূপে এবে সম্মানিত !
জগৎ চিনিলে—হ’বে জগৎ-পূজিত !!

দত্ত-কুলোদ্ভব কবি শ্রীমধুসূদন

(১)

বিপদে ডাকিল তোমা', হে মধুসূদন,
দীনা বঙ্গভাষা—পরিত্যক্তা, উপেক্ষিতা
আপন সন্তান-পাশে—মত্ত অনুক্ষণ
শ্বেতদ্বীপ-নিবাসিনী নবগর্বেবান্নতা
বাণীর চরণ-পদ্ম-পীযুষ-সন্ধান !
জীবনের উচ্চ-সাথে দিয়া জলাঞ্জলি
সাজাইলে মাতৃ-অঙ্গ—সেই নবোথানে
বঙ্গবাণী-কুঞ্জবনে কোকিল-কাকলি
উঠিল পঞ্চমে, বাণীর ঝঙ্কারে তব !
আজো সে সুরের সূধা পিয়ে গোড়-জন,
আনন্দ-গোরব হৃদে করি' অনুভব,
মহাকবি, তব নাম করিছে কীর্তন !
শত বর্ষ আগে তুমি এসেছিলে কবি,
লহ শ্রদ্ধা, লহ অর্ঘ্য কবিকুল-রবি !

(২)

মেঘ-মস্ত্রে মেঘ-নাদ উঠিল গর্জিয়া
সাগর-কুন্তলা-লঙ্কা-প্রমোদ-উচ্চানে !
কত শত বর্ষ পরে পর্বত লজিয়া,
সে ধ্বনি পশিল বঙ্গ-কবিকুঞ্জবনে !
বীরনাদে হুঙ্কারিয়া শ্রীমধুসূদন
শুনাইল বীর-কথা বীরের ভাষায় ;
শব্দের ঝঞ্ঝনা তা'র ধ্বনিয়া শ্রবণ,
সঞ্চারিল নবশক্তি কাব্য-মহিমায় ।
মধুর সকলি মধু—কিবা ব্রজাঙ্গনা,
পদ্মাবতী, বীরঙ্গনা, সে কৃষ্ণকুমারী,
কবিতা চতুর্দশপদী—ছন্দের ব্যঞ্জনা,
সভ্যতা, শালিখ-চিত্র, শর্মিষ্ঠা-সুন্দরী !
প্রতিভা সর্ববতোমুখী—কবি-কুলোদ্ভল,
তোমার সেবায় বঙ্গ-বাণী সমুদ্ভল !

বঙ্গীয়-সাহিত্য-পরিষদের মধুসূদন-শত-বার্ষিক-জন্মোৎসব সভায় পঠিত—
শনিবার, ১২ই মাঘ, ১৩৩০—কায়স্থ-পত্রিকা, মাঘ, ১৩৩০

রাধানগর সাহিত্য-সম্মেলন

বাণীর চরণ-কমল-সুধায়
এ পল্লী-নগরে তরঙ্গ খেলায়,
কি যে সে আনন্দ কথা নাহি যায়,
চঞ্চল সবার হৃদয়-মন !
ঘেরিয়া বাণীর পদারবিন্দ,
মিলিত সারদা-সেবকবৃন্দ,
বহিছে বিমল সাহিত্যানন্দ,
মুখরিত আজি পল্লী-ভবন !

সাহিত্য-সম্মেলন

এসেছিল সে যে এ-‘রাধানগরে’,—

যাঁর কীর্তিগান গায় সমস্বরে

ভারত-বঙ্গের নগরে নগরে,—

মহাত্মা সে ‘রামমোহন রায়’ !

লইয়া জ্ঞানের নবীন কল্পনা,

এনেছিল দেশে অপূর্ব সাধনা,

ধর্ম-অর্জুনের নব-আরাধনা—

আজিও যাঁহার মহিমা গায় !

আসিয়াছে আজ সে মহানগরে,—

তীর্থরূপে গণ্য বঙ্গের মাঝারে,—

গুণী, জ্ঞানী, সুধী মহানন্দভরে

সারস্বত-অর্ঘ্য করিতে দান ।

ব্রহ্ম-সনাতনী গীর্ব্বাণী-বাণী,

ভক্ত-সাধকের হৃদয়ের রাণী,

এস কৃপাময়ি, করুণা প্রদানি’,

জীবন্মৃত মোরা জাগাও প্রাণ ॥

‘ভক্তমসি’

(১)

বিচিত্র সৌন্দর্য্যময় এ বিশ্ব-সংসার
সম্মুখে র’য়েছে প্রকটিত !
তপনচন্দ্রমাযুত শোভার আধার,
কি সুন্দর ব্রহ্মাণ্ড কল্পিত !
অনন্ত বিমান ভরা
লক্ষ লক্ষ শোভে তারা,
কি অজ্ঞাত আলম্বনে কা’র—
শূণ্যে দোলে অপরূপ বিপুল ব্যাপার !

(২)

বিচিত্র উন্নতশির গিরিশ্রেণী শত
কোথা হ’তে এল আচম্বিতে !
নদ-নদী ছোটে কি বা প্রেমে অবিরত,
নাহি কাল কাল-বিলম্বিতে !
কাননকুন্তলা ধরা
ফলফুল-রসে ভরা,
মহোদধি চরণে লুটায় !
এ বিচিত্র চারু শোভা কা’র কল্পনায় !

(৩)

স্থলচর, জলচর, বিমানবিহারী—

অপরূপ কত জীবোদয় !

ধীরে ধীরে আবিভূত নানারূপধারী—

হ'ল ধরা কত শোভাময় !

অনন্ত কুসুমগন্ধে,

বিহঙ্গের গীতি-ছন্দে,

শান্তিস্থখ কি যে ঢলঢল !

না জানি কাহার এই প্রেম-পরিমল !

(৪)

অফুরন্ত সৃষ্টি বুঝি হ'ল পূর্ণ আজি,

ভাবে খাতা আছে কি বা বাকী !

সৌন্দর্য্য-সম্ভারে পূর্ণ এ বিচিত্র সাজি,—

(কভু) আসে নাই কল্লনায় না কি !

খাতার এ ভ্র-কুঞ্জে

নর-সৃষ্টি ধরা-বনে,

এ কি হ'ল অপূর্ব গঠন !

জগৎ-সংসার কা'রে করিছে নন্দন !

(৫)

বিশ্বত্ৰয়টি বিশ্বরূপ স্বরূপ ধরিয়া

এল কি গো নামিয়া ধরায় !

অর্চনা

কোথা' ছিল বর-বপু ধরা বিনোদিয়া—

প্রকৃতি প্রণতা যা'র পায় !

কত না সোহাগভরে,

কত মহাসমাদরে

ফুল-ফল প্রকৃতি যোগায় ;—

ঝঙ্কারি' বিহঙ্গ কত সঙ্গীত শুনায় !

(৬)

যুগ যুগ ধরি' নর নিল এই সেবা—

তৃপ্ত তবু নহে মন-প্রাণ !

না জানি কি তৃপ্তি দিবে কোথা' হ'তে কে বা,

কোথা' যেন পা'বে পরিত্রাণ !

বিচঞ্চল সদা মন,

শান্তিহীন অনুক্ষণ,

এত সুখে সুখ নাহি পায় !

কি অজ্ঞাত সুখ-আশে কাহারে ধোয়ায় !

(৭)

ধ্যান-ভঙ্গে সচকিতে হেরিল বিস্ময়ে

বামে বসি' অনিন্দ্যসুন্দরী !

বিশ্বের ছানিত শোভা নব মূর্তি ল'য়ে,

সেবা-আশে এসেছে কিঙ্করী !

এ কি তনু অভিনব,
 লাবণ্যের অবয়ব,
 জ্যোৎস্না কি মূর্তি ধ'রে এল !
 ধাতার মানসী-দেবী মর্ত্যে প্রকটিল !
 (৮)
 রূপ, কান্তি, লাবণ্য ও সৌন্দর্য্য, সুষমা,
 যেই আখ্যা দাও সে বামারে—
 ধরণীর শ্রেষ্ঠ শোভা ধরে মনোরমা,
 মুগ্ধ নর সে চিত্র নেহারে !
 মানস-আকাঙ্ক্ষা তার,
 ধরি' মূর্তি চমৎকার,
 এসেছে কি বাসনা পূরাতে !
 নাহি আকাঙ্ক্ষার কিছু আর এ ধরাতে !

(৯)
 এই ভাবে নরনারী হ'ল সন্মিলিত,
 প্রেমালাপে পাতিল সংসার !
 ধীরে ধীরে প্রজা-সৃষ্টি হইল রচিত,
 বিরাট এ নর-পরিবার !
 ঋষি, মুনি, ত্যাগী, ভোগী,
 কত না বিলাসী, যোগী
 আসি' করে পূর্ণ বসুন্ধরা !
 মুখর নগর গ্রামে উদ্বেলিত ধরা !

অর্চনা

(১০)

তপোবন-শান্তি-শোভা ধরে না ধরনী,
স্নিগ্ধ-সৌম্য-শান্ত নহে আর !
কামনার মোহে দোলে চঞ্চলা অবনী
বুঝে না ক কি অভাব তা'র !
দর্শন-বিজ্ঞান কত,
বিচিত্র পুরাণ শত,
তন্ত্র-মন্ত্র কত আবিষ্কার—
লক্ষ্যশূন্য শান্তিহার। শূন্য চারিধার !

(১১)

যোগী কহে ধ্যান ধর, কস্মী' চায় কস্ম্য,
ভক্তি-পথে ডাকে ভক্তগণ ;—
বৌদ্ধেরা বুঝায় আসি' নিব্বাণের মস্ম্য,
শিব-শক্তি তন্ত্রের সাধন !

সাংখ্য, জ্যায়, মীমাংসায়

কত না রহস্ত গায় ;—

শত মত, পথের প্রচার !

কোথা' শান্তি, কোথা' শান্তি—মানব-আত্মার !

(১২)

দেশ দেশান্তরে এল কত মহাজন

নবতত্ত্ব করিতে ব্যাখ্যান !

নিজ নিজ সম্প্রদায় করিল গঠন,
 নব নব মতের উত্থান !
 আপন ধারণা মত
 বেছে লয় নিজ পথ,
 রুচি-ভেদে হয় মত-ভেদ—
 স্মৃতি তন্ত্র ভিন্ন তাই—তাই ভিন্ন বেদ !

(১৩)

কে বা আমি, কি বা আমি, এনু কোথা' হ'তে,
 সদা নর নিভূতে ধোয়ায় !
 কোথা' যা'ব, কি হইবে, ভাবে কত মতে,—
 অহরহ কুল নাহি পায় !

সনাতন এই ব্যথা
 মানবের হৃদে গাথা,

নাহি জানে কোথা' সমাধান !
 এ তত্ত্ব-ব্যথার কবে হ'বে অবসান !

(১৪)

প্রাচীন নবীন মতে করিয়া ভ্রমণ
 শ্রান্ত নর নিশ্চিন্ত নির্বাক !
 সে শুভ মুহূর্তে তা'র হ'ল জাগরণ,
 শুনিল সে অন্তরের ডাক !

জীবাত্মা উদ্ভূত হ'ল,
 পরমাত্মা প্রকটিল,

অর্চনা

শ্রুতি গায় ‘তত্ত্বমসি’-গীত !
গর্ভিজয়া গাহিল জীব ‘শিবোহম’ গীত !
(১৫)

নিত্য-মুক্ত-বুদ্ধ আত্মা দেহ-আবরণে
মায়া-এস্ত হয় প্রতিভাত !
কোথা’ হ’তে এই ভ্রম এল জীব-মনে—
এ অজ্ঞান কেমনে সঞ্জাত !
শাস্ত্র কিছু নাহি বলে,
মীমাংসা না কিছু মিলে ;—
জ্ঞানী দেয় সন্ধান ইহার,—
‘আত্ম-জ্ঞানে’ কোন স্থান নাহি ক মায়ার
(১৬)

ছিল শিবে, আছে শিবে, শিবেই প্রয়াণ,
শুদ্ধ-চিন্তে জ্ঞান প্রস্ফুটিত !
নাই মায়া, ছিল না ক, মিথ্যা মায়া-জ্ঞান
মায়া-ভ্রম মায়ার কল্লিত !
প্রকটিত শাস্ত্র-তত্ত্ব—
‘জগন্মিথ্যা ব্রহ্মসত্য’,
‘তত্ত্বমসি’—জীবে শ্রেষ্ঠ জ্ঞান !
গুরু-শাস্ত্রে শ্রদ্ধা আনে ইহার সন্ধান !

ভূপেন্দ্র-শ্রদ্ধাঞ্জলি

রূপে-গুণে কুলে-শীলে ধনে-মানে সিক্ত,
সৌজন্য-বিনয়ে মাথা তোমার সমান,
যুগ-যুগান্তরে আসি' ধরা করে দীপ্ত
অবনীর অলঙ্কার, মনীষি-প্রধান !
স্বদেশের, স্বজাতির শিরোম্মত করি,'
শত্রু-মিত্রে সমভাবে হৃদয়ে ধরিয়া,
কয় জন যায় গৌরব-মুকুট পরি,'
যা'র তরে পায় ব্যথা দেশবাসি-হিয়া !
ধীর, শাস্ত, সৌম্য-মूर्তি প্রতিভা-মণ্ডিত,
পূত-চেতা, পুণ্যব্রত, পবিত্র, নির্মল,
পুণ্য-তেজে বরবপু করি' উদ্ভাসিত,
রেখে গেলে পুণ্যদর্শ কীর্তি-সমুজ্জ্বল
বসু-বংশ বসু-সম হে ভূপেন্দ্রনাথ,
সর্বজন-প্রিয় বীর, লহ প্রণিপাত !

রচিত—মহালয়া, ১৩৩১—বঙ্গীয় সাহিত্য-পরিষদ-স্মৃতিসভায় পঠিত
কায়স্থ-পত্রিকা—কার্তিক, ১৩৩১

পুরুষ-সিংহ আশুতোষ

আকারসদৃশ প্রাজ্ঞ পুরুষ বিরাট,
তেজস্বী, মনীষিবর, কৰ্ম্যযোগিরাজ,
এ বিশাল কৰ্ম্মক্ষেত্রে, হে বুধ-সম্রাট,
তোমা' সম কে শোভিবে এ প্রাচী-সমাজ !
স্থিতধী, আত্মবিশ্বাসী তোমার সমান
স্বাবলম্বী আসিবে কি আশু আশুতোষ !
একছত্র-অধিপতি বাণী-প্রতিষ্ঠান,
বিশ্ববিদ্যালয়-শিরে ধাতার সন্তোষ !
ধৰ্ম্মাধিকরণে লভি' শ্রেষ্ঠ অধিকার
প্রতিভায় প্রতিষ্ঠিলে জাতীয় গৌরব !
নানাভাষা, নানাশাস্ত্র আয়ত্ত তোমার,
চারিদিকে ব্যাপ্ত তব যশের সৌরভ !
স্বপক্ষ বিপক্ষ সবে, জাতি-নির্বিশেষে,
বিলাপিয়া গায় যশ আজি শোকাবেশে ।

মধুপুর-মধুকথা

পুণ্যতোয়া ভাগীরথী তীরে কলিকাতা ।
পশ্চিমে ‘হাবড়া’ গ্রাম খালি রেলপাতা ॥
এ রেলের একদিকে কলিকাতা-পুরী ।
ছুটে হাঁপ ছাড়ে যথা ‘কাল্কা’-নগরী ॥
পুরাণ ‘হুগলী’ গ্রাম পরে ‘বর্দ্ধমান’ ।
‘সীতাভোগ’ ‘মিহিদানা’ কেড়ে লয় প্রাণ
ভারতচন্দ্রের ছবি সে ‘বিছামুন্দর’ ।
ফুটে ওঠে এ মালধে তাজ্জব সহর ॥
‘অণ্ডাল’ ‘আসানসোল’ দুই জংসান ।
‘রাণীগঞ্জ’ ‘সীতারাম’—কয়লার স্থান ॥

অর্চনা

ছোট ছোট জামে ভরা গ্রাম ‘মিহিজাম’ ।
খোল খোল ফলে জাম ‘জামতাড়া’ নাম ॥
কট-মট ‘কস্মটাড়’ আছে এক পাশে ।
পশ্চিমে রাবণেশ্বর ‘বৈষ্ণনাথ’-বাসে ॥
মাঝে শোভে ‘মধুপুর’ খালি মধু-ভরা ।
কূপ-জলে ছোট সদা সুধার ফোয়ারা ॥
সাঁওতাল-পরগণা মাঝে এই গ্রাম ।
বহু জাতি সমাবেশে বহুজাতি-ধাম ॥
ফিরিঙ্গি ও মাড়োয়ারী, হিন্দু, মুসলমান ।
বাণিজ্য ও হাওয়া-খেতে সবে আগুয়ান ॥
ঘাটোয়াল ‘টিকাইত’ আছে বটে রাজা ।
‘ম্যানেজার’ সর্ব-সর্ব—শাসে সব প্রজা
‘কুগুর বাংলায়’ জোড়া আধখানা গ্রাম ।
‘নীলমণি মিত্র’ গঠে বহুবিধ ধাম ॥
পশ্চিমে ‘বাহান্ন-বিঘা’ ‘স্মিথে’র ভবন ।
‘আর, মিত্র’ করে তা’রে নন্দন-কানন ॥
ফুল-ফল-শাকসব্জী ক্ষেত্রজ সস্তার ।
দেশ-মিত্র ‘হেম মিত্র’ দেখা’ল অপার ॥
প্রদর্শনী খুলি’ গ্রামে নাম দিল তার ।
অপূর্ব মিনায় ভরা সে ‘মিনাবাজার’ ॥

মধুপুর-মধুকথা

‘পানিখোলা’-মুখপাতে ‘ঠাকুর-কুটীর’ ।
‘বলাই-ঔষধালয়’ সুন্দর প্রাচীর ॥
খন্ড হে ‘বলাই দত্ত’ বিপন্নের বন্ধু ।
কত না ক’রেছ হিত করুণার সিন্ধু ॥
দক্ষিণ-পশ্চিমে শোভে সুবিশাল ‘বট’ ।
যুগান্তের সাক্ষী এক পুরাতন নট ॥
‘পাথর-চাপ্‌টি’ স্মরু ‘রেফ্ট বাঙলায়’ ।
জজ ‘গুরুদাস’ গড়ে সুন্দর আলায় ॥
‘রাম মিত্র’ বেচে বাড়ী ‘ঝেরিয়া রাজারে’ ।
‘সাধু’ স্থাপে ‘সাধু-সংঘ’ ‘ফুলচির’ পারে ॥
‘এড্‌ওয়ার্ড বিদ্যালয়’ ‘পুলিশ’ ‘কাছারী’ ।
সন্মুখেতে ওই দেখ ‘ম্যানেজার-বাড়ী’ ॥
পাশে মাঠে ‘ফুটবলে’ মত্ত যুবাদল ।
খৃষ্ণের গির্জায় ভজে ফিরিজিমহল ॥
ফিরিজি-বাঙ্গালী-ক্লাব, আছে থিয়েটার ।
মরুভূর মাঝে যথা মরুচ্ছান সার ॥
মাড়োয়ারী ‘রামযশ’ ‘লক্ষ্মীনারায়ণ’ ।
স্ববংশে ‘দ্বারকাদাস’ কত মহাজন ॥
‘হরি ঘোষ’ নামে অতি প্রাচীন ডাক্তার ।
বাজারের পাশে গলি—আবাস তাহার ॥

অর্চনা

বাজারের পাশে আছে সুন্দর মন্দির ।
‘সীতারাম’ ‘মহেশ্বর’ শোভে ‘মহাবীর’ ॥
দুই এক মুদিখানা বাজারের পথে ।
মিষ্টান্ন-বিপণি আছে বাঙ্গালীর হাতে ॥
‘জগু সাহ’ নামে এক তৈলিক-প্রধান ।
নিত্য-প্রয়োজন-দ্রব্য যোগায় নানান ॥
সোম-শুক্রে বসে হাট সব জিনিষের ।
হরেক রকম পাবে দূর দুরান্তের ॥
যদিও শহর নহে, আছে ‘মুন্সিপাল’ ।
জঞ্জাল নাশিতে সৃষ্টি—জুটায় জঞ্জাল ॥
ওদিকে পশ্চিমে দূরে শোভে ‘শেঠ-ভিলা’
মাঝখানে মামুলী সে ‘ডাকের বাঙলা’ ॥
তা’র পাশে করে বাস ফিরিজিমগুল ।
নবীন-প্রবীণ যত রেল-কন্সিডল ॥
‘লর্ড সিংহ রোড’ নামে প্রধান সড়ক ।
কত না বাগান বাটী, কত না ফটক ॥
‘হার্মিটেজ’ পুরাতন ‘ম্যাকডাল’-কুঠী ।
‘মারবেল-হল’ পরে অতি পরিপাটী ॥
ভিলা, ভিলি, লজ্, কট, নুক উৎকট ।
নামাক্তিত কত কুঠী—যেন চিত্রপট ॥

মধুপুর-মধুকথা

ভবন, আলয়, কুঞ্জ, গ্লেন, ডেন্ নামে ।
উদ্যান-আলয় কত দক্ষিণে ও বামে ॥
মনোহর ফলে ফুলে ভরা একবাস ॥
লক্ষ্মীনারায়ণ-স্মৃতি —সে ‘লক্ষ্মী-নিবাস’ ॥
অসংখ্য গোলাপ-বেল-যুথিকা-চামেলি ।
জবায় ক’রেছে আলো—দেখ আঁখি মেলি ॥
অতিবুদ্ধ ‘শিশু’ গাছে ঘেরা চারিধার ।
রসাল, শ্রীফল তরু কাতারে কাতার ॥
ফলসা, ডালিম আর সপেটা, লকেট ।
রস্তা, পৌপে, পেয়ারায় ভ’রে ষা’বে পেট ॥
বিদেশী লতা ও পাতা হরেক রকম ।
পলাশ, শিমূল, নিম দেশী-মনোরম ॥
বড়-কুপে, ছোট-কুপে কি সুন্দর জল ।
মধুভরা মধু-উৎস পবিত্র নিশ্চল ॥
পশ্চাতে ‘অমৃত শীল’ মুন্সীপাল-কর্তা ।
জমীদার-মহাজন-মুস্তাগীর-হর্তা ॥
রেলের ওপারে দূরে ‘আশুতোষ-ধাম’ ।
বাজালার, বাজালীর শিরোমণি নাম ॥
ক্রোশ দুই দূরে আছে ‘পাথরোল’ গ্রাম ।
‘টিকাইত কৃষ্ণচন্দ্র’—তার রাজধাম ॥

অর্চনা

রাজার মন্দির মাঝে রণচণ্ডী-সাজে ।
জগৎ-জননী কালী আছা মা বিরাজে ॥
দূর দূরান্তর হ'তে নানা ভক্তগণ ।
মঙ্গল ও শনিবারে করে আরাধন ॥
ষোড়শোপচারে পূজি' মায়ের চরণ ।
অসংখ্য অঞ্জের বংশ করে গো নিধন ॥
ছাগরূপী নিজ রিপু দিয়া বলিদান ।
করে না অজ্ঞান কেন মাতৃ-পূজাদান ॥
'মধুপুর-মধুকথা' অমৃত সমান ।
শ্রীকিরণ দত্ত কহে—শুনে পুণ্যবান ॥

প্রিয়দর্শন জিতেন্দ্রনাথ

এক

ল'য়ে প্রীতিপূর্ণ আঁখি বিস্ফারিত জ্ঞানে
জীবন-মধ্যাহ্নে এল যুবক নিশ্চল !
অতি অল্পদিনে সবে গাঁথি' নিজ-প্রাণে,
বন্ধুগণে কিনে নিল সে চিন্তা সরল !
রূপে গুণে স্নানায় ছিল সে মগ্নিত,
পল্লীর আশার স্থল, 'নয়নের মণি !
না জানি হইলু মোরা কি দোষে দগ্নিত,
অকালে হারা'লু হেন রতনের খনি !
প্রেম-শ্রদ্ধা-বিমগ্নিত তব পুণ্য-কথা
গৃহে গৃহে এ পল্লীর হ'তেছে ধ্বনিত !
হে অজাতশত্রু, সৌম্য কেন দিলে ব্যথা—
জীবনমৃত দীনজনে চির-বিষাদিত !
জীবন-সঙ্গিনী সাধবী, বৃদ্ধ পিতামাতা—
না জানি কেমনে র'বে হ'য়ে বাত্যাহতা !

অর্চনা

দুই

এখনও ধনিছে কাণে তোমার স্মৃশ্বর—
‘পশ্চিমে আরক্ত ভানু অস্তাচল-গামী’—
প্রেমোন্মত্ত রাজ-চিত্র দেখা’লে সুন্দর
‘পাণ্ডব-গৌরব’ নাট্যে ‘অবন্তীর স্বামী !’
‘কৃষ্ণ’ ‘পুণ্ডরীক’ ‘ভীষ্ম’ ‘দণ্ডী’ ‘ষট্‌পতি’
‘প্রবীর’ ‘প্রতাপাদিত্য’ ‘দত্ত নিমটাদ’
‘সিং’ ‘ফিস্’—দেখাইলে পরিপাটী অতি ;
দক্ষ অভিনেতা সম পেলে জয়বাদ !
বহু আশা ক’রেছিছু তোমারে লইয়া
গঠিব পল্লীর মাঝে নাট্য-নিকেতন !
সে সাধে ফেলিয়া বাজ লইল কাড়িয়া—
শ্রীহীন করিল খাতা এ পল্লী-ভবন !
হে আনন্দময় ‘জিতু’—স্নেহের পুতলি,
লহ, লহ অন্তরের প্রেম-শ্রদ্ধাঞ্জলি !

সঙ্ঘ—ফাল্গুন, ১৩৩১

স্মৃতি-সভায় পঠিত—শনিবার, ৭ই চৈত্র, ১৩৩১

গিরিশ-গৌরব

(১)

আজিকে তোমার মহিমা গাহিয়া ধ্বজ করিব মোদের প্রাণ।
কবিকুলরবি তুমি মহাকবি—এস গো জাতির শ্রেষ্ঠ দান ॥
তুমি নটরাজ, নাট্য-অধিরাজ—তোমার সমান কোথায় পাই !
বঙ্গনাট্যের তুমি কালিদাস—চরিতাঙ্কনে তুলনা নাই।
শ্রেষ্ঠ অভিনেতা, কলাশিক্ষাদাতা, তুমি গো নাট্যের আচার্য্যবর,
পূজায় তোমার বাণীর প্রতিমা মহিমমণ্ডিত চিরভাস্বর।

অৰ্চনা

(২)

নাট্য-যজ্ঞের তুমি, হে ঋত্বিক, করিলে প্রতিষ্ঠা প্রতিমা-প্রাণ,
নূতন ছন্দের সৃষ্টি করিয়া রাখিলে বঙ্গভাষার মান !
কলা-সৌন্দর্য্য রাখিলে অটুট, করিলে শতেক নাটক সৃষ্টি—
পাঠক-দর্শক মুগ্ধ-মোহিত দৃশ্য-কাব্যের পাইয়া দৃষ্টি !
নিত্য নূতন কবি-কল্পনা-ফুল তোমার রচনারাজি—
কত না আনন্দ করিল সৃষ্টি, সুধাগন্ধভরা ফুলের সাজি !

(৩)

জাতীয় কাব্যের, জাতীয় ধর্ম্মের নিত্যধারায় করিলে সিক্ত !
ধর্ম্ম ও জ্ঞানের উদ্দীপনায় রচনা তোমার প্রকট দীপ্ত !
হেলায় খেলায় তুমি যে অর্ঘ্য বাণীর চরণে করিলে দান,
যুগ-যুগান্তে না জানি বাঙ্গালী কত দিনে পা'বে এ হেন মান !
এস মহাকবি, নটকুলচূড়া, ভক্ত, ভৈরব, আচার্য্যাবর ।
লহ গো প্রণতি চিরযশস্বী, বঙ্গগৌরব, অবিনশ্বর !

রচিত—জ্যৈষ্ঠ, ১৩৩১

কায়স্থ-পত্রিকা—কাক্তন, ১৩৩১

স্বাগতম্

কালের আরম্ভ কোন কালে—কে বা জানে সে রহস্য-কথা।
অখণ্ডের খণ্ডিত বিভাগ নব নামে জানায় বারতা ॥
চির-পুরাতন ছিল যেই, কহে তা'রে নূতন বরষ।
সুখ-আবরণে দুঃখ আসে, উদ্বেলিত প্রাণের হরষ ॥
পুরাতনে দেয় বিসর্জন—জরাগ্রস্ত ভাবিয়ে তাহারে।
আজ যা'রে করে আবাহন, জানে না সে পূর্ণ যে বিকারে ॥
চক্রবৎ চলে এই মত—কাল-গতি জগত-বিস্ময়।
শোক-জর্জরিত নিত্যরূপ যার, ভাবে তারে স্খাশ্রয় ॥
নূতনের মোহ-অন্ধকারে অন্ধ করে মোদের নয়ন।
নবাগত অতিথিরে তা'ই প্রতি বর্ষে করি আবাহন ॥
দূরে যাও তুমি পুরাতন, অতীতের গভীর গহ্বরে।
নিয়ে যাও মুছে স্মৃতি-ব্যথা, কোন চিহ্ন রেখ না অন্তরে ॥
নবরূপে স্বাগত অতিথি, লহ নতি দলিত জাতির।
অধীনতা-আয়স-শৃঙ্খলে হস্ত-পদ-বাঁধা এ প্রাচীর ॥
মন-মাঝে কত নব আশা জাগে সদা—কি কব তোমায়।
প্রাণ খুলে অন্তরের জ্বালা কব মোরা—আছে কি উপায় ॥

অর্চনা

রুদ্ধ-বাক্ বহুদিন হ'তে, রুদ্ধ পুনঃ লেখনী-চালন ।
রাজা, প্রজা, জগতের ভাই শুনিল না প্রাণের বেদন ॥
ব্রহ্মচর্যা-তপস্ত্যাবিহীন বর্ণ-গুরু ভূদেব-সন্তান ।
সূত্রে মাত্র দেয় পরিচয়, কিসে রক্ষা হ'বে শান্ত-মান ॥
কোথা সেই মহাশূরবীর অস্ত্রধারী ক্ষত্রিয়-তনয় ।
শত্রু-হৃদি-আতঙ্ক-সঞ্চারী কোথা সেই বীর্য্য-পরিচয় ॥
কোথা সেই কৃষি-পণ্য-প্রাণ মহাধনী বণিকের দল ।
কোটা কোটা বিত্তের সঞ্চয়ে বাড়াইবে স্বদেশের বল ॥
কোথা সেই শ্রদ্ধা-অবনত পরিশ্রমী অনুন্নত জন ।
অস্থি-মজ্জা দেশ ও জাতির, দেশ-দশ-সেবাপরায়ণ ॥
কেন হ'ল হেন বিপর্য্যয়—কে লইছে সন্ধান তাহার ।
কার প্রাণ কাঁদে নিরন্তর, কে প্রেমিক চায় প্রতীকার ॥
তারস্বরে হ'তেছে ধ্বনিত সনাতন ধর্ম্মের মহিমা ।
মৌখিক এ বৃথা আশ্বালনে বাড়িবে কি জাতির গরিমা
আত্মাঙ্গণ বর্ণাশ্রমী জন—কে রেখেছে শুদ্ধ অনুষ্ঠান ।
নিজের প্রাধাত্য-অহঙ্কারে পরস্পরে হানে ঘৃণা-বাণ ॥
অনুন্নত ঈশ্বর-সন্তানে যে পারে করিতে উন্নয়ন ।
পদানত হয় লোক তাঁর—তাঁরে কয় ব্রাহ্মণ সূজন ॥
ব্যক্ত করে আত্মার স্বরূপ—তা'ই হিন্দু-ধর্ম্ম সনাতন ।
'তত্ত্বমসি' যার শেষ কথা, মহাসত্য শ্রুতির বচন ॥

পূজা, পাঠ, অর্চনা, বন্দনা, হোম, যাগ নানা অনুষ্ঠান ।
 মর্শ্ব-কথা নাহি বুঝ যদি, কিছুই না হ'বে ফলবান ॥
 শৃঙ্খলিত এ বিশ্ব-ব্রহ্মাণ্ড বিধাতার চরণের তলে ।
 ক্ষুদ্র ক্ষুদ্র জল-বিশ্ব সব মিশে যাবে কারণের জলে ॥
 হে ব্রাহ্মণ-ক্ষত্রিয়-বণিক, কেন কর বৃথা অভিমান ।
 'শূদ্র' নামে ঘৃণা বাস' যারে তার' হবে ব্রহ্মে অবস্থান ॥
 দ্বেষ-হিংসা, বৃথা অহমিকা কর ত্যাগ—শ্রেয় যদি চাও ।
 বিশিষ্টতা পাবে মহতের, পতিতের হাত ধ'রে নাও ॥
 যেই দিন, হে মোর স্বজাতি, এই ভাবে হবে অগ্রসর ।
 নব-বর্ষ নব জাগরণে সেই দিন হইবে ভাস্বর ॥
 বহু আশে আহ্বানি তোমায়, এস, এস নব অভ্যাগত ।
 ভারতের নব-জাগরণ এনে দাও, হে চির-শাস্ত ॥

ছ' ফোঁটা অশ্রু

(দেশবন্ধু-উদ্দেশে)

এক

নরমেধ মহাযজ্ঞে 'জালিয়ান্-বাগে',
উত্তপ্ত ভারতবাসী নানাভাবে যবে
ক্ষুব্ধ, বিক্ষোভিত, বহু অভিমানে, রাগে
দেশবাসী মুক্ত-বাক্ বেদনার রবে ;—
তাজিয়া বিলাস-বাস চিত্ত-বেদনায়
ছুটেছিলে তুমি দেব, হে চিত্তরঞ্জন,
ঢালিতে প্রাণের ব্যথা দেশের ব্যথায়,—
অশ্বেষিতে প্রতিকার হে দেশরঞ্জন !
অভিমান-দৃপ্ত-বক্ষে ফিরে এলে দেশে
ফেলিয়া অজস্র অশ্রু ; রাজশক্তি-সনে
পরীক্ষিতে নিজ-শক্তি, নিলে অবশেষে
'গান্ধী'-প্রদর্শিত পথ সর্ববিশ্বের পণে !
প্রেম-ত্যাগে উদ্ভাসিত হৃদয় তোমার.
ভারত-বেদনামূর্তি বিগ্রহ সাকার !

ছ'ফোঁটা অশ্রু

দুই

স্বারাজ্যের মহাযজ্ঞে ঋত্বিক প্রধান,
তুমি আসি' দিলে শেষ হবির অঞ্জলি,
'লোকমান্য'-মহাত্মতে আত্ম-বলিদান ;
বঙ্গবাসী-হৃদে হানি' ব্যথার বিজলী !
বীর তুমি, কেঁদেছিলে বীরের মতন
দেশ-যন্ত্রণায়, দলি' স্বার্থ-সাধ-মানে
দীন সম দীন-মাঝে করিলে ভ্রমণ,
হরিয়্য দীনের ব্যথা, ল'য়ে নিজ প্রাণে
হে আদর্শ দেশবন্ধু, কর আশীর্ব্বাদ,
তোমার আদর্শ-ত্রুত করিয়া সাধন,
তোমার স্বদেশবাসী ঘুচায়ে প্রমাদ,
স্বারাজ্যের মুক্তি-পথে হ'ক দৃঢ়-পণ !
পুণ্যকীর্তি, বড় ব্যথা, ভাষা না যুয়ায়,
লহ অর্ঘ্য, দাও শক্তি তব মহিমায় !

মধু-স্তুতি

(সনেট)

দয়েল-সালিথ-শ্যামা-পাপিয়ার গানে
বঙ্গের কবিতাকুঞ্জ ছিল গো কুজিত ;
তুমি আসি' মাতাইলে পঞ্চমের তানে
পিক-শ্রেষ্ঠ—তব সুরে অমৃত ঙ্করিত !
ললিত-বিভাস-গৌরী-পূরবী-ইমনে,
সারস্বত-সাধনায়, আলাপিয়া বীণা,
বঙ্গকবি গায় স্তুতি মুহুমন্দ স্বনে
ঝরে শাস্ত-দাস্ত-সখা-মাধুর্য্য-করুণা !
ভৈরব-দীপকে তুলি' অপূর্ব ঝঙ্কার,
নবমন্ত্রে পূজি' বাণী সঞ্জীবিলে ভাষা,
উদ্দীপনাপূর্ণ রস করিয়া সঞ্চার,
বঙ্গবাসী-প্রাণে কবি জাগাইলে আশা ।
ইরশাদ-মন্ড্রে শঙ্খ বাজিল তোমার,
উজ্জ্বলা প্রতিমা আজি বঙ্গ-সারদার !

মধু-স্তুতি

(অমিত্রাক্ষরে)

কি মহা-সৌভাগ্য-ফলে, বঙ্গকবি-কুঞ্জে
প্রবেশিয়া তুমি কবি শ্রীমধুসূদন,
দেখা'লে অপূর্ব সৃষ্টি, দীনতায় পূর্ণ
তব মাতৃভাষা ল'য়ে ! ক্রীড়নক সম
ইচ্ছামত ছুটাইলে ; সাজাইয়া পুনঃ
তারে ললিত কলায় দেখাইলে শক্তি
অদৃষ্ট অশ্রুতপূর্ব ! কত না সৌন্দর্য্য
সৃষ্টি হইল ভাষার ! নব নব ছন্দে
কত উঠিল ঝঙ্কার প্রাণমনস্পর্শী !
নিত্য নব কল্পনার উদ্ভাবনী শক্তি
রচিল, গঠিল চারু সাহিত্য-সম্ভার ;
সাজাইল ডালি নব বাণী-পূজারির ।

অর্চনা

সার্থক লেখনী তব, অঁকিল মনোজ্ঞ
চিত্র—কাব্যে ও নাটকে ! গরীয়সী আজ
তব স্বদেশের ভাষা, সাজাইতে যা'রে
ডুবিয়া অতলতলে প্রতীচী ভাষার,
নানারত্ন উপহার দিলে আহরিয়া !
অমিত্র-অক্ষরে রচি' কাব্য-মধুচক্র,
গোড়জন-তরে যাহা রেখে গেছ কবি,
যথার্থই চিরদিন পাবে তাহে সুধা,
আনন্দে করিবে পান পুরুষানুক্রমে !
শ্রদ্ধাপূর্ণ অর্ঘ্য ঢালি চরণে তোমার
এ শ্রদ্ধাবাসরে আজ ভাব-ভক্তিভরে ;
লহ নতি, মহাকবি, দীন স্বজাতির !

ভারতপূজ্য সুরেন্দ্রনাথ

বাজালার, ভারতের অর্ধশতাব্দীর
রাজনীতি-ক্ষেত্রে তেজস্বী ঋষির মত
হতভাগ্য স্বদেশের বিদলিত শির
উন্নয়ন-আশে—সদা উপদেশ রত
ছিলে তুমি বাগ্মিবর ! যুগযুগান্তর
ধরি' তব দেশবাসী মোহগ্রস্ত, জড়-
সম বিলুপ্তচেতন মেঘমন্দ্র স্বর
তব জাগা'য়ে তা'দের তুলিয়াছে ঝড় !
নবজাগরণে উচ্চ-শিরে কহে কথা
সে পতিত জাতি—তব মন্ত্রণা-কৌশলে ।
উচ্চ-কণ্ঠে চাহে বীরভোগ্যা স্বাধীনতা
দেবতাবাহিত ! আজি যাও কেন চ'লে
আজীবনব্যাপী তব অমোঘ সাধনা,
করতলগত সিদ্ধি—আসন্ন ঘোষণা !

সাপ্ত শ্রীমৎ নাগ মহাশয়

ভারতের প্রাচ্য-প্রান্তে বাঙ্গালীর দেশে,
ত্যাগ-দৈন্য-মূর্তিমান ভাবভক্তি-ভরে
এসেছিল ভক্তবর দীন ছদ্মবেশে
অপূর্ব চরিত ল'য়ে লোক-শিক্ষাতরে !
ধূলিমাখা মহামূল্য মরকত-মণি
লোক-লোচনের দূরে লুকা'য়ে আত্মায়
থাকে যথা অনাদরে, এই গুপ্ত খনি
ছিল গুপ্ত কুটারের অন্ধ-তমসায় !
দেবতা 'গদাই' আসি' লুকান রতনে
দিব্য-দৃষ্টি-আকর্ষণে উদ্ধারি' হেলায়
স্থাপিলা আদর্শ ভক্তে লোকের নয়নে—
ফুটিয়া উঠিল ঋষি নিজ মহিমায় !
জনমে জনমে তুমি রামকৃষ্ণ-দাস,
জলন্ত আদর্শে ভক্তি কর স্প্রকাশ !

ঢাকার নারায়ণগঞ্জ মহকুমার দেওভোগ গ্রামে গৃহীত-জন্ম শ্রীরামকৃষ্ণ-
ভক্তরাজ সাধু দুর্গাচরণ নাগ মহাশয়ের অর্শাতিতম জন্মতিথি উৎসব উপলক্ষ্যে
কলিকাতার 'এলবার্ট হলে' অনুষ্ঠিত ২১।৫।৩২ তারিখের বিরাট সভায় পঠিত।

কায়স্থ-পত্রিকা—আশ্বিন, ১৩৩২

শ্রীশ্রীচিত্রগুপ্ত

ব্রহ্মকায়োদ্ভব মূর্তি দিব্য দীপ্তিমান,
দ্বিতীয় বিষ্ণুর কায়া করিয়া গ্রহণ,
আবির্ভূত হ'ল কে বা পুণ্য-জ্যোতিষ্মান,
ধ্যান-ভঙ্গে ধাতা যাঁ'রে করিল নন্দন !
অপূর্ব বিগ্রহ, মরি ! কে তুমি দেবতা,
লেখনী ও মসিপাত্র অসি-দণ্ডধারী,
চতুর্ভূজ স্নশোভিত নবীন বিধাতা,
ভাগ্যালিপি-বিধায়ক শুভাশুভকারী ।
ঋত্রিয়ার ধর্ম-বিধি করি' আচরণ,
কায়স্থ নূতন নামে হইয়া লাক্ষিত,
তব বংশ হ'বে খ্যাত ধরিত্রীভূষণ,
কুলে-শীলে-ধর্ম্যে-যশে হ'য়ে প্রতিষ্ঠিত !
বিরাট কায়স্থ-জাতি-পুরুষ-প্রধান,
তোমা'রে পূজিছে আজি তোমার সন্তান !

বায় যতীন্দ্রনাথ

দম্ভ-কবি গেয়েছিল নিবিছে দেউটী
একে একে সমুজ্জ্বল নাট্যশালা-শিরে,
আজো সেই মত হেথা বাণী-প্রতিষ্ঠানে
নিবিড় আঁধারে ঘেরি,' অবসাদে ছেয়ে,
নিবে যায় একে একে রত্ন-দীপ যত !
'ব্যোমকেশ' গেছে ব্যোমে পথ দেখাইয়ে
পরিষৎ-বক্ষ বিদারিয়া ; শিরে বজ্রহানি'
'আচার্য্য রামেন্দ্র' গেছে শিক্ষার গৌরব !
আর এক ছিল রত্ন এ-মণি-কোঠায়,
স্নিগ্ধ রশ্মিজালে যার অদূর অদৃষ্টে
হইত দেদীপ্যমান 'রমেশ-ভবন',
গেছে সে 'মনোমোহন' অঞ্চলের নিধি !

রায় যতীন্দ্রনাথ

কিন্তু আজি যে মহাত্মা করিল প্রয়াণ
অকস্মাৎ ক্ষিপ্রগতি, বাণী-মন্দিরের
এ যে ছিল ভিত্তি-স্তম্ভ, আধার-আসন !
শিরে বুকে ক্রোড়ে ল'য়ে জন্মকাল হ'তে
যে ইহায়ে প্রদানিল শত শ্রদ্ধা প্রেম,
সাহায্যে সামর্থ্যে আর শিক্ষা ও দীক্ষায়—
যে জন করিত নিত্য কল্যাণ কামনা,
মাতৃভাষা উন্নয়নে যাঁর প্রাণ-পণ,
স্বধীর, ধার্মিকবর, পণ্ডিত-প্রধান,
যাহার অভাব পূর্ণ হবে না কখন,
নাই সে যতীন্দ্রনাথ জাতির গৌরব ।
চির-বিরোধিণী সেই দুই দেব-ভগ্নী
ঢেলেছিল আশীর্ব্বাদ যাঁ'র শিরোপরি
যুক্ত করে প্রেমাবেশে ; ইঙ্গ-বঙ্গ-বাণী
আর সে দেবী গীর্ব্বাণী ত্রিবেণী-সঙ্গমে
মিলিত করিয়াছিল যাঁহার মনীষা,
স্বজাতি, স্বধর্ম্ম আর মাতৃ-ভূমি-ভাষা
চির-সেবা-পরায়ণ, আদর্শ সৃজন,
এ দুর্দিনে স্বজাতিরে কেন তেয়োগিলে ?
প্রাচীন ও নবীনের হে সংযোগ-সেতু,

অৰ্চনা

পুরাতন বাঙ্গালীর শেষ দীপ-শিখা,
সামাজিক সৌজন্মের মূর্তি প্রতিচ্ছবি,
দশ ও দেশের তুমি ভরসার স্থল,
সদানন্দ, হে প্রেমিক, হে বন্ধুবৎসল,
তোমার অভাবে সবে মুহমান হেথা !
তোমার বিয়োগ-ব্যথা হৃদয়ে ধরিয়া,
নগণ্য এ বন্ধু তব অনুজ-সমান,
মরমের শ্রদ্ধাঞ্জলি এ শ্রদ্ধ-বাসরে
ঢালে পুনঃ পুনঃ তব স্মৃতির উদ্দেশে ।
হে পূত-চরিত্র, পুণ্যপূত আত্মা তব,
চিরাভীষ্ট দেবতার সান্নিধ্যে থাকিয়া,
লভুক শাস্ত্রী মুক্তি চির-অভীপ্সিত !

বঙ্গীয় সাহিত্য পরিষদের স্মৃতি-সভায় পঠিত

কায়ন্ত-পত্রিকা—বৈশাখ, ১৩৩৩

শ্রীশঙ্করাচার্য্য বিরচিতম্ উপদেশ-
প্রকরণং তদনুবাদশ্চ

১

যুন্তৌব বৃত্তিভিঃ পূর্ণংরিত্তীকুরু মনোঘটম্ ।
ন কশ্চিদ্ভবিতা তাত ব্রহ্মণা পূরণে শ্রমঃ ॥ ১

মনোঘট পূর্ণ তব বৃত্তিসমুদয়ে
শৃণু কর তাহে তুমি স্মৃষ্টিনিচয়ে ।
শ্রম না হইবে বৎস, তাহায় তোমার,
ব্রহ্ম-বারি মনোঘটে হইবে সঞ্চার ॥ ১

ত্যজ চিন্তাং মহাবুদ্ধে ভজ নিশ্চলতা-সখীম্
ত্য়ার্জ্জিতামিমাং চিন্তাং বদ কোহুত্য়ঃ পরিত্যজেৎ ॥২

হে স্মৃবুদ্ধি, কেন কর চিন্তা আরাধনা,
ভজ নিশ্চলতা-সখী, ক'র না ভাবনা ।
এ চিন্তারে করিয়াছ তুমিই অর্জ্জন,
তুমি না ত্যজিলে বল, ত্যজে কোন জন ॥ ২

অর্চনা

চিন্তনীয়ং ত্বয়া বস্তু চিন্তা-রোগস্ত ভেষজম্ ॥

অথবা তাত চিন্তাখারোগমেব পরিত্যজ ॥ ৩

চিন্তারোগ উপশম হইবে যাহায় ।

কর সে ঔষধ চিন্তা, নাহে ত্যজ তায় ॥ ৩

বদ্ধিতা বদ্ধিতে চিন্তা ত্যক্তা নশ্যতি সত্বরম্ ।

ঈদৃশেনাপি রোগেণ দুর্ধিয়ৌ মরণং গতাঃ ॥ ৪

বাড়ালেই বাড়ে চিন্তা, ছাড়িলেই ছাড়ে ।

তথাপি দুর্ব্বুদ্ধিগণ চিন্তা-রোগে মরে ॥ ৪

কর্কশাঃ কলহং কৃৎস্বা বদ্ধা নিত্যমমঙ্গলাঃ ।

ত্যজ্যতাং কামনা-চণ্ডী ভুজ্যতাং মুক্তি-সুন্দরী ॥৫

কর্কশহৃদয় যারা কলহ করিয়া ।

গড়ে নিত্য অমঙ্গল আবদ্ধ হইয়া ॥

কামনা ভীষণা নারী ত্যজি তার সেবা ।

মুক্তির ভজনা কর সুরূপসী যেরা ॥ ৫

জনৈঃ পণ্ডিত ইতুক্তঃ প্রাপ্নোষি পরমং সুখম্ ।

মনসা কৰ্ম্মণা বাচা ভব পণ্ডিত একবৎ ॥ ৬

পণ্ডিত বলিলে লোকে বড় সুখ পাও ।

কৰ্ম্মে মনে বাক্যে তুমি সুপণ্ডিত হও ॥ ৬

উপদেশপ্রকরণং তদনুবাদশ্চ

নিত্যমেব স্কুরঙ্গপো ননু ত্বং চিৎ স্বরূপতঃ ।

স্ফূর্তি-মূর্তেষু বৈবেয়ং কাচিৎ স্ফূর্তিরিদং জগৎ ॥ ৭

চিৎ-স্বরূপে নিত্য তুমি হও স্ফূর্তিময় ।

এ জগত সে মূর্তির স্ফূর্তি মাত্র হয় ॥ ৭

ভাস্বতো মম ভামাত্রমিতি জ্ঞাতে ভ্রমে গতে ।

ক্ব দ্বিতীয়ঃ ক্ব সংসারঃ ক্ব মায়া তৎ কৃতং ক্বনু ॥ ৮

আমিই ভাস্বান, যাহা হয় দৃশ্যমান ।

আমার আভাই তাহা, হ'লে এই জ্ঞান ॥

কোথায় দ্বিতীয় তার, কোথায় সংসার ।

মায়া, মায়া-কৃত-জন্ম, কোথা থাকে আর ॥ ৮

জ্ঞত্ব-কর্তৃত্ব-ভোক্তৃত্ব-জড়-চৈতন্য-দৃষ্টয়ঃ ।

স্কুরণানি স্বকীয়ানি মুনিভূত্বা বিলোকয় ॥ ৯

আমি জ্ঞাতা, আমি কর্তা, আমি ভোক্তা জ্ঞান ।

জড়েতে চৈতন্য দৃষ্টি নিজের স্কুরণ ॥

স্বকীয় প্রকাশ ভিন্ন নহে অণু জন ।

মুনি হ'য়ে জ্ঞান-নেত্রে কর বিলোকন ॥ ৯

পরস্পরমবিজ্ঞাতা জাগ্রৎ-স্বপ্ন-সুষুপ্তয়ঃ ।

ত্বয়া তিস্রঃ দ্বিয়ো ভুক্তাস্তরীয়াং ভজ সুন্দরীম্ ॥ ১০

অৰ্চনা

স্বষুপ্তি স্বপন আর নারী জাগরণ ।

পরস্পরে নাহি জানে, ক'রেছ ভজন ॥

চতুর্থ সুন্দরী হয় আর একজন ।

তুরীয়া তাহার নাম করহ ভজন ॥ ১০

জাগ্রৎস্বপ্নস্বষুপ্ত্যাচ্চ অবস্থা নিত্যমীক্ষসে ।

তুরীয়ং তব ধামৈব ন তৎ কিমিতি পশ্যসি ॥ ১১

অবস্থা স্বষুপ্তি স্বপ্ন আর জাগরণ

করে বাস পুরোভাগে ত্যজিয়া তোমায় ।

তুরীয় অবস্থা তব আলায় আপন,

তথাপি দেখ না তুমি, কেন হে তাহায় ॥ ১১

আধারঃ সুখহেতো স্ত্বং ধ্যায়সে ন স্তখে স্ত্বখং

স্ত্বখিরূপে নিজরূপে স্ত্বখং তিষ্ঠ স্ত্বখী ভব ॥ ১২

সুখাধার বস্তু লাভে সদা কর ধ্যান,

স্তখে নাহি কোন স্ত্বখ—ইহা স্থির জ্ঞান ।

স্ত্বখের আধার হয় স্বরূপ আপন

স্ত্বখী হ'য়ে সেই স্তখে করহ ভ্রমণ ॥ ১২

ইতি শ্রীশঙ্করাচার্য্য বিরচিতম্ উপদেশ-প্রকরণং সমাপ্তম্

ইতি শ্রীকিরণচন্দ্রদত্তানুদিতম্ উপদেশ-প্রকরণং সমাপ্তম্

সঙ্ঘ—জ্যৈষ্ঠ, ১৩৩৩

মহামনা মনোমোহন অশ্রুবিन्दু দু'টী

এক

অসম্ভবে সম্ভবিয়া হে মনোমোহন,
তুমি কেন আগে গেলে অগ্রজে ফেলিয়া,
শেলে দীর্ঘ করি' হৃদি' নিজ জন সনে
চিরশোকাচ্ছন্ন রাখি,' শত্রুতা সাধিয়া !
তুমি ত নিষ্ঠুর নহ, হে সৌম্য-সুন্দর,
তবে কি হে বন্ধুভাবে বিপদ-সঙ্কুল
সেই দীর্ঘ যাত্রা-পথে, পথ দেখাইতে
হ'লে অগ্রসর তুমি, হইয়া আকুল !
কিংবা, পাছে র'য়ে গেনু মোরা এ মরতে,
তব যোগ্য সমাদর করি নাই ব'লে,
অক্ষয় তোমার কীর্তি বিস্ময়ে হেরিয়া,
প্রায়শ্চিত্ত করিবারে ভাসি আঁখি-জলে
ভারত-স্থাপত্য-শিল্প-সৌন্দর্য্য অপার !
প্রদানিতে পরিচয় জনম তোমার !

অর্চনা

দুই

পরিষদ-চিত্রশালা-তালিকা রচিয়া,
কত না অজস্র শ্রমে ‘রমেশ-ভবন’
গ’ড়ে গেলে তুমি শিল্পী, ললিত কলায়,
প্রতিষ্ঠার দিনে কোথা থাকিবে তখন !
‘জাতীয় শিক্ষার’ সেই সৌম্য প্রতিষ্ঠান
ঘোষিবে তোমার কীর্তি বঙ্গে চিরদিন—
‘ষাদবপুরের’ সেই মরুভূ-মাঝারে
মরুস্থান সম সেই মন্দির নবীন !
উড়িষ্যার হিন্দু-বৌদ্ধ-শিল্প-পরিচয়,
গাঁথিয়া অমূল্য গ্রন্থে তুমি গেছ রেখে !
‘বৌদ্ধ-ধর্ম-রাজিক’ সে চৈতের বিহারে
ভারতের চিত্র-কলা রেখে গেলে একে !
ভূমানন্দ-সৌন্দর্যের চির-উপাসক,
সিদ্ধি করতলে ল’য়ে গিয়াছ সাধক !

বাগবাজার পল্লীর অলঙ্কার, সুবিখ্যাত স্থপতি, অনন্তসাধারণ স্থাপত্য-শিল্প-বিশারদ, ঐতিহাসিক এবং অসাধারণ কর্মী চিরস্নেহাস্পদ মনোমোহন গঙ্গোপাধ্যায় অকালে ৪৫ বৎসর বয়সে, চিরজীবন সৌন্দর্যের উপাসনায় সিদ্ধিলাভ করিয়া অনন্ত-সৌন্দর্যে মিলত হইয়াছেন। তাঁহারই উদ্দেশ্যে এই প্রেম-শ্রদ্ধাঞ্জলি ‘বঙ্গীয় সাহিত্য পরিষদে’র শোক-সভায় অর্পিত হইয়াছিল।

সঙ্ঘ—আষাঢ়, ১৩৩৩

শ্রীশ্রীচিত্রগুপ্তদেব

ব্রহ্মা প্রজাপতি মহাধ্যান ধরি'

মানব-সমাজ করিলা সৃষ্টি !

পুনঃ ধ্যানমগ্ন লোক-পিতামহ,

স্থানুর মতন সুবন্ধ দৃষ্টি ! ১

নর-সমাজের কল্যাণ-চিন্তায়

বিধাতার মনে বাসনা আসে ।

বিরাট সৃষ্টির কে বা কি বা করে—

কে রাখে সঙ্কান বিশাল বাসে ! ২

অপরূপ রূপ ধ্যান-ছাঁচে গড়া,

ব্রহ্মকায় হ'তে প্রকট মূর্তি ।

দূর্বাদলশ্যাম, নয়নাভিরাম,

অভিনব কায়া নবীন স্ফূর্তি ! ৩

চতুর্ভুজে শোভে মহাপাশ, অসি,

মস্তাধার সহ লেখনী নব ।

দেবের দেবতা এ কোন আসিল,

বিস্ময়ে নেহারে দেবতা সব ! ৪

‘কি কায়ে আমারে আনিলে হে প্রভু,

কহ প্রজাপতি, জগৎস্রষ্টা !

কি কার্য সাধিব, কি ধর্ম্যে রহিব,

হে লোক-পালক মহান্ দ্রষ্টা !’ ৫

অর্চনা

‘তুমি চিত্রগুপ্ত করিবে চিত্রিত
 গুপ্ত থাকি’ জীব-কর্মের ফল ।
তুমি র’বে সাক্ষী নর-অদৃষ্টের,
 তোমার বিধান তা’দের বল ! ৬
মম কায় হ’তে উদ্ভব তোমার,
 চতুবর্ণ তব করিবে পূজা !
ক্ষাত্রধর্ম্যে ধর্ম্মী রহিবে ধার্ম্মিক,
 ‘কায়স্থ’-আখ্যাত তোমার প্রজা ! ৭
অসিজীব-জনে মসিজীব-সনে
 র’বে না পার্থক্য জগতী-তলে !
লেখনী-চালনে মেদিনী মোহিয়া,
 কীর্তিমান হ’বে প্রতিভা-বলে’ ! ৮
বিপুল গৌরবে কায়স্থ-সন্তান
 কর্ম্মক্ষেত্রে আজো সদর্পে যায় !
শিক্ষায়, দীক্ষায়, দান, তপস্যায়
 আজিও তা’দের মহিমা ভায় ! ৯
‘কায়স্থ—ক্ষত্রিয়’— ব্রহ্মার বচন,
 ইথে নাহি কা’র সংশয় আর !
চিত্রগুপ্ত হ’ন ‘ক্ষত্রিয়’-দেবতা,
 পুরাণ গাহিছে মহিমা তাঁর ! ১০

বাঙ্গালী কায়স্থ-মঙ্গল

ঋত্রিয়-বঙ্গজ-ভানু কায়স্থের কথা—

ইতিহাসে গাঁথা উজ্জ্বল অতি !

কাশ্মীরে কনোজে যাঁরা মিলাইল হেথা—

ঢাল শ্রদ্ধা আজ তাঁদের প্রতি । ১

জান না কি ভ্রাতৃগণ, বাঙ্গালীর শৌর্য্য,

ধরিত যাঁহারা অমিত বল !

এখন' কি অবিদিত কায়স্থের বীর্য্য,

চিনিত যাঁদের মোগলদল । ২

হেথা ছিল মহারাজ আদিত্য প্রতাপ

রাজা সীতারাম, কেশর রায় !

সে চাঁদ, মুকুন্দ রায়, কন্দর্পনারায়ণ,

বিদেশী যাঁদের মহিমা গায় । ৩

হেথা ছিল 'মেনাহাতী', সেনাপতি কালী,

পলাশিতে ছিল মোহনলাল !

একে একে সবে দিছি দগুধরে ডালি,

গ্রাসিল সকলে করাল কাল । ৪

অর্চনা

- নাই সে কিঙ্কর সেন, জাঁদরেল্ কালু,
শোভারাম সিংহ নাহি ক আর ।
সুরেশ বিশ্বাস ছিল—আছে মল্লবীর
শ্রীযতীন্দ্র গুহ কলিকাতার ! ৫
- বাস্তালী কায়স্থ আজো প্রতিভা-শিখরে,
এখনো তাঁহারা তুলনাহীন,
অগণিত কীর্তিগাথা গায় সমস্বরে,
কোনো ক্ষেত্রে তাঁ'রা হয় নি দীন ! ৬
- সিংহকুল-ধুরন্ধর সে গঙ্গাগোবিন্দ,
সে গোবিন্দরাম পুরাণ কথা,
রায় রাঁইয়ান্ রাজা সে রাজবল্লভ—
ছিলই ত এঁরা দেশের মাথা ! ৭
- এ যুগেও অগ্রগণ্য সে দত্ত রমেশ,
সত্যেন্দ্রপ্রসন্ন তুলনাহীন,
দত্ত কৃষ্ণলাল, নৃত্য, জ্যোতিষ, ভূপেন্দ্র,
কিরণ কিরণে নহে ত দীন ! ৮
- বিচার ও ব্যবহারে দ্বারিকা, রমেশ,
সে চন্দ্রমাধব, সারদা বীর !
পালিত তারক, মিত্র রাজ-নারায়ণ,
ব্রজেন্দ্র, বিনোদ, নৃপেন্দ্র ধীর ! ৯

- বিখ্যাত গোলাপ শাস্ত্রী হিন্দু-ব্যবহারে,
 যোগেন্দ্র তুলেছে দেশের মাথা !
 রাসবিহারী বজ্রের গৌরব-মুকুট,
 সে গণেশ, কালী, নিমাই কোথা ! ১০
- সুবিখ্যাত চিকিৎসক বসু জগদ্বন্ধু,
 সে সূর্য্যকুমার ভিষকবর !
 সে রাজেন্দ্র দত্ত, দীপ্ত সুরেশপ্রসাদ,
 মল্লিক শরত সেনানীবর ! ১১
- বিখ্যাত 'মেজর' বসু, শ্রীকৈলাসচন্দ্র,
 কেদার দাসের গৌরব শত !
 চিকিৎসায় বিশারদ শ্রীনীলরতন,
 যুগেন্দ্র, বিধান কহিব কত ! ১২
- জগতের দৃষ্টি আজি বিজ্ঞানের দিকে,
 জগদীশ-যশ পৃথিবী ভরা !
 রসায়নে কীর্ত্তিমান আচার্য্য প্রফুল্ল,
 জাগায়ে তুলিছে এ দেশ মরা ! ১৩
- কাশীপ্রসাদের নাম ইংরাজি শিক্ষার
 প্রবর্তক-মধ্যে সমুচ্চ স্থান !
 পিয়ারীচরণ সুধী দেব সরকার—
 পাঠ্যগ্রন্থ যাঁর অমর দান ! ১৪

অর্চনা

মিত্র সে পিয়ারীচাঁদ ‘টেক্‌চাঁদ’ রূপে—

‘কথা-সাহিত্যে’র—করিল সৃষ্টি !

কিশোরী, গিরিশচন্দ্র, সারদা, উমেশ—

শিক্ষায় জাগায় দেশের দৃষ্টি ! ১৫

রাজা রাধাকান্ত দেব ‘শব্দ-কল্পদ্রুমে’

অঙ্কয় করিল যশের দীপ্তি !

বঙ্গ-হিন্দী-‘বিশ্বকোষে’—‘জাতি-ইতিহাসে’

গাঁথা র’বে চির নগেন্দ্র-কীর্তি । ১৬

প্রভুতত্ত্ববিৎ রাজা মনীষী রাজেন্দ্র—

অসংখ্য ভাষায় পণ্ডিত ছিল !

প্রসন্নকুমার আর দেব হরিনাথ

কায়স্থের ভালে তিলক দিল ! ১৭

সে-কালেও ভট্টাচার্য্য শুকদেব মিত্র

করিল উজ্জ্বল কায়স্থকুল !

মহা মহা-উপাধ্যায় উপাধিমণ্ডিত,

এ-কালেও যার নাহি ক তুল ! ১৮

ইতিহাসে অগ্রগণ্য রামদাস সেন,

গাঁথিল যে প্রভুতত্ত্ব-কথা !

নিখিল ও যদুনাথ, শ্রীরমাপ্রসাদ

পুরাতত্ত্ব নিয়ে ঘামায় মাথা ! ১৯

সিংহ কালীপ্রসন্নের নাম চিরোজ্জ্বল—

সে ‘মহাভারতে’ রহিবে গাঁথা !

ঘোষ কালীপ্রসন্ন ও রাজনারায়ণ

বিতরিল ভক্তি-জ্ঞানের কথা ! ২০

অক্ষয়কুমার দত্ত, আচার্য্য অক্ষয়,

বসু চন্দ্রনাথ সাহিত্য-রথী !

শ্রীমধুসূদন দত্ত চির জ্যোতির্ময়,

ভাষায় দানিল বীরত্ব জ্যোতিঃ ! ২১

সে মনোমোহন বসু, মিত্র দীনবন্ধু

নাটকে অর্জ্জুন অপার যশ !

গিরিশ গিরীশসম কবিকুলদলে,

অমৃত ছড়ায় অমৃত রস ! ২২

দর্শনে হীরেন্দ্রনাথ পণ্ডিত প্রধান,

যতীন্দ্রের জ্ঞান ছিল না দীন ।

প্রসন্ন প্রতীচ্য তর্কে, রাজেন্দ্রের ‘শ্যায়’—

‘ভাষা-পরিচ্ছেদ’ তুলনা হীন । ২৩

গিরিশ উদ্ভিদ জ্ঞানে, স্বাস্থ্য চুণীলাল,

প্রমথ বসুর ‘ভারত-কথা,’

সুধীন্দ্র, বিনয়, নব্য নাগ কালিদাস,—

এরাও তুলিছে দেশের মাথা ! ২৪

অর্চনা

- করে দান ‘অশ্রু-কণা’ গিরীন্দ্রমোহিনী,
সে অন্তঃপুরের নন্দন-বনে !
নগরে রচিল কাব্য রাণী যুগালিনী,
সে মানকুমারী পল্লী-কাননে ! ২৫
- রামগোপালের যশ অসীম অপার,
সে লালমোহন তুলনা নাই !
আনন্দমোহন ধীর, অশ্বিনীকুমার,
সে মনোমোহন কোথায় পাই ! ২৬
- মহাত্মা শিশির ঘোষ, ভাই মতিলাল—
দেশবাসি-চক্ষু খুলিয়া দিল !
যোগেন্দ্রের ‘বঙ্গবাসী’ ধনী ও কাঙ্গাল—
দেশের চিন্তায় টানিয়া নিল ! ২৭
- ভূপেন্দ্রনাথের নাম থাকিবে অক্ষয়,
স্বরেন্দ্র বাড়ায় দেশের মান ।
ঘোষ অরবিন্দ আজ মগ্ন তপস্তায়,
ভারত-কল্যাণে জীবন-দান ! ২৮
- ‘ইণ্ডিয়ান নেশনের’ সে নগেন্দ্রনাথ
পাণ্ডিত্যে করিল দেশের সেবা ।
দেবপ্রসাদের গুণ দেশ ও বিদেশে,
সে বাগ্মী বিপিনে জানে না কে বা ! ২৯

- বজ্রের বাহিরে খ্যাত কায়স্থপ্রধান,
সে প্রমদা রাজা, বসুজ শ্রীশ,
এখনো বিপিন পায় মহোচ্চ সম্মান,
মল্লিক বসন্ত বিচারাধীশ ! ৩০
- দানে কল্পতরু সম দেবনারায়ণ,
স্বাবলম্বী দাতা রামদুলাল,
‘লালাবাবু’—কৃষ্ণচন্দ্র ঘোষে বৃন্দাবন,
প্রাতঃস্মরণীয় করিল কাল ! ৩১
- বিঘোষিত যশ ঘোষ রাসবিহারীর,
বসু শ্রীগোপাল শিক্ষায় দান !
সর্ববস্তু করিল দান মহাত্মা তারক,
বন্ধিয়া আত্মীয়ে সে মহাপ্রাণ ! ৩২
- কাশীরাম দাস কহি ভারতের কথা,
ব্যাসের আসন পেলেন দেশে ।
সন্ধ্যাকর নন্দী সেই কলির বাল্মীকি
মণ্ডিত হ’লেন অপার যশে ! ৩৩
- রায় রামানন্দ জ্ঞানী, দাস রঘুনাথ,
নরোত্তম দাস তুলনা নাই !
স্বামী ব্রহ্মানন্দ সেই রামকৃষ্ণদাস,
এঁদের সমান কোথায় পাই ! ৩৪

অর্চনা

- চির-জ্যোতিষ্মান ওই আচার্য্য প্রধান,
সন্মুখে দাঁড়ায়ে বিবেকানন্দ !
জ্ঞান-ভক্তি-কর্ষ্য মূর্ত্ত বিরাট বিগ্রহ,
সমস্বয় আনি' মিটাল দ্বন্দ্ব ! ৩৫
- আরণ্য-আশ্রম হ'তে বেদান্তেরে আনি'
করিল প্রচার নগর-মাঝে !
'জীব-প্রেম—শিব-সেবা'—যাঁর মহাবানী
অন্তরে অন্তরে এখনো বাজে ! ৩৬
- বঙ্গালী কায়স্থ যশ বিস্তৃত দিগন্ত—
ছু'চার কথায় কি ক'ব আমি !
তোমার কৃপায় পায় মহিমা অনন্ত,
করি প্রণিপাত জগৎস্বামি । ৩৭

মনীষী বিহারীলাল

সুবহু নগরীর উত্তর বিভাগে,
দীর্ঘ অর্ধ শতাব্দীর জ্ঞান-গুরু তুমি
ছিলে হে বিহারীলাল—শিক্ষালয়ে
বৃহস্পতি সম তুমি জ্ঞানের ভাণ্ডার
বিলাইলে অকাতরে শিষ্যগণে তব ।
তোমার প্রসাদে হ'ল সুশিক্ষিত হেথা
পিতা, পুত্র, পৌত্র-জন এ তিন পুরুষ,
স্বর্দ্ধ শত বর্ষ তব বাণী-সাধনায় !
ইংরাজি ভাষার তুমি শ্রেষ্ঠ অধ্যাপক,
উচ্চ-শিক্ষা প্রতিষ্ঠানে সু-উচ্চ গৌরবে
অধিষ্ঠিত থাকি' তুমি যশ-বিমণ্ডিত
হ'য়ে, পেতে শ্রদ্ধা চির এ দেশবাসীর !
তুমি বিনা এ পল্লীর জ্ঞান-পিপাসায়
কে ঢালিত শান্তি-বারি, আদর্শ শিক্ষক !
এ পল্লীর প্রতি গৃহে তোমার আসন,
প্রতি ছাত্র পূজে তোমা মনের মন্দিরে,
চিরস্মরণীয় তুমি ছিলে ও থাকিবে,
জ্ঞান-গুরু—শিক্ষাদাতা অন্তরে বাহিরে !

অর্চনা

তোমার অভাবে কণ শিষ্কা-তরুণীর
কে ধরিবে আজি ওহে নাবিক-প্রধান !
কাঁরে দিয়ে ভার তুমি হ'লে অন্তর্ধান,
অকূলে ভাসায়ে চিরপ্রিয় শিষ্যগণে !
হে পুণ্যাত্মা, পূতচেতা আদর্শ শিক্ষক,
তব পুণ্য-প্রেম-কথা, ভক্তির সাধনা,
কঠোর তপস্শা তব ভারতী-চরণে,
এনে দেয় স্মৃতি-পটে তপোবনাশ্রমে
পুণ্য স্মৃতি করে ব্যাখ্যা উপনিষদের ।
লহ ভক্তি, লহ শ্রদ্ধা, এ দীন দাসের ।

বাগবাজার ও গ্রামবাজার পল্লীর বহু বিদ্যালয়ের প্রধান শিক্ষক, ইংরাজি
শিক্ষায় অসাধারণরূপে ব্যুৎপন্ন, নানাদর্শশাস্ত্রবিৎ, বৈষ্ণবকুলচূড়ামণি, আদর্শ
চরিত্র স্বর্গীয় বিহারীলাল হর মহাশয়ের পুণ্যস্মৃতির উদ্দেশে শ্রদ্ধাজলি ।

সজ্জ—ফাল্গুন, ১৩৩৩

সুস্বাগতম্

‘পদ্ম-পুরাণে’র ‘রেণুকা-মাহাত্ম্যে’
যে জাতির কথা ক’রেছে গান ।
‘গারুড়ে’ প্রখ্যাত চিত্রগুপ্ত-স্মৃত,
লহ পূজা-অর্ঘ্য, লহ গো মান ॥
‘স্কন্দ-পুরাণে’র ‘সহাদ্রিখণ্ডে’
যে জাতির কথা দেদীপ্যমান ।
এস গো কায়স্থ, ক্ষত্রিয়-মনীষী
আবার জাগাও ভারত-প্রাণ ॥
‘গাগা ভট্ট’ স্মৃধী প্রতিষ্ঠা প্রদানি’
এ-যুগে যাঁদের গাহিল বশ ।
কায়স্থ-ক্ষত্রিয় সমাজের বাহু,
লেখনী ও অস্ত্রে সমাজ বশ ॥
‘কলিতে বর্ণের আদি ও অন্ত’—
এ কথা সাজে না সমাজ-কাছে ।
কীর্ত্তি-বিমণ্ডিত রাজপুতনায়
বীর-বংশধর এখনো আছে ॥
সে দিন (ও) বঙ্গের কায়স্থ ‘ভূঁইয়া’
রেখেছে বঙ্গের অমিত শৌর্য্য ।

অর্চনা

প্রতাপ, কেদার, চাঁদ, সীতারাম
সে দিন (ও) দেখা'ল অমিত বীৰ্য্য ॥
বঙ্গে আদিশূর ব্রাহ্মণ-কায়স্থ
সমাজ গড়িয়া পাইল খ্যাতি ।
রাজা শ্যাম-বর্ষ্য বাস দান করি'
ব্রাহ্মণ-ক্ষত্রিয়ে করিল স্থিতি ॥
নীতি, সদাচার, দান, ধর্ম-নিষ্ঠা
কায়স্থ-কুলের গৌরব গায় ।
তেজ, শৌর্য্য, বীৰ্য্য এখন (ও) অক্ষুণ্ণ
কালের সাহায্যে প্রচ্ছন্ন হয় ॥
যুগ-যুগান্তের ভারতেতিহাসে
যে কোন অধ্যায় দেখিবে তুমি ।
কায়স্থের কীর্ত্তি স্তবর্ণ-অক্ষরে
পৃষ্ঠায় পৃষ্ঠায় র'য়েছে চুমি' ॥
আজি এ ভারত যুগ-সমস্তায়
আন্দোলিত-চিত, সংশয়-পর ।
মিলিত রাজ্য- ক্ষত্র-বংশধর
বর্ণাশ্রম ধর্ম প্রতিষ্ঠা কর ॥

কায়স্থ-সভার দ্বাবিংশবার্ষিক অধিবেশনে পঠিত
কায়স্থ-পত্রিকা ঐ কার্য্য-বিবরণে প্রকাশিত—ভাদ্র, ১৩৩১

বিদায় ও আহ্বান

১

কল্পনায় রূপের তরঙ্গ তুলি' আসে হেসে নূতন বরষ ।
নরনারী নিত্যনব আকাঙ্ক্ষায় পেতে চায় নবীন পরশ ॥
ভাবে মনে—জীর্ণ পুরাতন আর দিবে কি বা অমূল্য রতন ।
সব তার করিয়াছি আশ্বাদন, শুধু উহা মরুর মতন ॥
আন্দোলিয়া কিশোরীর কমকায়, এ নবীনা সোহাগ জানায় ।
আশাভরা-ষৌবনের রূপ-ডালি অপরূপ অলঙ্কে নাচায় ॥
প্রবীণার গলিত সুবমারাশি নাহি পারে আকর্ষিতে মন ।
তবে কেন স্মৃতির বেদনা তার, সহে নর আর অকারণ ॥
তাই ডাকে—নবীন অতিথি এস, ঢাল শাস্তি, তপ্ত স্মৃতি 'পরে ।
দাও তৃপ্তি, প্রেমের প্রলেপ তব, ক্ষত নাশি' কিসলয় করে ॥

অর্চনা

২

হে মানব, তুমি কি দেখ নি' কভু নবাগত হয় পুরাতন ।
আজ যাহা রূপের প্রভায় করে চমকিয়া নয়ন রঞ্জন ॥
কাল-গর্ভে একে একে হবে সেই বার্ককোর পতিত দশায় ।
হেয়, ঘৃণ্য, সবাকার উপেক্ষিত, অদৃষ্টির ক্রুর তাড়নায় ॥
তবে কেন নূতনের মোহাবর্তে বার বার হও নিপতিত !
দেখ ভেবে পরিণামে সবে এক নাম-রূপ-উপাধি বর্জিত ॥
জগতের আদি নাই, অন্ত নাই—স্রষ্টা, সৃষ্টি অনাদি অনন্ত ।
আজ যাহা জড় নামে পরিচিত, কাল সেই হবে প্রাণবন্ত ॥
তাই বলি—প্রাচীনে বিদায় দিয়া, মস্ত কেন নবীন-আহ্বানে ।
বিশ্লেষণে ফুটিয়া উঠিবে তত্ত্ব, ভেদ নাই নবীনে পুরাণে ।

৩

আজ যেবা স্নকুমার-কান্তি ল'য়ে শিশুরূপে করে পদার্পণ ।
কাল তারে জরাগ্রস্ত স্থবিরের ক্লিষ্ট সাজে করিবে দর্শন ॥
আজ যারে বরণ করিছ নর স্নমঙ্গল শঙ্খ বাজাইয়া ।
বিদায় করিতে হ'বে কাল তারে অশ্রু জলে বক্ষ ভাসাইয়া ॥
নূতনের আশু স্নখে স্নখী নর, পদে পদে পাইছ বেদনা ।
তবু তুমি আকাঙ্ক্ষার মোহ-পাশে বদ্ধ পুনঃ, এ কি বিড়ম্বনা ।
হে নবীন, পুরাতন নবরূপে, মুগ্ধ কেন কর ছলনায় ।
সনাতন, অথগু তুমি যে কাল, কে খণ্ডিত করিবে তোমায় ॥
বলবান এ জগতে তুমি কাল, কুক্ষিগত সকলি তোমার ।
নিত্য-নব, চির-পুরাতন তুমি, ও-রহস্য গোচর কাহার ॥

দৃঢ় ব্রতে পুরাতন ভিত্তি'পরে নবীনের কর উদ্বোধন ।
ভারতের অতীত অধ্যাত্ম-পীঠে বিজ্ঞানের মন্দির গঠন ॥
আপনার প্রাচীন গৌরব ভুলি' কোন' জাতি নহে প্রতিষ্ঠিত ।
আভিজাত্য নিজবংশ মহিমার কোন্ নর না করে কীর্তিত ॥
ইতিহাস কাল-বক্ষে গাঁথিয়াছে পুরাতন কীর্তিকথারাশি ।
হে নবীন, অনিন্দ্য তোমার মুখে ফোটে যেন গৌরবের হাসি
তাই বলি নবাগত, হে অতিথি, পুরাতনে কর অধিষ্ঠান ।
পুণ্য-স্মৃতি তার রাখি' হৃদি-মাঝে নব বলে হও বলীয়ান ॥
নাহি কাজ বিসর্জন-আবাহনে, যা' হবার হ'ক সে শাস্ত ।
কাল-চক্রে সকল(ই) হইবে লীন, বর্তমান, ভূত, ভবিষ্যৎ ॥

মহাপূজা

এই কি সে শরতের শারদীয়া মহাপূজা
পুরাণ-বর্ণিত সেই, বন্দিত-সুরথ-রাজা !
অষ্টোত্তর শতদিনে যে যজ্ঞ হইত শেষ ;
কালের প্রভাবে আজি ত্রিদিনে পর্যাবশেষ ।
শক্তি-পূজা, শক্তি-লাভে সকলের অধিকার—
আচণ্ডাল ব্রাহ্মণের—ইথে না সংশয় আর ।
জগতের মহাশক্তি মূর্ত্ত হয়ে প্রতিমায়,
আসে কি গো বর্ষে বর্ষে এ শ্মশান বাঙ্গালায় !
তা' যদি হইত তবে কেন মোরা শক্তিহীন,
কেন মোরা রহিয়াছি দীন হীন চিরদিন !
কানন-কুস্তলা মাতা নদনদী-পরিপূর্ণা
আজ কেন মরুভূমি, আজ কেন জরাজীর্ণা !
শস্ত্রক্ষেত্র জলাভাবে শুষ্ক দীর্ঘ অতিদীন,
প্লাবনে নগর-গ্রাম নর-পশু-তরুহীন !
কোথা মধুভরা ফুল, কোথা সে' রসাল ফল,
রূপ-রস-গন্ধহীন সে কমল-শতদল !

মহাপূজা

বীর-প্রসূ বাঙ্গালার কোথা বীর পুত্রগণ,
এবে হীনবীর্য্য সবে, নাহি কা'রো দৃঢ়পণ !
বলহীন নাহি লভে আত্মতত্ত্ব স্মমহান ।
চাই সেই মনোবল উন্নত করিতে প্রাণ !
শক্তির সম্মান কোথা ? শক্তির অবমাননা,
অস্বর-লাঞ্ছিতা আজি শক্তিরূপা সে ললনা !
চারিদিকে জ্বালাতন, দেশব্যাপী হাহাকার,
স্থাপিতে মঙ্গল-ঘট পারিবে কি মাঝে তার !
মহাশক্তি আবাহনে যে তপস্যা প্রয়োজন,
সঞ্চয় ক'রেছ কি হে, সে মহাদুর্লভ ধন !
পূতমনে, পূতচিত্তে তাঁহারে স্মরণ করি'
স্থানুমত ব'স পণে—'লভিব নতুবা মরি' !
জল-মাত্র নারায়ণ—এ কথা অসত্য নয়,
কিন্তু, তবু, সব জলে দেব-পূজা নাহি হয় !
দেশের অবস্থা বুঝি হও তুমি অগ্রসর,
সব পথ—পথ বটে, বুঝিয়া গ্রহণ কর ।
দেশেতে মানুষ চাই—মনুষ্ট্ব-মূর্তিমান,
ত্যাগ ও তপস্যা ভিত্তি, হও তাহে বলীয়ান ।
নানা স্থানে নানা বীর দেখায় নানান পথ
অচল অটল হ'য়ে থেকো তুমি দৃঢ়ত ।

অর্চনা

উচ্চ ব্রতে ব্রতী তুমি, ভয় কি তোমার সাজে,
চরিত্র গঠন করি' লেগে যাও মহা কাজে !
অভী হয়ে জাগ বীর, নিজ প্রাপ্য বুঝে লও,
কার সাধ্য রোধে তোমা' তুমি যদি স্থির রও !
শ্রী-পীঠ দক্ষিণেশ্বরে তোমার আদর্শ স্থিত,
শক্তি-পূজা-উদ্‌ঘাপন—রামকৃষ্ণ-রূপ-ধৃত !
শক্তিপূজা-অধিকারী হ'বে তুমি সেই দিন,
প্রত্যেক শ্রী-মূর্তি যবে মহামায়ে হ'বে লীন !
দাও দেবি, জয়দুর্গে, করিতে তোমার পূজা,
সেই শক্তি, সেই ভক্তি, মহাদেবী দশভুজা !
মুম্বয়ী প্রতিমা তব স্থাপে লোক ঘরে ঘরে,
চিন্ময়ি প্রতিষ্ঠ হও, জগদন্বে, বিশ্বস্তরে !

সঙ্ঘ—আশ্বিন, ১৩৩৪

কায়স্থ-পত্রিকা, কার্তিক ১৩৩৪

মহাত্মা অশ্বিনীকুমার দত্ত

১

দেশমাতৃকার বীর বরেন্য সন্তান
বরিশাল-দীপ্তসূর্য্য অশ্বিনীকুমার,
উচ্চকণ্ঠে দেশবাসী গায় যশোগান,
স্মরি' তব কীর্ত্তি-কথা স্বদেশ-সেবার !
স্বল্পভাষী, বহুকর্ষ্মী, অপূর্ব সাধনা,
মাতৃমন্ত্রে দীক্ষা তব নব জাগরণে
কত না আনিল দেশে আদর্শ প্রেরণা !
জাগে যদি সেই মন্ত্রে জন-সাধারণে
অচিরে দেশের ঘুচে দীন-হীন-ভাব !
উচ্চ শিরে দাঁড়াইয়া স্বজাতি তোমার
জগতে দেখা'তে পারে আপন প্রভাব,
পূর্ব্বাদর্শ চিন্তাশীল বীর বাঙ্গালার ।
বরিশালবাসী সনে মাতি' সারা বঙ্গ ।
হাসি মুখে গায় আজি তোমার প্রসঙ্গ ॥

ল'বে কি স্বজাতি মোর সন্ধান তাহার,
 কিসে এই মহাবীর স্বদেশরঞ্জন
 স্থাপিল আপন কীর্তি বঙ্গ-অলঙ্কার,
 পরাজিত যার কাছে নিয়ম-শাসন !
 আদর্শ চরিত্র তাঁর স্বধর্ম-রঞ্জিত,
 জ্ঞান-ভক্তি-কর্ম-পথে করিয়া সাধনা,
 প্রকৃত মহত্ব'পরে হ'য়ে প্রতিষ্ঠিত,
 নানা কার্যে প্রকটিত দেশ-হিতৈষণা !
 'প্রেম-কর্ম-ভক্তি-যোগে' পরিচয় তাঁর
 আচর ঘোষিবে দেশে,—ঈশ্বর-কৃপায়
 বাজাইতে হয় নাই স্বদেশ-সেবার
 নিজ কণ্ঠে নিজ যন্ত্র নবীন প্রথায় !
 দেশ-ভক্ত, বিভূ-ভক্ত, শ্রেষ্ঠ কর্মবীর,
 লহ লহ শ্রদ্ধা-অর্ঘ্য আজ স্বজাতির !

কায়স্থ কুল-ভাস্কর লর্ডসিংহ

পরাদীন ভারতের দুর্দিন-আঁধারে
অভ্রভেদী শির তুলি' কে তুমি দাঁড়া'লে,
দৈন্য-আবর্জনাপূর্ণ মরুভূ-মাঝারে,
জন্মভূমি-হৃতমান কে তুমি বাড়া'লে !
এখনো যে বঙ্গমাতা রত্ন-প্রসবিনী
পরিচয় দিলে তার জগত-সকাশে !
আরোহিলে উচ্চাসনে হয়ে শিরোমণি,
প্রতীচ্য ও প্রাচ্যে তাই মহিমা প্রকাশে ।
'কায়স্থ' রাজার জাতি প্রকট করিয়া
পুনরায় ভালে টীকা করিলে গ্রহণ !
সম্মে বিদেশী তোমা ল'য়েছে বরিয়া,
যোগ্য ব্যক্তি যোগ্যাসনে—এ নহে নূতন ।
হে সত্যেন্দ্রপ্রসন্ন ধীর, মনীষি-প্রধান,
তিরোধানে বসুন্ধরা গায় ষশোগান !

বিশ্ব-বাণী

ঐ ভারত-সিন্ধুর এ-পার থেকেই উঠেছিল বিশ্ব-বাণী ।
শুনে সেই মহাবাণীর পুণ্য-ধ্বনি চমকিল জগৎপ্রাণী ॥

জ্ঞান-সমুদ্র মগ্নন ক'রে,

গাহিল দ্রষ্টা সমস্বরে,

‘তত্ত্বমসি শ্বেতকেতো’—আত্মতত্ত্বের মহাখনি !

হৈমারণ্যের কন্দর-কোণে,

নৈমিষের সে পুণ্য-বনে,

সত্যযুগের প্রথম হ’তে উঠ’ছে আজো প্রতিধ্বনি !

সরস্বতী আর দৃষদ্বতী—

এরাই ছিল সরিৎ-সতী,

তাদের মাঝেই আর্য্যাবর্ত, উঠ’ত যথা বেদ-ধ্বনি !

মহাঋষির মুখামৃত,

যোগবাশিষ্ঠের জ্ঞানামৃত,

রাম-বশিষ্ঠের প্রেমের দান—আজো যাহা স্মৃধার খনি !

বিশ্ব-বাণী

কুরুক্ষেত্রের রণের মাঝে,
পার্থ-সারথির মহাসাজে,
যোগেশ্বর্যের মহাসজীত বিলায় যোগি-শিরোমণি !
এসে জগজ্জ্যাতিঃ তথাগত
দেখায় নূতন কৰ্মপথ,
নির্ব্বাণের সে মহানন্দ—সেই তত্ত্ববাণী পুরাতনী !
মদ্র-দেশের জগদগুরু,
মুক্তিতত্ত্বের জ্ঞান-মেরু,
অদ্বৈতের সিংহ-নিনাদ, বেদ-বেদান্তের তুর্য্য-ধ্বনি !
পুনঃ শ্রীচৈতন্য প্রেমোন্মত্ত,
নাম-যজ্ঞের নবীন তত্ত্ব,
প্রেম-বন্যায় ভাসিয়ে দিলে আচণ্ডাল জগৎপ্রাণী !
সমস্বয়ের মহাবতার
ক'রুল আলো আবিষ্কার,
'যত মত তত পথ'—কিন্তু এক সূত্রে গাঁথা মণি !
বিবেক-বাণী, অভেদ-বাণী
তুলছে ধীরে মুর্থ-জ্ঞানী,
মুক্তি-দ্বারের মুক্ত-পথে তরবে এবার বিশ্বপ্রাণী !

সঙ্ঘ

১

কিসের এ সঙ্ঘ হেথা, কিসের উল্লাস,
নানা লোক হয় সম্মেলন ?
এ কি শুধু সুবিম্বলিত বাক্যের বিম্বাস,
রাজনীতি—বুথা আশ্ফালন ?
নানা বর্ণ, নানা জাতি,
কোলাহল দিবারাতি,
এটা কি সে' জাতি-সম্মেলন—
অন্তরে বিদ্বেষ-বহি, বাহিরে মিলন ?

২

সমাজের দুরবস্থা হেরিয়া নয়নে,
মহাজন আসিয়া হেথায়,
প্রাচীন বর্বর প্রথা দলিয়া চরণে,
হরে কি গো সমাজ-ব্যথায় ?
বরপণ—নবপ্রথা,
তুলনা ইহার কোথা !
করিতে কি উচ্ছেদ সাধন—
মিলিত কি হেথা আজি ধুরন্ধরগণ ?

৩

স্বাস্থ্যের পতনে দেশ মৃতপ্রায় আজ,
 চারিদিকে ব্যাধি মূর্তিমান ;
 তার তরে করে কি গো এরা কাল ব্যাজ,
 নিষ্কৃতির পাইতে সন্ধান ?
 বসন্ত ও বিসূচিকা,
 ম্যালেরিয়া প্রাহেলিকা,
 করিল কি এরা উদঘাটন ?
 তা' হ'লে এদের বটে স্বার্থক জীবন !

৪

জলকষ্ট, অন্নকষ্ট, কত কব আর !
 চারিদিকে নগ্ন দেশবাসী,
 সম্মিলিত উদ্ভাবিতে উপায় তাহার
 হ'য়েছে কি ইহারা প্রয়াসী ?
 গ্রামে গ্রামে সেবাগার,
 সংস্কার দীর্ঘিকার,
 কিস্তি নল-কুপের খনন,
 এ সজ্জ কি তার তরে করে প্রাণপণ ?

অর্চনা

৫

কত শাস্ত্র, কত নীতি, কত তত্ত্বকথা,
এ দেশের ছিল মজ্জাগত !
নবশিক্ষা তার দিল নাম বাতুলতা,
এবে সেই শিক্ষা-পদানত !
ঠেকিয়া শিখিয়া আজি
হ'ল কি ইহারা রাজি,
ফিরে যেতে নিজ ঘরপানে—
স্বার্থ-সনে পরমার্থ মিলিত যেখানে ?

৬

কিন্মা এরা ধর্ম-নামে করি ব্যবসায়,
অন্ধ হ'য়ে দিতে চায় জ্ঞান,
অন্ধ গুরু, অন্ধ শিষ্য, আঁধার বাড়ায়,
ব্রাহ্মণ্যের করে অপমান !
বুঝিয়া শাস্ত্রের মর্ম,
আচরিয়া সেই ধর্ম,
কয় জন হয় আগুয়ান ?
এ সজ্জ কি করে সেই পথের সন্ধান ?

৭

দেশাচার, লোকাচার শাস্ত্র-নামে চলে,
 নিরঙ্করে পণ্ডিতের মান !
 কোথা সে তপস্ভাজাত অধিকার-বলে
 শাস্ত্র-তত্ত্ব প্রকৃত সন্ধান !
 এ সঙ্ঘ-সেবকগণ
 করিবে কি প্রাণপণ
 মিলাইতে প্রাচীনে নবীনে ?
 নহে তাহা অসম্ভব আজিকার দিনে !

৮

চাই ত্যাগ, সে' বৈরাগ্য, নিয়ম, শাসন,
 সে' তপস্ভা, সংযম, বাঁধন !
 বিবেক-উজ্জ্বলা মেধা করিয়া অর্জন
 যথা তথা কর বিচরণ !
 সঙ্ঘ ও সাহিত্য-সেবা
 ছড়া'বে উজ্জ্বল বিভা,
 দেশে দশে ঘোষিবে সম্মান !
 শ্রদ্ধাপূর্ণ হৃদে ল'বে এ সঙ্ঘের দান !

১১৩

অর্চনা

৯

সাহিত্যের স্বাস্থ্য চাই, চাই শালীনতা,
ধ্যানপূত লেখনি-চালন ;
লক্ষ্য স্থির, সসংযম, সহ ওজস্বিতা,
ধীরে ধীরে বক্তব্য বর্ণন ।
ভাষা হ'বে স্মার্ত্তজিত,
উচ্চ-ভাব সূচিস্থিত,
দিতে হবে নূতন সম্পদ !
সাহিত্য-সাধনা নহে বিহীন বিপদ !

১০

ভাষা যদি নাহি ধরে উচ্চ ভাবরাশি,
প্রাণহীন শবদেহ-প্রায় !
শব্দের ঝঞ্ঝনা মাত্র শূন্যে যায় ভাসি,
অন্তরে না লেখা রাখে হয় !
গ্রন্থকর্ত্তা কবি-কাছে
সম্মুখে দাঁড়া'য়ে আছে
পাঠক-পাঠিকা, দেশবাসী !
দাও কিছু মূল্যবান তত্ত্ব অবিনাশী !

শান্তিতে সে লভুক বিশ্রাম

(আচার্য্য শ্রীমৎ বিবেকানন্দের ইংরাজি হইতে)

চল আত্মা, শীঘ্রগতি, তারকা-খচিত তব পথে ।
ধাও হে আনন্দময়, যথা নাহি বাঁধে মনোরথে ॥
কাল ও ভোগেচ্ছা দৃষ্টি-পথ নাহি করে আবরণ ।
শান্তি ও আনন্দ যথা করে তোমা' আচির বরণ
সার্থক তোমার সেবা, সফল হে তব আত্মদান ।
অপার্থিব প্রেমপূর্ণ হৃদাসনে হ'ক তব স্থান ॥
মধুময় তব স্মৃতি দেশ-কালে দিয়াছে বিদায় ।
কুসুম-আস্তৃত পথ পাছে তুমি রেখে গেলে হায়
বিমুক্ত বন্ধন তব, পাইয়াছ আনন্দ-সন্ধান ।
জীবন-মরণরূপে যাতায়াত করে যে মহান্ ॥
হে স্নহদ মহদাত্মা, আত্মত্যাগী চির এ ধরায় ।
অগ্রগতি—প্রেমে সিন্ত করি' ধরা পূর্ণ যজ্ঞায়

নিজ শিষ্য জে, জে, গুডউইনের স্মৃতি-উদ্দেশে ১৮৯৮ খৃঃ রচিত
সজ্ব—ফাল্গুন ১৩৩৫ ; বিশ্ববাণী—কার্তিক, ১৩৩৬

ব্যোমকেশ মুস্তফী

ও

বঙ্গীয় সাহিত্য পরিষদ

নহে বিদ্যাবাচস্পতি, মনীষি-প্রধান,
অভিজাত সম্প্রদায়ে নহে সে ভূষণ,
সমাজের গণ্য মান্য শ্রেষ্ঠ সুসন্তান
ছিল না সে, কিম্বা কোন অপূর্ব রতন !
শ্রদ্ধা-অনুরাগপূর্ণ হৃদয় লইয়া,
মাতৃভাষা সাহিত্যের প্রতিষ্ঠা-চিন্তায়
কাটাইত দিন সে যে উন্মত্ত হইয়া,
একনিষ্ঠ সে সাধনা হেরি নি কোথায় !
প্রেমাবদ্ধ হয়ে তার ধনী ও বিদ্বানে
একত্র মিলিত হেথা বাণীর পূজায় !
মহতে পাইত ভয় যাহা অনুষ্ঠানে
সম্ভাবিত হ'ল তাহা দীনের চেষ্টায় !
পরিষদ ব্যোমকেশ কভু ভিন্ন নয়—
হৃদয়ের রক্ত ঢালি' ক'রেছে অক্ষয় !

অমরার পথ

দীর্ঘ সুদীর্ঘ পথ সে চলিতে যে হবে
অমরায় ও ঈশ্বরে পছঁছিতে !
পশ্চিমাঝে দাঁড়াইয়া কথা নাহি ক'বে,
ক্ষিপ্ৰগতি ধাও সে ঈপ্সিতে !

প্রতি প্রাতে নানা বাধা র'য়েছে সঞ্চিত,
সাথী-সম র'বে সর্ববক্ষণ !
(অত্যাচারী) দুঃখপাশে জানুপাতি' হ'ও না পতিত,
তোল দৃষ্টি—সহাস্ত বদন !

মধ্যপথে অবসাদে ছেও না হৃদয়,
ফিরিও না যুদ্ধযাত্রা হ'তে !
ঈশ্বর করুণ—মোরা পাইব নিশ্চয়—
স্বর্গ-শৈল আগামী নিশিতে !

১৯২৮, অগাস্টের 'বেদান্ত-কেশরী' হইতে অনূদিত—২১-৫-৩৫ ; ইং ৭।৯।২৮
সজ্জ—পোর্ষ, ১৩৩৫ ; বিশ্ববাণী—অগ্রহায়ণ, ১৩৩৬

অমৃত-চক্র

র'চেছিল মধুচক্র শ্রীমধুসূদন,
গোড়জন নিত্য যথা করে সুধাপান !
তোমার অমৃত-চাকে ক্ষরে অনুক্ষণ
নিত্য নব সুধা-বিন্দু অমিয়া সমান !
বঙ্গবাণী-নবকায়া-গঠন-উজ্জমে,
প্রাণপণে হ'ল ত্রতী বাণীপুত্র যত
প্রদানিতে নব শক্তি অসীন সম্রমে,
তোমার রচনা দিল তাহে সেবা শত !
তোমার চরিত্র-সৃষ্টি, তব চিত্রাঙ্কন,
তোমার ভাষার রম্যা লীলায়িত গতি,
কতই না প্রদানিছে মাধুরী-চিকন,
স্বকৌশলে সঞ্চারিয়া নব ভাষা-জ্যোতিঃ !
নাট্যানভ-সুধাকর, হে অমৃতলাল,
তব দত্ত মহামৃত র'বে চিরকাল !

রচিত—৬ই বৈশাখ, ১৩৩৫ ; সজ্জ—ভাদ্র, ১৩৩৫

‘অমৃত-চক্র’-অনুষ্ঠিত নাট্যাচার্য্য রসরাজ শ্রীযুক্ত অমৃতলাল বসু
নাট্যকলাসুধাকর মহাশয়ের প্রথম জন্মোৎসব সভায় পঠিত ।

শ্রীমধুসূদন

সমুদ্র মস্থন করি' উথিত অমৃত
দেবগণ ক'রে পান উল্লাসে মাতয় ;
শেষে আসি' ভোলানাথ হ'য়ে চমৎকৃত,
পুনঃ মথি' বিষপানে হ'ল মৃত্যুঞ্জয় !
বঙ্গবাণী-সিন্ধু মথি' পূর্ব-কবিগণ
প্রেম-ভক্তি রস পানে হইল অমর !
মৃত্যুরে করিল জয় শ্রীমধুসূদন
রুদ্র-রস-পূর্ণ-সুধা পিয়ে পিকবর !
অতিরিক্ত সুধাপানে রসপিপাসুরা
নিজ্জীব হইতেছিল, ক্রমে ক্ষীণ হিয়া ;
তুমি সঞ্চারিলে নব অমৃত-মদিরা,
সঞ্জীবিত গোড়জন জাড্য বিদুরিয়া !
তাই তব মধুচক্রে সুধা নব নব
পিয়ে তব দেশবাসী করিছে উৎসব !

খেলা মোর সার হ'ল

(স্বামী বিবেকানন্দের 'My play is done' হইতে)

চির উঠে, চির প'ড়ে কালের তরঙ্গসনে

এখন(ও) গড়া'য়ে চ'লেছি আমি ।

চলচ্চিত্র, ক্ষণস্থায়ী অস্থির জীবন-শ্রোতে

জোয়ারে উঠিয়া ভাঁটায় নামি ॥ ১

শেষ-হীন এ রহস্য আর নাহি লাগে ভাল,

এই সব দৃশ্য টানে না আর ।

ছুটিয়া চ'লেছে চির, পৌঁছে না গন্তব্যে কভু,

না পায় একটু আভাস(ও) তার ॥ ২

জন্মজন্মান্তর হ'তে দ্বারে অপেক্ষায় আমি,

নাহি খোলে হায় প্রবেশ-পথ ।

নিভে এল আঁধি-জ্যোতিঃ, দীর্ঘ আকাঙ্ক্ষিত সূত্র

ধরিতে নিষ্ফল আয়াস শত ॥ ৩

খেলা মোর সাজ হ'ল

ক্ষুদ্র জীবনের স্ফীত ক্ষীণ-সেতুস্থিত হ'য়ে,
নীচেতে তাকা'য়ে কি দেখি আর ।
হাসে, কাঁদে, যুঝে কেন সম্মিলিত নরনারী,
নাহি পায় কেহ সন্ধান তার ॥ ৪

সম্মুখে তোরণ-দ্বার অঙ্ককার বিভীষিকা
তুলি' বলে—পথ পাবে না আর ।
এইখানে স্থির হও, ভাগ্যে না প্রলুব্ধ করি'
কর সহ তুমি যতটা পার ॥ ৫

হও সাথী উহাদের, এ পেয়ালা পান করি'
হও গে প্রমত্ত ওদের মত ।
কে জানিতে চায় উহা দুঃখে বরণ করি'
স্থির হও—লও ওদের পথ ॥ ৬

দুর্ভাগ্য আমার হায় ! বিলম্বিতে নারি আমি,
ভাসমান এই বুদ্ধবুদ্ধ ধরা ।
অন্তঃসারশূন্য ইহা মর্ত্য নামে নামাক্তিত,
মিথ্যা সে মরণ-জীবনভরা ॥ ৭

মোর পক্ষে কিছু নয়, নাম-রূপ-আবরণ
অতিক্রমি আমি যাইতে চাই ।
খুলে যা'ক্ দ্বার শীঘ্র, নিশ্চয় হইব মুক্ত,
উহা ভিন্ন মোর উপায় নাই ॥ ৮

অর্চনা

দেখাও আলোক-পথ শ্রাস্ত তব পুত্রে মাতঃ,

পারি না থাকিতে হেথায় আর !

স্বধাম-প্রয়াসী-চিত্ত গৃহপানে ছুটেছে, মা,

সাজ হ'ল খেলা এখানকার ॥ ৯

পাঠাইয়া দিলে তুমি আঁধারে খেলিতে, মা গো,

ধরিয়ে সম্মুখে ভীষণ ছবি ।

সব আশা মুছে গেল, সভয়ে কাঁপিছে প্রাণ,

খেলা নহে—গুরু কর্তব্য সব(ই) ॥ ১০

ইতঃস্তত সুবিক্ষিপ্ত দুঃখ-লালসায়-ভরা

সাগর তরঙ্গে না পাই পার ।

আছে দুঃখ—হবে সুখ, এই নিয়ে বাঁধি বুক,

নাহি দেখি কোন উপায় আর ॥ ১১

জীবনে মরণে আর হয় ছাড়াছাড়ি যথা,

নয় ইহা সেই—কেই বা জানে ।

দুঃখ-সুখ-ভরা-চক্র, চির পুরাতন সেই,

বারেক ঘুরিবে আপন মনে ॥ ১২

শিশুদল হেরে যথা উজল সোনার স্বপ্ন ;

ধূলিসাৎ যাহা অচিরে হয় ।

দীর্ঘ পরিত্যক্ত আশা- আশে যথায় প্রয়াস,

জীর্ণ এ জীবন অসারময় ॥ ১৩

খেলা মোর সাজ হ'ল

বহুশেষে জ্ঞান-আঁখি জানায় রহস্য-কথা

তখন(ও) বন্ধন হয় নি চ্যুত ।

যখন আসিয়া পুনঃ নবীন যৌবন-শক্তি

সে চক্রে ঘুরায় আবার দ্রুত ॥ ১৪

দিনে দিনে বর্ষে বর্ষে ঘুরে যাহা অবিরত,

মায়ার পুতুল বহিত নয় ।

মিথ্যা-আশা-সঞ্চালিকা বাসনা-নাভির 'পরে,

সুখ দুঃখ যার যোজক হয় ॥ ১৫

ভাসিয়া চ'লেছি আমি অনির্দিষ্ট দিকপানে,

বাঁচাও আমায় এ-জ্বালা হ'তে ।

ত্রাহি, ত্রাহি, ত্রাহি মোরে দয়াময়ী মা আমার,

আর নাহি ভাসি বাসনা-স্রোতে ॥ ১৬

বিভীষণা মূর্তি তোর দেখাস্নে এ সন্তানে,

পারি না সহিতে—না কর রোষ ।

সদয় হও মা, দেবি, কৃপা করি' পুত্রে তব,

ক্ষমা করি' তার অশেষ দোষ ॥ ১৭

যে পারে লইয়ে যাও এ তব তনয়ে মাতঃ,

জীবন-সংগ্রাম যথায় শেষ ।

ল'য়ে চল দুঃখ-পারে, অশ্রু যথা নাহি ঝরে,

মর্ত্য-সুখ যথা নাহি মা লেশ ॥ ১৮

অর্চনা

অপার মহিমা যাঁর— সুধাংশু তপন কিম্বা

ক্ষণিক উজ্জ্বল তারকামালা ।

প্রকাশিতে নাহি পারে সে তীব্র বিদ্যুৎ-ভাতি,

ধরে যা'রা তাঁর আভাস-জ্বালা ॥ ১৯

মায়া-স্বপ্ন যেন আর শ্রীমুখ-চন্দ্রমা তব

নাহি রাখে ঢেকে আমার কাছে ।

খেলা মোর হ'ল শেষ, কাট মা বন্ধন-রাশি,

মুক্ত কর দেবি—এ দাস যাচে ॥ ২০

রচিত—২৪।৩৫—ইং ১০।১০।২৮ ; সত্ত্ব—অগ্রহায়ণ, ১৩৩৫

উদ্বোধন—চৈত্র, ১৩৩৫ (৩১ বর্ষ, ৩য় সংখ্যা)

মহাত্মা শিশিরকুমার

দেশমাতৃকার সে যে বরণ্য সন্তান,
জনমিয়া বাঙ্গালার ক্ষুদ্র পল্লীকোণে,
তুলিল জাতির নাম, জাতির সম্মান,
জাতির হৃদয়-ব্যথা জগতের কাণে !
শত শত শতাব্দীর মূর্ত্ত সে বেদনা,
পুঞ্জীকৃত ছিল যাহা জাতির অন্তরে,
হৃদয়ের রক্ত দিয়া দিল সে আল্পনা
‘পত্রিকা’র পুণ্য-পীঠে অক্ষয় অক্ষরে ।
অন্তরের মাঝে বহে ভক্তি-ফল্গুনদী,
বাহিরে অদম্য বীর করি’ প্রাণ পণ,
স্বজাতির শ্রেয়, হিত সাধি’ নিরবধি
দাসত্ব-মুক্তির আশে ক’রে গেছে রণ !
শূর-ভক্ত, হে তপস্বি, প্রেমিক-প্রধান,
লহ লহ স্বজাতির প্রেম-অর্ঘ্য-দান ।

অমৃত অমৃত-লোকে

১

এই ছিল, এই নাই, এ কি হ'ল কোথা যাই,
অমৃত হইল মৃত, এ কেমন দায়।
সত্য কভু মিথ্যা হয়, অজ্ঞাত এ বিপর্যয়,
মৃত্যুজয়ী বীর কেন শ্মশানে লুটায়।

২

জরা যারে নাহি পারে অবসন্ন করিবারে,
বার্দ্ধক্যেও নবযুবা ছিল যে ধরায়,
বৃদ্ধ-শিশু মহারথী, বাণী-ধ্যান-মগ্ন যতি,
আজন্ম কাটায় কাল ভারতী-সেবায়।

৩

তা'রে লয়ে গেল কাল, বাঙ্গালীর দগ্ধ ভাল,
সকল(ই) সম্ভব এই অভিশপ্ত দেশে।
শোক-তপ্ত যার চিতে পারে নাই নোয়াইতে,
কালে যে করিত হেলা, মুখে হাসি হেসে।

৪

কোথাকার সেই হাসি শেফালিকা-পরকাশি,
কেহ কি বলিতে পার সন্ধান তাহার !
প্রেম-মন্দাকিনী-ধারা পবিত্রিয়া পৃথ্বী সারা
রসরাজ-মুখে-বুকে হ'ল কি সঞ্চার !

৫

শ্বেতাজ্জবাসিনী বাণী তনয়ে অভয় দানি'
বরপুত্র-হৃদাসনে হ'ল অধিষ্ঠান !
অস্তুর বাহিরে আলো তাই তাঁর জ্বলে ভালো,
শুভ্র জ্যোতিঃ ভারতীর পাইয়া সন্ধান !

৬

শুভ্র কেশ, শুভ্র বেশ, মলিনতা নাহি লেশ,
শুভ্র হাসি আনন্দের সৌরভ ছড়ায় !
সুধাময় রসালাপ নাশ করে মনস্তাপ,
জ্ঞানগর্ভ প্রবচন অমৃত বিলায় !

৭

সামাজিক দুরাচার, দুর্নীতির ব্যবহার,
অন্তর্দৃষ্টি করে তাঁর অন্তর চঞ্চল !
হ'য়ে বন্ধপরিকর সাজিল সে নটবর,
লোক-শিক্ষা মূল-মন্ত্র—অমৃতে গরল !

অচেনা

৮

নিজ হিয়া জ্বলে যার দংশন কি সাজে তার,
অন্তরে কাঁদিয়া কবি—বাহিরে হাসায় !
হৃদিবান্ যে পাঠক প'ড়ে তার সে নাটক,
কবি-সনে ফেলে অশ্রু হৃদয়-জ্বালায় ।

৯

লোকে হেরে অভিনয় কেবল আনন্দময়,
আনন্দে লুকান অশ্রু না পায় সন্ধান !
কত বড় কবি-প্রাণ বুঝে কার আছে জ্ঞান,
নিজে সঙ সেজে আঁকে সমাজ-বিজ্ঞান !

১০

বাঙ্গ-চিত্র শত শত এঁকেছে সে মহাব্রত,
রঙ্গ-ছলে দেখায়েছে বাস্তবের ছবি !
দেখিয়া না দেখ যদি, থাক মত্ত নিরবধি,
কেমনে বুঝিবে অন্ধ, কি দিয়াছে কবি !

১১

বাঙ্গালার পথে ঘাটে, পল্লীর সে মাঠে-বাটে,
সুসভ্য সে সহরের বৈঠকখানায়—
সমিতি ও সম্মেলনে, বক্তৃতার রণাঙ্গনে,
আফিস ও আদালতে, আড্ডা ও আখড়ায়—

১২৮

১২

নিবিষ্ট দর্শকমত ছাত্র অধ্যয়ন-রত,
 মহাযোগী ধ্যান-রত স্ত্রী বিজ্ঞবর—
 ছিল সে অমৃতলাল, ভারতীর সে ছুলাল,
 আঁকিল অমূল্য চিত্র বর-চিত্রকর !

১৩

‘হীরকের চূর্ণ’ দিয়া সারদারে আরাধিয়া—
 প্রথম প্রকটে স্ত্রী মাতৃভাষা-সেবা !
 ‘তিলেতে তর্পণ’ করি’ ‘ডিস্মিস্’-চিত্র ধরি’,
 ‘চাটুয্যে-বাঁড়ুয্যে’ ছবি একে দেয় সেবা !

১৪

‘বিবাহ-বিভ্রাট’ যার রহে চির-চমৎকার,
 আধুনিক বাঙ্গালার অপরূপ ছবি !
 ‘তাজ্জব-ব্যাপার’ যত, লেখনী আঁকিল তত,
 নিতুই নূতন চিত্রে ‘বাঞ্ছারাম’-কবি !

১৫

‘রাজা বাহাদুর’ রঙ্গ মাতায় সারাটি বঙ্গ,
 ‘কালাপানি’ করে পার লেখনী বাহার !
 ‘বোমা’ আর সেই ‘বাবু’ সমাজে করিয়া কাবু,
 ‘গ্রামেতে বিভ্রাট’ আনি’ করে ‘একাকার’ !

১২৯

অর্চনা

১৬

‘সাবাস-আটাশ’ পরে ‘ষাছুকরী’ খেলা করে,
অবতীর্ণ ‘অবতার’, ‘কৃপণের ধন’ !
‘খাস দখলে’র সনে ‘ব্যাপিকা-বিদায়’ আনে,
‘সাবাস-বাজালী’ আর সে ‘নব-জীবন’ !

১৭

‘দ্বন্দ্ব মাতনম্’ চিত্র, যশঃ গায় শত্রু-মিত্র,
‘কৌতুক-যৌতুক’ কত দিয়াছে রসিক !
‘সম্মতি-সঙ্কট’ ছবি, ‘বিলাপ’ ক’রেছে কবি,
‘বৈজয়ন্ত-বাস’ পাশে ‘বাহবা-বাতিক’ !

১৮

চিত্রিল যে কুলবালা অপরূপ ‘তরুবালা’,
করুণ বিবাদ ছবি ‘বিজয়-বসন্ত’ !
প্রকটে ‘আদর্শ বন্ধু’ উথলি’ প্রেমের সিঙ্কু,
সে ‘নব-যৌবন’ নাট্য করে প্রাণবন্ত !

১৯

‘ষাজ্জসেনী’ বিরচিয়া, নাট্যে অবসর নিয়া,
প্রবন্ধ, নিবন্ধ শত প্রসবে লেখনী !
অফুরন্ত সে ফোয়ারা, ‘বহুমতী’ মাতোয়ারা,
পা’ব কি আবার দেখা, ওহে গুণমণি !

১৩০

২০

‘বিদূষক’, ‘পূর্ণরাম’, অপূর্ব সে ‘নসীরাম’,
 সাহেব ‘ফর্টর’, ‘ফিস’ কোতুকে খেলা’লে।
 তুমি যা দেখা’লে নট, আছে হৃদে চিত্রপট,
 মাতাল ‘বিহারী খুড়া’ কি হাসি হাসা’লে !

২১

যে নট ‘রমেশ’ সাজে, তারে কি ‘নিতাই’ সাজে,
 বিপরীত হেন রস কে ফুটাতে পারে !
 কোথা ‘মামা তিনকড়ি’, কোথা ‘কৃষ্ণকান্ত’ মরি,
 অমৃতই শুধু উঠে অমৃত-পাথারে !

২২

রচিয়াছ শত গান, ঢালিয়াছ নিজ প্রাণ,
 গছ পছ সম তব চক্রে অমৃতের !
 ‘অমৃত-মদিরা’ পিয়া চিত্রিল প্রমত্ত হিয়া
 নিজের, পরের চিত্র, ব্যথা ব্যথিতের !

২৩

দিলে তুমি শত শত, মহিমা গাহিব কত,
 অগণন শিষ্য তব আজি দেশময় !
 শ্রদ্ধার লেখনী ল’য়ে, তব প্রেমে মুগ্ধ হয়ে,
 ভক্তি-ভরে সমস্বরে গা’বে জয়, জয় !

অর্চনা

২৪

আদরের 'পরিষদ' ওহে নাট্য-বিশারদ,
কত না প্রেমের দান দিলে রসরাজ !
সে প্রেম স্মরিয়া মনে, শ্রদ্ধাপূর্ণ অশ্রুসনে
ক্ষীণ-কণ্ঠে দীন কবি গায় স্তুতি আজ !

২৫

কর্মময় সৃজীবন করি দীর্ঘ পর্যটন,
জন-সেবা বহু মতে করিলে প্রবীণ !
শিক্ষার বিস্তারে পণ ছিল তব আজীবন,
কত মতে জ্ঞান দিলে আচার্য্য প্রাচীন !

২৬

সমাজে আদর্শ চিত্র ধরিলে হে দেশমিত্র,
আচার ও অনুষ্ঠানে আদর্শ বাঙ্গালী !
সনাতন ধর্ম-ধারা পালিলে জীবন সারা,
মিশিলে সকল সনে ছেড়ে চতুরালী ।

২৭

মহাশক্তি-মহাধার 'রামকৃষ্ণ-অবতার,'
চরণে আশ্রয় তাঁর নিলে ভক্ত বীর !
অনুভবি' তাঁর শক্তি করিলে অশেষ ভক্তি,
'বাল্যলীলা'-অর্ঘ্যে শেষে লুটাইলে শির !

১৩২

যাও দেব অমরায়, চিরোজ্জ্বল অলকায়,
কবিদেবদল সদা করে যথা বাস !
সারস্বত-বীণা ধরে গীর্ববাণীর সেবা ক'রে,
অস্তিমে মিলিতে যথা বাঞ্ছা করে দাস ।

মাসিক বহুমতী—অমৃত-স্মৃতি-সংখ্যা, শ্রাবণ, ১৩৩৬ ; সজ্জ—শ্রাবণ, ১৩৩৬
বঙ্গীয় সাহিত্য-পরিষৎ মন্দিরের স্মৃতি-সভায় ও ইউনিভারসিটি
ইনষ্টিটিউটের স্মৃতি-সভায় পঠিত

অমর শিশিরকুমার

এ-মর-জগতে মৃত্যু অনিবার্য,
কীর্তিমান মাত্র বাঁচিয়া রয় !
জন্মিলে মরিবে— ইহা চির ধার্য,
অমৃতা ইহার কভু না হয় !

সে-সত্য যুগের প্রারম্ভ হইতে
ধরিত্রী ধরিল কত যে বক্ষে !
কালের কবলে হয় নাই যেতে—
এমন কিছুই পড়ে না চক্ষে !

নশ্বর সংসারে কিসের লাগিয়া
কোটা কোটা নর কেন গো আসে !
চিরনিদ্রা-মাঝে দু'দিন জাগিয়া
জলের বুদ্বুদ জলেতে মিশে !

শিশিরকুমার

এ পুণ্য-ভূমির পুরা ইতিহাস

কত না ভাস্কর, কত না দীপ্ত !

কিন্তু কোথা আজ সব কীর্তিবাস,

অনন্ত কালের কুঙ্কিতে লিপ্ত !

শত শত বর্ষ থাকি' পরাধীন

তেজ বীর্য্য সব গিয়েছে চ'লে !

নাই সাধ্য কা'র করে কোন হিত,

কি বা হ'বে আর সে সব ব'লে !

মোগল-আমলে ছিল নানা বীর—

প্রতাপ, শিবাজী, আদিত্য আদি !

নাই আশা আর ফিরিবে তাহারা,

ভারতের বিধি হ'য়েছে বাদী !

দেশের বেদনা হ'ল প্রকটিত

বাজালীর মাঝে দু'চার স্থানে !

পরাধীনতার ব্যথায় ব্যথিত,

করিল চঞ্চল মহৎপ্রাণে !

যশোরের এক ক্ষুদ্র গণগ্রামে

ঘোষবংশোদ্ভল মনীষী ধীর !

হৃদয়ের রক্তে লিখি' অবিরামে

জাগাইল দেশে দুর্ধর্ষ বীর !

অর্চনা

জননীর নামে ক'রে নামাক্তিত
জনম-ভূমির দিল সে নাম !
'অমৃতবাজার' হ'ল প্রতিষ্ঠিত,
সুমণ্ডিত যশঃ নূতন ধাম !
সেই নামে হ'ল 'পত্রিকা' স্থাপিত,
দেশমাতৃকার মরম-কথা !
ছত্রে ছত্রে তা'র হইল লিখিত
জনম-ভূমির প্রাণের ব্যথা !
দেশের পূজায়, দেশের সেবায়
সমকক্ষ তা'র কোথায় পাই !
জনম অবধি একই ধারায়
প্রাণ-পণ সেবা কোথাও নাই !
যথা আর্তজন, যথায় বিপন্ন
কাঁদে অত্যাচারে নিভৃত কোণে !
শিশিরকুমার করি' তন্ন তন্ন
জগতের কাণে সে কথা আনে !
নির্ভীক, অদমা, অক্লান্ত উদ্যমে
লেগেছিল বীর দেশের কাজে !
জাতীয়তা-ভাব গাঁথিল মরমে,
স্বজাতি-সেবায় অগ্রণী সে যে !

শিশিরকুমার

রাজার নূতন নিয়ম-বাঁধনে

বন্ধ করে যবে তাহার গতি—

বিদেশী ভাষার সাহায্য-সাধনে,

প্রচারে ‘পত্রিকা’ সে স্থিরমতি !

স্বদেশ-সেবায় ‘অমৃতবাজার’

আজন্ম অগ্রণী—তুলনা নাই !

সচকিত দৃষ্টি প্রজার, রাজার

করে অনুক্ষণ—কোথায় পাই !

বাহিরে হাসায়, অন্তর জ্বালায়,

খুব চিনে তা’রে বিজেতা জাতি !

বাঁধিতে তাহারে পায় না উপায়,

কত না ভেবেছে দিবা ও রাত্তি !

বাঙ্গালা দেশের, বাঙ্গালী জাতির

শিশিরকুমার আদর্শ ছবি !

প্রেমে ভরা বুক সে ভক্ত স্মধীর,

বাহিরে কঠোর কর্তব্য-রবি !

যে প’ড়েছে তাঁ’র ‘অমিয় নিমাই’,

বিকায়েছে তাঁ’র চরণ-তলে !

প্রেমের ঠাকুর, তুলনা যে নাই,

এঁকেছে তাঁহারে নয়ন-জলে !

অর্চনা

কোমলে কঠোরে এমন মিলন—
অমর শিশিরে দেখিবে মূর্ত !
প্রেমোন্মত্ত ভক্ত, ধনুর্ভঙ্গপণ,
বাধিতের ব্যথী, শঠের ধূর্ত !
দেশের সেবক, প্রেমিক-প্রধান
আচরি' তোমার অপূর্ব নীতি !
বীরভক্ত-মত হ'ক আগুয়ান
শতধা বিশ্বস্ত তোমার জাতি !

সঙ্ঘ, চৈত্র—১৩৩৫

কায়স্থ-পত্রিকা, কার্তিক, ১৩৩৬

খ্রীষ্টীকালী

(শ্যামসুন্দরের মাতৃ-মূর্তি)

আমি ক্ষিপ্তা বহুধা নিন্দিতা হিন্দুর দেবতা সেই কালী ।
প্রতিক্ষণে প্রকাশি স্বরূপ, নাহি করি কোন চতুরালী ॥
মূর্তি মোর করিছে প্রকাশ যোগ্যতম-উদ্বর্তন-চিত্র ।
আধুনিক বিজ্ঞান-সম্মত সঠিক সে সদা সুপবিত্র ॥
কালীঘাটে শোণিতের বিন্দু আজ সভ্যতা বিন্মিত করে ।
চারিদিকে করে আন্দোলন, শতমুখে বহু নিন্দা ঝরে ॥
ভোলে নি মেদিনী আজ(ও) সেই শেষ মহাযুদ্ধ-মহামারী ।
সাময়িকী—তাই চলে হেথা আজ এত নিন্দা টিটকারী ॥
শক্তিতে বিশ্বাস নাই কারো, আর সেটা মিথ্যা প্রবঞ্চনা ।
নরের প্রকৃত দুঃখে নাই তার দীর্ঘশ্বাস অশ্রুকণা ॥
দয়াহীন আমি হত্যাকারী, মূর্তি মাত্র সে ত শূন্যময় ।
শূন্যে আমি থাকি মহানন্দে, মোর শূন্যই বসন হয় ॥
শূন্য হ'তে সৃষ্টির আরম্ভ, মাঝে করে শূন্যে অবস্থান ।
শূন্যে উহা হয় পরে লয়,—সৃষ্টি-সূত্রে নাহি করি আন ॥
শূন্য হ'তে করি সৃষ্টি আমি, করি পুনঃ শূন্যে স্থানান্তর ।
চক্রাকার অসি-সঞ্চালনে আনে মাত্র এই ভাবান্তর ॥

অর্চনা

নহি আমি চিত্তহরা স্ত্রী শোভাগৃহ-শোভার-পুতুল ।
করিয়াছি ধূলিসাৎ কত কুঞ্জ-হর্ম্যা চরণ-বর্তুল ॥

মুণ্ডমালা দোলা'য়ে খেলাই, শ্রেষ্ঠ শির চরণে গড়াই ।
লেলিহান রসনায় আমি সর্বনাশী সকলে জানাই ॥

ঝঞ্ঝা'পরে দামিনী দলকে—ইরশাদ ল'য়ে খেলা মোর ।
চণ্ডী আমি অশ্রুনাশিনী—গর্ব-খর্ব আনন্দে বিভোর ॥

প্রতিমা বা প্রতীক নহি গো, তথাপিও আমি বিচ্যমান ।
চিন্ময়ীর না হ'লে প্রতিষ্ঠা, মৃগ্যীরে করি খান্ খান্ ॥

গেয়েছি নু ভৈরব-হৃদয়ে একদিন 'হর' 'হর' 'ব্যোম' ।
ব্যোমকেশ ফেলে দিল ছুঁড়ে সুসভ্য সে দীপ্ত 'গ্রীস' 'রোম' ॥

পণ্ড ক'রে মম অভিপ্রায় বহু লজ্জা পেয়েছিল তারা ।
কাল-চক্রে সেই মহাজাতি অতিক্রম হ'ল ভাগ্যহারা ॥

'সক্রেটিস' বিষপান করে, 'খৃষ্টি' করে 'ক্রুশে' অবস্থান ।
প্রতিহত মানব-সভ্যতা হেরিয়া সে বিধির বিধান ॥

কেটে গেলে মোহের প্রভাব জড় ল'য়ে পুনঃ খেলা করে ।
স্বরাজ্য ও সাম্রাজ্যের স্বপ্নে পূর্ব পথে আবার সে ফেরে ॥

প্রেম, বিধি, ঋয় নিষ্ঠা আর—জীর্ণ তিন পথ পুরাতনে ।
নাহি স্থান আর তাহাদের প্রাণহীন ব্যর্থ এ মিলনে ॥

বুদ্ধিমান চাহে যেই রূপ এ জগৎ মোটে তাহা নয় ।
ঘটিয়াছে যে পরিবর্তন, মম ইচ্ছা জানিহ নিশ্চয় ॥

শ্রীশ্রীকালী

উঠে পড়ে, প'ড়ে উঠে পুনঃ মায়ানাশা এ মম কৃপাণ ।
যতকাল ব্যক্তি কিম্বা জাতি অহঙ্কারে নাহি পায় ত্রাণ ॥
শান্ত হয় প্রমত্ত সে মন, চঞ্চলতা দূরে তার যায় ।
চিরাভাস্ত নিজ পূর্ব-ভাব তখন সে দেখিবারে পায় ॥
সেই শাস্তি ও ধৈর্যের 'পরে দ্বৈত-ভাবে খেলে সে প্রকৃতি ।
নিত্যে অনিত্যতা, দুজ্জের্য় সে, 'মায়া'-নামে বাহার বিবৃতি ॥
পূর্ব হ'তে জড়াচ্ছন্ন সে যে, দেহ-বুদ্ধি বাড়াইয়া তোলে ।
অভিমাণে প্রমত্ত থাকিয়া ছুটে যায় মরণের কোলে ॥
পবিত্র সে বনস্পতি-মধু উপেক্ষিত লালসার করে ।
করে গো মন্থন প্রেম-পূর্ণ-হৃদি মম কাঞ্চনের তরে ॥
সমুখিত বিবপান করি' প্রভু মম নীলকণ্ঠ হায় ।
আত্ম-অভিমান-রূপ-অজে উৎসর্গিতে তবুও না চায় ॥
শক্তি আমি পূর্ণ প্রত্যাখ্যাত, জড়-পদে মাথা নত করে ।
মম ভক্তে 'দেবতা-গোলাম'—কহে তা'রা অবজ্ঞার ভরে ॥
অনুমিলে সে সত্য প্রণবে—বহু পূর্বের বেদের ঘোষণা ।
ক্ষণস্থায়ী বিজ্ঞান-কুটীর যখনো গো হয় নি জল্লনা ॥
বায়ুয়ানে আকাশে উড়িতে, কিম্বা পার সমুদ্র মথিতে ।
প্রহেলিকা জিজ্ঞাসে মানবে—'হবে কিম্বা না হবে' জানিতে ।
আসা, ফেরা, স্থিতির রহস্য—নিত্য বটে সন্ধান-বিষয় ।
নানা ভাবে বহু সাধনায় জ্ঞান-গম্য নাহি তবু হয় ॥

অর্চনা

বসুন্ধরা ক্ষুদ্র গ্রহ মাত্র, কিম্বা সূর্য্য, ক্ষুদ্র সে তারায় ।
পার যদি জানিতে এদেরো, তবু তত্ত্ব ভেদ নাহি হয় ॥
পার যদি জানিতে ঈশ্বরে, সব তত্ত্ব প্রকটিত হবে ।
আমাকে বা তাঁহাকে জানিতে কিছু আর বাকি নাহি র'বে ॥
রিপু-বশীভূত যে মানব—ষার আঁখি কামনায় ভরা ।
হেরে মোর অসি-সঞ্চালন—জ্বালামুখী আমি ভয়ঙ্করা ॥
করালিনী—তাদের নিকটে ক্ষেপে নাচি দিগম্বরী-সাজে ।
স্বার্থ-শূন্য তনয়-আহ্বান মাত্র মোর হৃদয়েতে বাজে ॥
রুদ্ধ করি অগ্নি-বরিষণ, সহ্য করি তার অত্যাচার ।
সে আমার প্রভুর দুলাল, ত্র্যস্ত হই শক্তিতে তাহার ॥
কাপালিক করাল সে করে শঙ্কর করিল আত্মদান ।
ছুটেছিঁছু তার প্রাণ-তরে রাখিবারে পুণ্যভূমি-মান ॥
প্রিয় পুত্র রামপ্রসাদে একদিন দেখাইনু ভয় ।
উত্তরিল—‘তোমারে খাইব’—‘ডরে কি মা তোমার তনয়’ ॥
প্রিয় শিশু জানে মোর রীতি, হেরে মোর আচরণ ভেদি’ ।
কহে—‘রক্ত আঁখি হেরিয়া মা, ভীত কেন হবে মোর হৃদি’ ॥
বিভীষণা বাঘিনী করালী মৃত্যু যে গো সকলে বিলায় ।
সন্তানের আগমানে তার(ও) ভীষণতা সব লোপ পায় ॥
প্রাকৃতিক নিয়মের বশে শাবকেরে স্তম্ভ দান করে ।
সর্ব্ব-ক্রোধ প্রেমে পরাজিত, প্রেম(ই) হেথা ভাগ্য নাম ধরে ॥

শ্রীশ্রীকালী

বৃন্দাবনে এনেছিল প্রেম, অসি হ'তে বাঁশীর উদ্ভব ।
প্রতিমা ও 'মহামন্ত্র' মম গোপী-প্রেমে হ'ল পরাভব ॥
সর্বগ্রাসী সর্ববধ্বংশী লীলা হেরি মোর হইয়া ব্যথিত ।
কালী ছেড়ে মজিল অর্জুন কৃষ্ণে সখ্য করিয়া স্থাপিত ॥
রাধা দেয় অঞ্জলি চরণে, কালী হ'য়ে দাড়াই আবার ।
সঙ্কোপনে আয়ান যখন চতুরে সে চায় ধরিবার ॥
শ্রীরাধা সে হলদিনী আমার, ব্রজগোপী-কুল-শিরোমণি ।
দুজ্জেরা সে, অনন্ত-মহিম বংশীধারী-প্রেমসোহাগিনী ॥
প্রবেশি' সে নিষ্কাম অন্তরে, যথা মিলে নদী সিঞ্চুসনে ।
প্রমাণ হের সে পূর্ণত্বের প্রতিমূর্তি পতিত চরণে ॥
হিমালয়ে করি আমি বাস, মহাদেব প্রাণেশ্বর মম ।
চলি আমি ইঞ্জিতে তাঁহার, প্রভু-পাশে কৃতদাসী সম ॥
তিনি মাত্র এ সংসারে এক, বাকি সব শূন্যে শূন্যময় ।
অসি মম সবাই ডরায়, কাপুরুষ বা বীর দুর্জয় ॥
কাল মোরে নাহি করে স্পর্শ—ভক্তগণ চেনে যার মোরে ।
যে উৎপাত অশ্রুতে মজায়, পুত্র মম তুচ্ছ গণে তারে ॥
মুক্তির সে রহস্য অদ্বুত ক্রুর ভাবে প্রকট আমায় ।
চির-সত্যে উপহাসে নর, সাবধান জীব পুনরায় ॥

সঙ্ঘ—কার্ত্তিক, ১৩৩৬

বিশ্ববাণী—৩য় বর্ষ, ৯ম সংখ্যা, পৌষ, ১৩৩৬

দাতাকর্ণ মনীন্দ্রচন্দ্র

সৌম্য শান্ত ঋষিকল্প ত্যাগমূর্তিমান,
বঙ্গের মরুভূ-মাঝে কে নরেন্দ্রবর
স্বজিলে অমৃতচক্রে স্নিগ্ধ-মরুত্থান,
ছায়াবারি দান করি' হইলে অমর ?
জ্ঞান-ভক্তি-কর্ম-যোগে আনি' সমন্বয়,
ভারতীয় ধর্মধারা অক্ষুণ্ণ রাখিয়া,
এ যুগে আদর্শ ধরি' হ'লে মৃত্যুঞ্জয়,
পা'বে শান্তি দেশবাসী তোমারে স্মরিয়া
শিক্ষা-শিল্প-ব্রহ্মচর্য্য-সাধন-আলয়—
স্থাপিলে হে কর্মযোগী শত প্রতিষ্ঠান !
শত শত বিদ্যার্থীর জীবন-আশ্রয় ;
কোটি কণ্ঠে গায় আজি তব যশোগান !
হে রাজর্ষি, নরেন্দ্রম, বৈষ্ণব-প্রধান,
তবান্বিত বাণী-পীঠ করে শ্রদ্ধাদান ।

বিশ্ববাণী—৩য় বর্ষ, ৯ম সংখ্যা, ১৩৩৬ ; সজ্জ—অগ্রহায়ণ, ১৩৩৬
বঙ্গীয় সাহিত্য-পরিষদের শ্রদ্ধা-সভায় পঠিত

শ্রীমৎ স্বামী সারদানন্দ

বিশ্বমাতৃ-অঙ্কস্থিত কে পুত্র মহান
এলে আজ ধরা'পরে—বাজে মহাতূর্য্য,
দাসরূপে ফিরে সাথে রিপু বলবান—
কাম-ক্রোধ-লোভ-মোহ-মদ ও মাৎস্য !
জ্ঞান-কর্ম-ভক্তি-শ্রোত বহে একাধারে,
শ্রীগুরুর মহাশিষ্য, অন্তরঙ্গবর,
করিয়াছ ইষ্টপূজা নানা উপচারে,
সে' 'লীলা-প্রসঙ্গে' তুমি রহিলে অমর !
'শ্রীমা'র চরণে বসি' ধরিয়াছ ধ্যান,
রচিয়াছ 'শক্তি-পূজা'—ভারত-সাধনা !
'গীতাতত্ত্ব' নবভাষ্যে অপূর্ব ব্যাখ্যান,
রামকৃষ্ণ-তত্ত্বালোকে—সার্থক রচনা !
লোকহিত-যুগধর্ম-প্রধান-ঐত্বিক !
দাসের প্রণতি লহ প্রধান প্রেমিক !

রচিত—পৌষ-শুক্র-সপ্তমী, ৪ঠা মাঘ, ১৩৩৫

সঙ্ঘ—মাঘ, ১৩৩৫ ; বিশ্ববাণী—অগ্রহায়ণ, ১৩৩৬

বঙ্গীয়-সাহিত্য-পরিষৎ-পরিচয়

দীনা-হীনা বঙ্গভাষা এই শুনি পরিচয় ।
নাই কিছু রত্ন-ধন বহু লোকে সদা কয় ॥
দুই চারি দশ জন কিছু লিখিয়াছে বটে ।
জগতের ভাষা-মধ্যে তা'তে নাই নাম রটে ॥
এ-কথায় ব্যথা পেয়ে মাতৃভাষা-অনুরাগী
বাণীর মন্দিরে মিলে রত্ন-আহরণ লাগি' ॥
ছেঁড়া-পুথি কীট-দর্শ্য গ্রাম-গ্রামান্তর হ'তে
পেতে ছোটে বাঙ্গালার গৃহ-কোণে ঘাটে পথে ॥
চেয়ে দেখ দেশবাসী বাণীর মন্দির-পানে ।
ভারে ভারে রত্নরাজি শতেক সেবক আনে ॥
পদাবলী, গীত, গান, গাথা, দোঁহা শত শত ।
পাঁচালী ও নাট্যগীতি বাহিরিছে অবিরত ॥
পুথি ও তামার লিপি, শিলালিপি অগণন
ইতিহাস ক'রে গান জাগায় দেশের মন ॥
সাহিত্য-সম্পদ-রাশি বাঙ্গালার তুচ্ছ নয় ।
দেশ-দেশান্তরে আজি গাহিছে তাহার জয় ॥
'কৃষ্ণ-কীর্তনের' ধ্বনি বেজেছে জগত-কাণে ।
'বৌদ্ধ-গান' 'দোঁহাবলী' বিশ্বদৃষ্টি হেথা আনে ॥

পরিষৎ-পরিচয়

বঙ্গবাণী-রত্নাকরে মাণিক-মুকুতা-পাতি ।
দ্যুতিমান মরকত দীপ্ত মণি নানা জাতি ॥
ভগ্ন-স্তূপে, কুঁড়ে ঘরে, গুপ্ত গুহা, বনমাঝে ।
অবত্ন-রক্ষিত কত আজো মহারত্ন রাজে ॥
অগণন ছিল, আছে—সবে কর অন্বেষণ ।
বাড়িবে জাতির মান পাইলে সে' সব ধন ॥
হে রাজা 'বিনয়কৃষ্ণ', মনীষী 'রমেশ দত্ত' ।
'চক্রবর্তী ক্ষেত্রপাল' মাতৃভাষা-প্রেম-মত্ত,
হে 'রামেন্দ্র', 'ব্যোমকেশ', 'চৌধুরী যতীন্দ্র রায়'
মাতৃ-পীঠ-সেবা ছাড়ি' কোথা চ'লে গেলে হায় ॥
পরিষদ্-প্রতিষ্ঠাতা, পোফটা, অফটা, পালয়িতা ।
একনিষ্ঠ হেন সেবা কে আর দানিবে হেথা ॥
এস শত ভক্ত আজি স্মরিয়া জনম-তিথি
মাতৃভাষা-পুণ্যতীর্থে সেবা করি নিতি-নিতি ॥
হে সাহিত্য-পরিষদ্, বঙ্গবাণী-শ্রীমন্দির,
অর্ঘ্য ল'য়ে দাস আজি নতজানু, নতশির ॥

পরিষদ্-জন্মোৎসব-সভায় পঠিত, ৮ই শ্রাবণ, ১৩৩৬

সভ্য—শ্রাবণ, ১৩৩৬ ; বিশ্ববাণী—মাঘ, ১৩৩৬

নবম নন্দন

নয় স্বর্গে আছে আট নন্দন কানন ।
নবম কোথায় ? খোঁজ মানবের মন ॥
নন্দনে করেন বাস কৃপাপ্রাপ্ত নরে ।
কৃপা মূর্তিমতী কিন্তু মানব-অন্তরে ॥
স্রষ্টা জীব করে বাস স্বর্গের নন্দনে ।
আনন্দে থাকেন স্রষ্টা শুদ্ধ-স্বস্থ মনে ॥
সে আট নন্দনে তুমি চাহ কি মানব ।
নবম বিহীন হ'য়ে থাক ইচ্ছা তব ॥
পেতে পার নর তুমি সে আট নন্দনে ।
নবমে পাইবে কিসে খোঁজ নিজ মনে ॥ *

চিন্তাকণা

মাতৃভূমি, মাতৃভাষা, স্বধর্ম, স্বজাতি—
হয় যেন আমাদের ধ্যান দিবারাতি !

* আরবীয়ের ইংরাজি হইতে—চক্র, ২য় সংখ্যা, ১৩৩৭
সঙ্ঘ—প্রাবণ, ১৩৩৭

শ্রেষ্ঠদান

সযত্ন-সঞ্চিত মম ক্ষুদ্র কোষ হ'তে

দিনু এক ভিখারীকে সুবর্ণের দান !

নিঃশেষিয়া সব তার ফিরে এল পথে—

পূর্বমত ক্ষুধার্ত সে, দেহ কম্পমান !

দিলাম—এবার তারে আমি কিছু তত্ত্ববাণী—

সাধিয়া সে' উপদেশ হ'ল সে যে মহাপ্রাণী !

দেবানীষ ল'য়ে শিরে, তেজস্বী সে ভদ্রবেশে

ভ্রমে হেথা সগৌরবে, আজ নহে ভিখারী সে ! *

চিত্তাকণা

দেবতার অশ্বেষণে খুঁজে মরি ত্রিভুবন—

দেখেও দেখি না মোরা নর মাত্র নারায়ণ !

* ইংরাজি হইতে—চক্র, ১ম বর্ষ, ২য় সংখ্যা, ১৩৩৭

সজ্ঞ—শ্রাবণ, ১৩৩৭

সনাতন

(গাথা)

হাহাকার রবে উড়িয়ায় যবে দুর্ভিক্ষ দানিল সাড়া,
শুষ্ক চারিভিত, তৃণ-বিরহিত, বাজিল শমন-কাড়া !
তপন-তাপিত, দগধ, দলিত, পল্লববিহীন তরু ,
কুজে না ক পাখী, শূন্য সব শাখী, নাহি দেশে মোষ গরু !
তিন বর্ষ ধরি', অজন্মায় ঘেরি' রাখিল এ পোড়া দেশ—
নাই বারিপাত, মৃত্যুর উৎপাত, প্রাণ-আশা নাহি লেশ !
সনাতন-নামে কোন এক গ্রামে আছিল জনেক যুবা !
বৃদ্ধ মাতাপিতা, সহোদর ভ্রাতা—ছিল না ক অন্য কেবা !
না জনমে ধান কণা-পরিমাণ, দু'বছর ছোট ক্ষেতে—
গৃহ-পশু বেচি', রহে তা'রা বাঁচি'—বিনিময়ে পেয়ে খেতে !
কয় মাস যায়, পিতামাতা, হায়, খাইয়া গ্রাসেক ভাত—
সন্তানের তরে বাকী রাখে ধ'রে,—যা'রা কাঁদে দিনরাত !

‘আমি বেশী খাই, যদি চ’লে যাই, পাবে খেতে ওরা বেশী’—
স্বামি-বাক্য শুনে প্লাবিত নয়নে স্ত্রীর হৃদি যায় ভাসি’ !
‘তুমি ছেড়ে গেলে,’ কাঁদিয়া সে বলে,—

কি হ’বে যে আমাদের—

‘জান নাকি তুমি ? তা’র চেয়ে আমি চ’লে গেলে বাঁচে ঢের !
‘আছে অলঙ্কার যা’ কিছু আমার—সহরে বেচিতে যাও ;
‘খাদ্য কিছু আন, যাহে বাঁচে প্রাণ, বাছাদের গো বাঁচাও !
তাজিল না তা’রে, বেচি’ অলঙ্কারে সামান্য তণ্ডুল পায়—
গ্রামে নাই খাদ্য, সংগ্রহ দুঃসাধ্য, মাত্র কয়বার খায় !
সনাতন ভাবে—পরে যে কি হ’বে, পিতামাতা নাহি জানে ;
ভিক্ষা-তরে যাই, যদি কিছু পাই—ছুটিল বাহির পানে !
রৌদ্রতপ্ত দিনে ভ্রমে একমনে, কিছু যদি কোথা পায়,
বন-ফল, পাতা নাহি মিলে কোথা, ফেরে আর্ত বুভুক্ষায় !
অবসন্ন দেহে যবে আসে গেহে, মা দেন সামান্য অন্ন,
তেজস্বী-হৃদয়, মাথা নেড়ে কয়—তৃপ্ত আজি, নহি ক্ষুধ !
কাল বনে গেলে, কিছু না পাইলে, রাখ উহা, খা’ব পরে—
চ’লে যায় মাতা, বুঝি’ স্মৃত-ব্যথা, বিরলে নয়ন ঝরে !
ক্ষুধার জ্বালায় কাঁদিয়া ভাসায় ছোট ভাই অবিরত—
জননী তখন দেয় সে’ অশন, সনাতন আনন্দিত !
প্রতি প্রাতঃকালে সনাতন চলে, পাতা শাক কভু পায় ;
কিন্ধা তৃণ দু’টী, মরে নি যে ক’টি প্রচণ্ড তাপেও হয় !

অর্চনা

ভাল কিছু পেলে ছুটে ঘরে চলে, বলে হেসে মা'র কাছে—
তোমাদের তরে এনেছি ইহারে, পেট মোর ভরিয়াছে !

এইরূপে হায়, দুর্দিন কাটায়, অস্থিচর্মসার পিতা—
না পারে চলিতে, কাঁপে পা ফেলিতে, ট'লে পড়ে যথাতথা !
কোন উপকার পারে না সে আর করিতে আপন জনে—
'আমি চ'লে গেলে, মম অংশ পেলে—হ'বে ভাল—'ভাবে মনে!

পত্নীরে ডাকিয়া কহে বীর হিয়া,—'কিছু দূরে যাব আমি,
'ভাল আমি র'ব, ভাবনা কি তব, বাসিও না ভয় তুমি' !

নারী ভাগ্যহীনা, বচন সরে না, বুদ্ধিতে পারিল মনে—
কোন যাত্রা-পথে স্বামী চায় যেতে, ফেলি' প্রাণপ্রিয়-জনে !
পরদিন প্রাতে হাঁটি পায়ে হাতে ছাড়ে সে কুটীর দুখে—
পিতৃপিতামহে আছিল যে গেহে—নিজে ছিল যথা স্নেহে !
পাছু পানে ফিরি', বারেক নেহারি' আশীর্ব্বাদ ভিক্ষা চায় !
পরে দেহ টেনে চ'লে যায় বনে—আর দেখা নাহি পায় !

সনাতন-মাতা ক্রমে শয্যাগতা, হৃদে পেয়ে দুঃখ নব—
তাহে অন্ন কষ্ট করে প্রাণ নষ্ট, হেরে মৃত্যু উৎসব !

মাত্র সনাতন লইল তখন সব ভার নিজ শিরে !

মাতৃ-সেবা করি', ভিক্ষাপাত্র ধরি' বাহিরায় গ্রামে ধীরে !
কভু গিয়ে দূরে রিক্ত হস্তে ফেরে, মুঠা দুই কভু পায়—
আনন্দ-উল্লাসে মায়ের সকাশে ল'য়ে উহা স্বরা ধায় !

সনাতন

মাতাও তখন উল্লসিত মন, সুস্থ কিছু বোধ করে—
একে একে হায়, সকলি ফুরায়, ভোগ করি' ক্ষণ-তরে !
ক্রমে দুঃখ বাড়ে, পেটে নাহি পড়ে কাহারো দু'গ্রাস ভাত—
লোক দলে দলে অনশনে জ্ব'লে, করে শিরে করাঘাত !
সনাতন ভাবে কেমনে বাঁচা'বে তাহার দুঃখিনী মায়ে—
নিজ্রে ত সে জীর্ণ, কেঁদে হয় শীর্ণ, কিসে বা বাঁচাবে ভায়ে !
তবু নরোত্তম নহে ভগ্নোত্তম, ক্ষীণ পদে ভ্রমে দূরে—
বুকে আশা বাঁধি', দুই গ্রাস যদি দেয় কেহ দয়া ক'রে !
একদিন হায়, বহুদূরে যায়, চলে না চরণ আর—
উত্তপ্ত সে পথে পারে না টানিতে অবসন্ন দেহ-ভার !
বৃক্ষতলদেশে আশ্রয় লয় সে জুড়াইতে কিছুক্ষণ—
নিজ-জন-তরে অন্নপাক করে কাছে নারী একজন !
এনেছে সে নারী কিছু ক্রয় করি' নিকটের গ্রাম হ'তে—
যথা আজো অন্ন হয় নাই শূন্য—তথা হ'তে কোন মতে !
গন্ধ পেয়ে তার করিল চিৎকার ক্ষুধার জ্বালায় যুবা—
'তিন দিবানিশি আছি উপবাসী, দাও মোরে কিছু সেবা' !
পাক-পাত্র হ'তে কিছু তুলে হাতে দিল নারী দয়াময়ী—
ভাবিল নিঃশেষে খা'বে সে হরষে—চিনে নাই লোভজয়ী !
উঠে সেই দণ্ডে বাঁধি বস্ত্র-খণ্ডে নারীর অমূল্য দান—
কৃতজ্ঞ ভাষায়, শত প্রশংসায় গাহিয়া তাহার গান !

অর্চনা

যায় সনাতন, চঞ্চল চরণ যদিও টলিয়া পড়ে—
গতান্ন মাতার মুখ-ছবি তা'র হৃদয়ে আঘাত করে !
কতদূরে তা'র আছে গৃহদ্বার স্মরণ করিতে নারে—
মা'র ক্ষুধা স্মরি' আপনা পাশরি', ত্যজে লোভ বারে বারে !
দিবা অবসান, বহু ব্যবধান, তখনো হাঁটিছে পথ—
দিল দেখা রাত্রি, অবসন্ন যাত্রী, পূরে নাই মনোরথ !
অবশেষে বীর নোয়া'য়ে শরীর শুইল পথের পাশে—
ভাবে সনাতন—এবে কিছুক্ষণ শুইব বিশ্রাম-আশে !
তারকা-খচিত বিমান বিস্তৃত, একটি তারার পানে
চাহি' অনিমিখে পিতারে সে দেখে কাছে—যেন অনুমানে
পিতার আহ্বান শুনে যেন কান, চঞ্চল হইল মন—
নিদ্রার বাসনা করে আনমনা, ভুলে সব সনাতন !
তবুও যতনে অতি সন্তর্পণে লুকা'ল জামার মাঝে—
অগ্নের পুঁটলি, ভাবি' রক্ত-ঝুলি, যেন মণি-মুক্তা রাজে !
এখন(ই) উঠিব, গৃহে পঁহুছিব—সঙ্কল্প করিয়া মনে—
ক্লাস্ত সে নয়ন মুদিল তখন, ক্ষিপ্ত হারা'ল চেতনে !

*

*

*

*

পরদিন-প্রাতে বৃদ্ধ সেই পথে এক, গ্রামান্তর হ'তে,
দাঁড়া'ল বিস্ময়ে দয়ার্দ্ৰ হৃদয়ে—হেরি' যুবা শুয়ে পথে !
হাঁটু গেড়ে ব'সে, তুলে ল'য়ে ঘসে মরণ-শীতল কর—
হৃদয়-স্পন্দন বুঝিতে তখন দেয় হাত বক্ষোপর !

সনাতন

হেরি' অন্ন-খলি, হ'য়ে কুতূহলী ভাবে বৃদ্ধ মনে মনে—
অন্ন ল'য়ে সাথে, মরে বুভুক্ষাতে—নাহি বুঝে কি কারণে !
ছিল না সেখানে কেহ যে বাখানে—মরেছে কেন এ যুবা—
আত্মত্যাগ তা'র নহে তুলনার, দ্বিতীয় কোথায় কে বা !
মরণ-বরণ করে সনাতন অটল অচল-প্রায়,—
রুগ্না মা'র জন্ম ল'য়েছে যে অন্ন—কণা তা'র নাহি খায় !
জগৎ-বিস্ময় এ কীর্তি অক্ষয়—রাখিল যা' সনাতন—
দেশে দেশে কবি পাইলে এ ছবি গা'বে গাথা অগণন ।

সম্ব—১০ম বর্ষ, ২য় সংখ্যা, ভাদ্র, ১৩৩৭ ; Teachers' Journal, 1930.

ইংরাজি হইতে

THE POET'S SONG.

(A Parody)

Sing my Muse, sing the poet's song,
Grammar and rhyme—right or wrong,
Meaningless words though they may be,
You must sing—that's my hobby.

Sing my Muse, sing the poet's song,
To be a Milton or Byron, that's what I long.
I care not for metre, I care not for thought,
All my copies the 'Grub Street'
has bought.

Sing my Lute, I want a poet's lane,
A thing—an honour I do not try in vain !
Thanks from the worthies for loyal lines
That twinkle in my desk, as a star shines.

THE POET'S SONG.

Stop ! behold ! what the papers say of me,
They call me a poet, I'm in
maddened glee.

**'Poet', 'poet', that is what I dream,
Stanzas flow from my brain like a stream.**

I might admire, I might abuse,
I might conceive, I might produce,
Play the fool, blow hot and cold,
I am always notoriously bold !

On hobby I fight, on whims I write,
Do not see whether dark or bright !
Agitate and oppose whether right or
wrong—
That's the principle of the poet's song !

